

二十四史九通政典類要合編

明

第壹冊

新華書局
PDG

二十四史九通政典類要合編卷二百八十四

明二十八

刑刑制

自漢以來刑法沿革不一隋更五刑之條設三奏之令唐撰律令一準乎禮以爲出入宋採用之而所重者敕律所不載者則聽之於敕故時輕時重無一是之歸元制取所行一時之例爲條格而已明初丞相李善長等言歷代之律皆以漢九章爲宗至唐始集其成今制宜遵唐舊太祖從其言始太祖懲元縱弛之後刑用重典然特取決一時非以爲則後歷詔釐正至三十年始申畫一之制所以斟酌損益之者至纖至悉令子孫守之羣臣有稍議更改卽坐以變亂祖制之罪而後乃滋弊者由於人不知律妄意律舉大綱不足以盡情僞之變於是因律起例因例生例例愈紛而弊愈無窮初詔內外風憲官以講讀律令一條考校有司其不能曉晰者罰有差庶幾人知律意因循日久視爲具文由此奸吏亂法任意輕重至如律有取自上越臨時處治者因罪在八議不得擅自勾問與一切疑獄罪名難定及律無正文者設非謂朝廷可任情生殺之也英憲以後欽恤之意微偵伺之風熾巨惡大愆案如山積而旨從中下縱之不問或本無死理而片紙付詔獄爲禍尤烈故綜明代

刑法大略而以厥術終之

明史刑法志

明太祖初平武昌卽議定律

續通典刑典

吳元年十月令左丞相李善長爲律令總裁官參知政事楊憲傅獻御史中丞劉基翰林學士陶安等二十人爲議律官諭之曰法貴簡當使人易曉若條緒繁多或一時兩端可輕可重吏得因緣爲姦非良法也十二月書成凡爲令一百四十五條吏令二十戶令二十四禮令十七兵令十一刑令七十一工令二律二百八十五條吏律十八戶律六十三禮律十四兵律三十二刑律一百五十七律八命有司刑布中外又恐民不能盡知法意命大理卿周楨等取所定律令自禮樂制度錢糧選注外凡民間所行事宜類聚成編訓釋其義頒之郡縣名曰律令直解明史刑法志

洪武元年八月詔凡決重刑須待秋後毋非時以傷生意十二月置登聞鼓于午門外令監察御史監之凡民間詞訟有司不爲申理及冤抑重事不能自達者許擊之御史隨引奏敢阻告者死續通典刑

三年六月詔自今武官有犯非奏請不得遽問續通典刑考

五年六月定宦官禁令凡內使于宮城內相罵詈者先發理屈笞五十後罵理直者不坐不服本管鈐束而抵罵者杖六十內使罵奉御者杖六十罵門官監官者杖七十內使于宮城內相鬪毆者先鬪理屈杖七十毆傷者加一等後應理直而無傷者笞五十不服本管鈐束而毆之者杖八十毆傷者加一等毆奉御者杖八十毆門官監官者杖一百傷者各加一等內使等有心懷惡逆口出不道之言者凌遲處死知情而蔽之者同罪知其事而不首者斬首者賞銀三百兩續通典刑典

作鐵榜誠公侯申明律令凡九條一凡內外指揮千戶百戶鎮撫等不得私受公侯財物受者杖一百發海南充軍再犯處死公侯與者初再犯免罪附過三犯准免死一次二公侯不得私役官軍違者初再犯免罪附過三犯准免死一次官軍敢輒聽從者杖一百發海南充軍三公侯強佔官民山場湖泊茶園蘆蕩及金銀銅鐵錫冶者初再犯免罪附過三犯准免死一次四各衛官軍非出征之時不得輒於公侯門首侍立聽候違者杖一百發烟瘴地充軍五功臣家管莊人等不得倚勢在鄉欺毆人民違者刺面剔鼻家產籍沒入官妻子徙置南甯其餘聽使之入各杖一百及妻子皆發南甯充軍六凡功臣家屯田佃戶管莊幹辦奴僕及親屬人等倚勢凌民侵奪財產者並依倚勢欺毆人民律處斷七公侯除賜定儀仗戶及佃田人戶已有名額報籍在官敢有私托門下隱蔽差徭者斬八凡公侯之家欺壓良善虛錢實契侵奪人田地房屋孳畜者初犯免罪附過再犯住支俸給一半三犯停其祿四犯與庶人同罪九功臣家不得受諸人土田及騰籠投獻物業違者與侵奪田產

同科斷

續通典
刑典

六年正月命廷臣坐笞罪得以俸贖

續通考
刑考

時工部尚書王肅坐法當笞太祖曰六卿貴重不宜以細故辱命以俸贖罪後羣臣望誤許以俸贖

始此

續通考
刑考

案太祖此令善矣後卒杖永嘉侯朱亮祖工部尚書夏祥子孫踵而行之廷杖幾為故事武宗正

德中杖言事者舒芬等百四十六人死者十一人世宗嘉靖初以議大禮杖豐熙等百三十四人死者十六人中年刑法益峻雖大臣不免史言其四十餘年間杖殺朝士倍蓰前代公卿之辱自古未有辱公卿猶可言也王振劉瑾魏忠賢之徒疊起而得志率由於此蓋監杖用內官行杖用衛卒士大夫既應命其手則欲小人之不歸誠於彼而君子之不觸其禍難矣志稱廷杖之制自太祖始今考太祖三十餘年中實無明文創爲此制又以六年之詔證之尤信然則太祖特偶一爲之而不圖其後世之因而甚焉是故用法不可不慎以爲創自太祖則非也

續通考
刑考

四月刊律令憲綱頒諸有司八月定親屬相容隱律凡同居大功以上親及外祖父母外孫若孫之婦夫之兄弟及兄弟妻若妾之父母女婿許相容隱或奴婢爲主隱者皆勿論其小功以下相容隱減凡八三等若無服之親姑姊妹夫妻之兄弟姑夫妻姪相容隱者減二等謀反惡逆不在此律

續通考
典刑

其冬詔刑部尚書劉惟謙詳定大明律篇目一準於唐曰衛禁曰職制曰戶婚曰廩庫曰擅興曰賊盜曰鬪訟曰詐僞曰雜律曰捕亡曰斷犯曰名例采用舊律二百八十八條續律一百二十八條舊令改律三十六條因事制律三十一條攷唐律以補遺一百二十三條合六百有六條分三十卷明

年二月書成

明史刑
法志

九年十月命釐正大明律

續通考
刑考

帝覽律條猶有未當者命丞相胡惟庸御史大夫汪廣洋等詳議釐正者凡十有三條餘如故

續通刑

考

十四年二月詔凡武臣三品以上犯罪奏請得旨乃鞫之四品以下所司就逮問請旨裁沙若文職

有犯干涉武臣三品者亦須奏請毋擅問命

續通刑典

四月敕刑部自今官吏有犯宥罪復職榜示其過於門果能省身改過則除之不悛者論如律

續通刑典

考

十五年十月勅刑部申明越訴之禁

續通刑典

詔自今有以繁文出入人罪者罪之仍命刑科會諸司官定議成式榜示中外

續通刑典

十七年十月定土官犯罪律選用者依流官律定罪世襲者所司不許擅問先以干証之人推得其

實定議奏聞杖以下紀錄在職徒流則徙之北平

續通刑典

十八年命刑部錄內外職官犯法罪狀明白者揭於申明亭以示懲戒初太祖患民徂元習徇私滅

公罪戾曰滋乃采輯官民過犯條爲大誥是歲書成其目有十曰攬納戶曰安保過付曰詭寄田糧

曰民人經該不解物曰灑派拋荒田土曰倚法爲姦曰空引偷軍曰黥刺在逃曰官吏長解賣囚曰

賣中士大夫不爲君用其罪至鈔劄次年復爲續編三編皆頒學宮以課士里置塾師教之囚有大

誥者罪減等於時天下有誥讀大誥師生來朝者十九萬餘人皆賜鈔遺還其後罪人率援大誥減

等不復論其有無矣

續通典
刑典

二十二年刑部奏言比年律條增損不一在外理刑官及初入仕者不能盡知致令斷獄失當請編類通行俾知遵守遂命翰林院同刑部官取比年所增者參攷折衷以類編附舊律名例律附於斷獄下至是特載之篇首凡三十卷四百六十條名例一卷四十七條吏律二卷曰職制十五條曰公式十八條戶律七卷曰戶役十五條曰田宅十一條曰婚姻十八條曰倉庫二十四條曰課程十九條曰錢債三條曰市廛五條禮律二工曰祭祀六條曰儀制二十條兵律五卷曰宮衛十九條曰軍政二十條曰關津七條曰廩牧十二條曰郵驛十八條刑律十一卷曰賊盜二十八條曰人命二十條曰鬪毆二十二條曰罵詈八條曰訴訟十二條曰受贓十一條曰詐僞十二條曰犯姦十條曰雜犯十一條曰捕亡八條曰斷獄二十九條工律二卷曰營造九條曰河防四條又爲五刑之圖二首圖五曰笞曰杖曰徒曰流曰死笞刑五自一十至五十每十爲一等加減杖刑五自六十至一百每十爲一等加減徒刑五徒一年杖六十年半杖七十二年杖八十二年半杖九十二年杖一百每杖十及徒半年爲一等加減流刑三千里二千五百里三千里皆杖一百每五百里爲一等加減死刑二絞斬徒流之外有充軍絞斬之外有凌遲皆非五刑之正故圖不列次圖七曰笞曰杖曰訊杖曰枷曰杻曰索曰鐐笞大頭徑二分七釐小頭減一分杖大頭徑三分二釐小頭減如笞之數笞杖皆以荆條爲之皆髻受訊杖大頭徑四分五釐小頭減如笞杖之數以荆條爲之髻腿受笞杖訊

皆長三尺五寸用官降式較勘毋以筋膠諸物裝釘枷自十五斤至二十五斤止刻其上爲長短輕重之數長五尺五寸頭廣尺五寸杻長尺六寸厚一寸男子死罪者用之索鐵爲之以繫輕罪者其長一丈鐵連環之以繫足徒者帶以輪作重三斤又爲喪服之圖凡八族親有犯視服等差定刑之輕重其因禮以起義者養母繼母慈母皆服三年毆殺之與殺嫡母同罪兄弟妻皆服小功互爲容隱者罪得遞減舅姑之服皆斬衰三年毆殺罵詈之者與夫毆殺罵詈之罪同姨之子舅之子姑之子皆總麻是曰表兄弟不得相爲婚姻大惡十曰謀反曰謀大逆曰謀叛曰惡逆曰不道曰大不敬曰不孝曰不睦曰不義曰內亂雖常赦不原貪墨贓六曰監守盜曰常人盜曰竊盜曰枉法曰不枉法曰坐贓當議者八曰議親曰議故曰議功曰議賢曰議能曰議勤曰議貴曰議賓太祖諭太孫曰此書首列二刑圖次列八禮圖者重禮也願愚民無知若於本條下卽註寬恤之令必易而犯法故以廣大好生之意總列名例律中善用法者會其意可也太孫請更定五條以上太祖覽而善之太孫又請曰明刑所以弼教凡與五倫相涉者宜皆屈法以申情乃命改定七十三條復諭之曰吾治亂世刑不得不重汝治平世刑自當輕所謂刑罰世輕世重也

明史刑志

續通典刑典

二十四年七月命刑部凡犯法者不許誣引良善違者所誣雖輕亦坐以重罪
二十六年定應充軍者大理寺審訖開付陝西司本部置文簿註姓名年籍鄉貫依南北籍編排甲爲二冊一進內府一付該管百戶充軍如浙江河南山東陝西山西北平福建直隸應天廬州鳳陽

淮安揚州蘇州松江常州和州滁州徐州人發雲南四川屬衛江西湖廣四川廣東廣西直隸太平

甯國池州徽州廣德安慶人發北平大甯遼東屬衛有逃故按籍句補續通典

二十八年九月頒皇明祖訓禁用黥刺剔別鬲割之刑續通典

三十年五月作大明律誥成帝諭羣臣曰朕倣古為治明禮以導民定律以繩頑刊者為令行之既

久犯者猶取故作大誥以示民使知趨吉避凶之道古人謂刑為祥刑豈非欲民並生於天地間哉

然法在有司民不周知故命刑官取大誥條目撮其要略附載於律凡榜文禁例悉除之除謀逆及

律誥該載外其雜犯大小之罪悉依贖罪律論斷編文成書刊布中外令天下知所遵守明史刑志

太祖之於律令也草創於吳元年更定於洪武六年整齊於二十二年至三十年始頒示天下曰久

而慮精一代法始定中外決獄一準三十年所頒其洪武元年之令有律不載而具於令者法司得

援以為證請於上而後行焉凡違令者罪笞特旨臨時決罪不著為律令者不在此例有司輒引比

律至罪有輕重者以故入論罪無正條則引律比附定擬罪名達部議定奏聞若輒斷決致罪有出

入者以故失論大抵明律視唐簡核而寬厚不如宋至其惻隱之心散見各條可舉一以推也如罪

應加者必贓滿數乃坐如監守自盜贓至四十貫絞者止三十九貫九十九文欠一文不坐也加極於流三千里以此增重終不得至

死而減至流者自死而之生無絞斬之別即唐律稱曰者以百刻稱年者以三百六十日如人命

各文書違限雖稱不及時刻仍不得以所加就重條未若疾犯罪而事發於老疾以老疾論幼小犯罪而事發

限之年月科罪即唐律稱曰以百刻條

於長大以幼小論

即唐律老小廢疾條

犯死罪非常赦所不原而祖父母父母老無養者得奏聞取上裁犯徒

流者餘罪得收贖存留養親

即唐律罪非十惡條

功臣及五品以上官禁獄者許令親人入侍徒流者並聽隨

行違者罪杖同居親屬有罪得互相容隱

即唐律同居相容隱條

奴婢不得首主凡告人者告人祖父不得指

其子孫為證弟不證兄妻不證夫奴婢不證主文職責在奉法犯杖則不敘軍官至徒流以世功猶

得擢用凡若此類或問探唐律或更立新制所謂原父子之親立君臣之義以權之者也

明史刑法志

惠帝建文四年

時賊祖已帥位

合徒罪囚人充撥國子監磨夫八月定罪人輸作之例笞罪五等每等五日

杖罪五等每等十日徒罪准所徒年月加以應杖之數輸役流罪三等俱役四年一百日雜犯死罪

工役終身九月定功臣死罪減祿例免三死者初犯減二十之七再犯減十之七三犯盡奪免二死

者初犯減十之五再犯盡奪免一死者一犯盡奪又令雜犯死罪及流罪挈家赴北平種田流罪三

年死罪五年後錄為良民其徒罪令煎鹽杖罪輸役如故仍選徒罪以下罷職官假以職名俾督民

耕種三年有成績實授無成仍坐原罪

續通考刑典

成祖永樂元年二月定誣告法

續通考刑考

三年三月定職官等犯罪等差

續通考刑考

五年五月嚴禁回回多買中國妻妾子女出境按律處死

續通考刑典

八年七月申棄子不育禁

續通考刑考

三四史記文選類要合編

卷二百八十四

月刑

五

約雅堂藏板

十六年申嚴官吏犯贓之禁

續通考
刑考

仁宗洪熙元年十月令凡吏犯徒罪以上准工滿日安置別郡死罪如律公罪附過杖罪除坐累註
誤依律的決還役其受贓及誣取人財考滿丁憂不赴部避役逃亡詐稱疾病者仍依永樂中事例

免杖發北京爲民

續通考
刑典

宣宗宣德四年二月嚴不孝律

續通考
刑考

英宗正統元年正月嚴誣告反坐例

續通考
刑考

四年八月立妄援重律之禁

續通考
刑考

五年六月立侵欺軍糧禁例

續通考
刑考

英宗天順五年二月戒法司凡錦衣衛所行事枉入者許與辯理

續通考
刑考

憲宗成化元年令獄囚者一依正律盡革所有條例

明史刑
法志

四年二月命分別賭博輕重等差

續通考
刑考

六年二月嚴劫盜梟首之例

續通考
刑考

七年十二月禁革官司科罰

續通考
刑考

十三年正月置西樞令官校刺事

續通考
刑考

十四年九月定讞盜罪例

續通考
刑考

弘治五年刑部尙書彭韶等以鴻臚少卿李鏡請刪定問刑條例至十三年刑官復上言洪武未定

大明律後又申明大誥有罪減等累朝遵用其法外遺姦列聖因時推廣之而有條例以輔律非以

破律也乃中外巧法吏或借便已私律浸格不用於是下尙書白昂等會九卿議增歷年間刑條例

經久可行者二百九十七條帝摘其中六事令再議以聞九卿執奏乃不果改然自是以後律例並

行而網亦少密王府禁例六條諸王無故出城有罰其法尤嚴明史刑志

六年五月令審錄錯誤者以失出入論罪其受賄及任已見者以故出入論罪續通典刑典

閏五月定拷訊致死之罪續通典刑考

十一年正月定親屬相姦罪例續通典刑考

十二年二月嚴侵盜倉糧之罪續通典刑考

十三年嚴私通朝貢人之禁有違例將軍器貨與夷人者問斬有私通往來投託買賣及搬置害人

透漏事情者俱發邊衛充軍續通典刑典

十六年十月詔凡威逼祖父母父母死者依毆父母律斬決不待時續通典刑典

十七年二月嚴妖書惑眾之禁五月申嚴勸戚家人倚勢擾民之禁七月嚴藏匿盜賊之罪十月申

明殺人不同謀及臨事拒捕之律續通典刑考

武宗正德五年三月閣臣奏請改定近例續通典刑考

十六年十二月令自今各將領于所轄官軍除臨陣退縮許用軍法外其餘有犯止用常刑違者聽
撫按糾舉論罪

續通典
刑典

嘉靖七年保定巡撫王應聰言正德間新增問刑條例四十四款深中情法皆宜編入不從惟詔偽
造印信及竊盜三犯者不得用可矜例刑部尚書胡世甯又請編斷獄新例亦命止依律文及弘治
十三年所欽定者至二十八年刑部尚書喻茂堅言自弘治間定例垂五十年乞敕臣等會同三法
司申明問刑條例及嘉靖元年後欽定事例永為遵守弘治十三年以後嘉靖元年以前事例雖奉
詔革除願有因事條陳擬議精當可採者亦宜詳檢若官司妄引條例故入人罪者當議黜罰會茂
堅去官詔尚書顧應祥等定議增至二百四十九條三十四年又因尚書何鯨言增入九事

明史刑
志

穆宗隆慶五年刑科給事中王之垣等言律解不一理官所執互殊請以大明律諸家注解折衷定
論纂輯成書參以續定事例列附條例之後刊布中外以明法守仍乞申飭中外有司及今科進士
各熟讀律例從之後萬曆二年五月給事中鄒昇等又請將大明律注參酌考訂并續增條例詳議
上請其成一書頒行中外部覆律經聖祖神謀參酌原無微文隱義諸家各執已見聚訟紛如竊恐
巧文之吏任注釋而背律文猶經生棄經任傳弊不可言矣至于問刑條例乃採之累朝詔令及廷
臣建白可補律文之所未悉自嘉靖三十三年後未經補輯合將嘉靖三十四年後與刑名相關事
體參定附續刊布中外報可

續通考
刑典

萬曆時給事中烏昇請續增條例至十三年刑部尚書舒化等乃輯嘉靖三十四年以後詔令及宗藩軍政條例捕盜條格漕運議單與刑名相關者律爲正文例爲附註其三百八十二條刪世宗時

苛令特多

明史刑志

萬曆六年十二月詔以京城內外錢法壅滯重困小民今後再行申飭各地方有犯私鑄及倡言阻

撓者除爲首依律論死餘各問罪不貸

續通考刑考

七年三月改侵盜錢糧加侵盜邊海錢糧一倍者罪照邊海事例著爲令十月申明武職犯贓罪例

續通考刑考

十一年五月禁革訪察科罰等弊

續通考刑考

十三年九月刑部尚書舒化奏刺字之法所以懲盜凡盜賊犯徒罪以下者不問贓數多寡並從刺字監守常人盜二條據律各載刺字之文而滿貫罪至斬絞者從無刺字之例今後除各盜犯該徒罪以下刺字外其雜犯斬絞准徒者俱照舊免刺得旨軍官軍人犯該徒流律並免刺以後文職照軍官一體行其餘俱以盜論及雜犯斬絞准徒者俱盡本法刺字著爲令後十二月刑部以律文內監守常人盜俱於右臂刺盜官物三字又有以盜論者刺字准盜者免刺載請名例甚明然一百年來以盜論者亦未以刺字之法繩之蓋盜賊與侵欺犯自不同故與真盜之罪終屬稍閒且今犯法者有議贖之條竊盜不准贖刺配亦所甘心若糴里庫役有力者准贖矣又從而刺之不亦甚乎得旨

盜犯贓貫原有正律以從真盜實贓不論犯徒減徒務遵前旨其查盤坐優等項准照舊免刺

續通考刑

二十一年九月命榜示省刑條例

續通考刑考

刑部尚書孫丕揚言一律例原無宜省刑四條勿用磨骨釘寸寸緊夾棍勿用數百斤三四人立枷勿用帶根板水缸杖生樹棍勿用腦箍竹簽嘴掌背花二倫理當重宜省刑四條父子兄弟告者恕父兄刑夫妻尊長告者恕夫與尊長刑子弟替父兄誣告者省子弟刑妻妾替夫誣告者省妻妾刑三刑流防過宜省刑四條先枷撻者後莫枷撻人枷撻者我莫枷撻已刑下體莫刑上體已撻輸家莫撻贏家四情偏防過宜省刑四條勿偏聽原被告加刑勿過疑證佐加刑勿出我聰明加刑勿怒人強頂加刑五避天時宜省刑四條早辰宜省刑寒暑宜省刑霜雪宜省刑節令宜省刑六體人情宜省刑四條屍親宜省刑口納宜省刑赦尊長者宜省刑詬冤枉者宜省刑七人可矜者宜省刑四條老少者宜省刑飢寒者宜省刑病初愈者宜省刑殘廢篤疾者宜省刑八人可疑者宜省刑四條官員宜省刑生儒宜省刑婦女宜省刑賊情曖昧者宜省刑帝命通行榜禁

考刑

熹宗天啟七年十二月

時莊烈帝已即位

詔革大枷

續通考刑

莊烈帝崇禎二年三月定逆案時魏忠賢等皆伏誅帝命刑部尚書喬允升等審定姦黨自崔呈秀

以下定爲六等詔示天下

續通典
刑典

十一年定編遣事宜以千里爲附近二千五百里爲邊衛三千里外爲邊遠其極邊烟瘴以四千里外爲率止拘本妻無妻則已不許擅拘親鄰如衰痼老疾准發口外爲民

續通典
刑典

十四年刑部尙書劉澤深復請議定問刑條例帝以律應恪遵例有上下事同而二三其例者刪定畫一爲是然時方急法百司救過不暇議未及行太祖之定律文也歷代相承無敢輕改其一時變通或由詔令或發於廷臣奏議有關治體言獲施行者不可以無詳也

明史刑
志

右刑制

二十四史九通政典類要各編卷二百八十五

明二十九

刑詳載 決斷 考訊附 贖刑 赦宥
寬恕 囚繫 辦察 峻酷

明太祖洪武初年刑部奏決重囚帝諭之曰朕嘗命汝等凡有重獄必三覆奏以人命至重恐不得其情則刑法濫及而死者不可復生也故必欲詳審今汝等樂以重刑來奏其間固有瀆論亂法罪不可原者亦有一時迷誤情可矜者若一槩言之則輕重不分矣自今凡十惡常赦不原者則云重刑其餘雜犯死罪許聽收贖者毋槩言也 續通典 刑典

六年法司言大辟囚三百餘人已覆訊皆實請處決帝令人持節諭之有冤抑許自陳又召五府六部及六科官諭之曰三百餘人未必人人皆得其實一有不實則死者銜冤爾等可從容審之一日不盡則二日三日便十日亦何害太抵人之實情難得有言語便捷輒駕虛詞掩實情者有訥於言雖懷情實而不能發者須詳悉以聽亦不可以刑迫之 續通典 刑典

十四年遣監察御史分按各道罪囚罪重者悉送京師 續通典 刑考

按是時帝患刑獄壅蔽分遣御史林愿石恆等分按各道後之遣官審錄實始於此至宣宗宣德八年九月復遣官錄天下重囚英宗正統六年四月以災異數見敕遣御史張驥等詳審天下疑獄而兩京刑獄則以命刑部侍郎何文淵大理卿王文巡撫侍郎周忱刑科給事中郭瑾亦賜之

勅十二年復遣刑部大理寺官會各省巡按御史三司官審錄獄囚天順元年四月御史張鵬請分遣御史郎官辨天下疑獄詔命巡撫御史審錄不必遣官憲宗成化元年十一月南京戶部侍郎陳翼因災異禱請如正統例刑部以水旱之故恐重勞擾議寢其奏八年乃分命刑部郎中劉秩等十四人審錄各賜勅書鄭重遣之十二年七月大學士商輅言自八年遣官後五年於茲乞更如例行帝從其請至十七年定在京五年大審卽於是年遣部寺官分行天下會同巡按御史行事蓋在外恤刑會審之例於是始定云

續通考
刑考

十月命法司論囚擬律奏聞從翰林院給事中及春坊正字司直郎會議平允然後覆奏論決

續通考
刑考

十六年帝諭刑部尚書開濟都御史詹徽等曰凡論囚須原情不可深入人罪蓋人命至重常存平恕之心猶恐失之況深文乎昨民有子犯法當死其父行賄求免御史執之并欲論罪朕以父子至親子死而父救之人之至情也故但俞其子而赦其父自今凡有論決必再三詳讞覆奏而行毋重

傷人命

續通考
刑考

十七年閏十月命天下諸司刑獄皆屬刑部都察院詳議平允送大理寺審覆然後決之

續通考
刑考

按太祖嘗謂大獄當面訊防構陷鍛鍊之弊故洪武初年重案多親鞫不委法司至十四年命刑部聽兩造之詞議定入奏既奏錄所下旨送四輔官諫院官給事中覆覈無異然後覆奏行之有

疑獄則四輔官封駁之踰年四輔官罷乃命議獄者一歸三法司及是年建三法司於太平門外
鍾山之陰命之曰貫城詔諭刑官以法天慎事之意又諭法司官布政按察司所擬刑名其間人
命重獄具奏轉達刑部都察院參考大理寺詳擬十九年三月又詔自今諸司應死重囚俱令大
理寺覆奏聽決二十三年七月又詔在外死罪眞犯者具罪狀申刑部刑部議既定然後遣官審
決於是職守一而聽獄益加詳矣然是時又有審刑司及五軍斷事官並列署貫城中審刑司置
於洪武十四年至十九年始罷斷事官置於太祖辛丑至建文中始罷及靖難後遂不復設云

考刑

二十二年諭刑部尚書楊靖曰在京獄囚卿等覆奏在京審決猶恐有失在外各官所擬豈能盡當

卿等當詳獄然後遣官審決

續通典刑典

二十六年改定讞審之制先是決獄笞五十者縣決之杖八十者州決之一百者府決之徒已上具
獄送行省移駁繁而賄賂行乃命中書省御史臺詳讞改月報爲季報以季報之數類爲歲報凡府
州縣輕重獄囚依律決斷違枉者御史按察司糾劾至是令布政司及直隸府州縣各杖就決徒流
遷徙充軍雜犯死罪解部審祿行下具死囚所坐罪名上部詳議如律者大理寺擬覆平允監收候
決其情詞不明或失出入者大理寺駁回改正駁至三改擬不當將當該官吏奏問謂之照駁若停
疑讞決而囚有翻異則改調隔別衙門問擬二次翻異不服則具奏會九卿鞫之謂之圓審至三四

訊不服而後請旨決馬

續通典
刑典

三十年六月更定會官審錄之例

續通考
刑考

初制有大獄必面訊十四年命會議覆奏論決至是置政平訟理二廳審論重囚諭刑部曰自今論囚惟武臣死罪朕親審之餘俱以所犯奏然後引至承天門外命行人持訟理廳傳旨諭之其無罪應釋者持政平播宣德意遣之繼令五軍都督府六部都察院六科通政司詹事府間及駙馬雜聽之錄免者以狀聞無免者實犯死罪以下悉論如律諸雜犯准贖

續通考
刑考

成祖永樂元年二月命三法司五日一引奏罪囚依洪武中例會官於承天門覆審施行

續通考
刑考

二年四月諭曰天氣向熱獄囚淹久必病病無所仰給必死輕罪而死與枉殺何異今令五府六部六科協助爾等盡數日疏決凡死罪獄成者俟秋處決輕罪即決遣有連引待辨未能決者令出獄

聽候

續通考
刑考

按明制熱審始此至宣德中尤戒法司緩玩至令刻期竟事嘗有終夏之間而疏決繫囚詔三四下蓋深有念於古者孟夏斷薄刑仲夏拔重囚之義然是時既命馳諭中外悉如京師例矣而正統元年乃以兵部侍郎于謙言始命外省隆冬盛暑如京師錄囚蓋已不免抵牾至孝宗弘治七年禮科給事中呂獻言每歲初夏縱釋繫囚此例獨行兩京未及天下而武宗正德元年掌大理寺工部尚書楊守隨又言每歲熱審事例行於北京而不行於南京五年大審事例行於在京而

略於在外於是始通行南京凡審囚三法司皆會審在外審錄亦依此例則獻所云兩京者果何

例也兩人相距僅十餘歲而先後互異若此或孝宗末造刑政多所廢弛故歟

續通考
刑考

御奉天門錄囚既多矜宥尚慮有冤抑者復召錦衣衛鴻臚寺等官諭曰囚皆入於獄則雖冤而不
求辨初至朕前則畏威而不敢言有此二者刑法豈能皆當爾等更以朕言從容審之果尚有冤抑

卽來奏聞

續通考
刑典

七年閏四月諭法司發遣重囚必五覆奏

續通考
刑考

九年三月命自今凡情可矜疑者必先具奏

續通考
刑考

十七年十二月諭曰刑者聖人所慎匹夫匹婦不得其死足傷天地之和召水旱之災自今在外諸
司死罪咸送京師審錄三覆奏然後行刑

續通考
刑考

仁宗初卽位召學士楊士奇楊榮金幼孜至榻前諭之曰比年法司之濫朕豈不知其所擬大逆不
道往往出於文致先帝數切戒之故死刑必四五覆奏而法司略不加意甘爲酷吏而不媿自今審
重囚卿三人必往同獻有冤抑者雖細故必以聞

續通考
刑典

仁宗洪熙元年七月

時宣宗
已卽位

命大理寺詳審盜犯九月勅公侯伯五府六部大學士給事中審覆重

囚可疑者再問

續通考
刑考

宣宗宣德十二月以天寒錄囚

續通考
刑考

二十四日九通文其頁要各編

卷二百八十五

月刑

三

約雅堂藏板

按明歷朝無寒審之制而間行寒審之事至崇禎十年代州知州邵正中疏及寒審帝命所司求
故事尚書鄭三俊引洪武二十三年十二月諭刑部尚書楊靖錄囚永樂四年十一月諭呂震出
久繫囚九年十一月責法司決放繫囚十二年十一月帝親閱疑獄宣德四年十月因皇太子千
秋節減宥罪囚他如永樂十一年十月遣副都御史李慶齋覆書命皇太子錄南京囚及是年事
皆寒審中最著者而三俊未暇詳舉觀其寒審無近例一言可知宣德以後舉行此制者蓋寡矣

續通考

刑考

二年奏重囚帝令多官覆閱之諭曰古者斷獄必訊於三公九卿所以合至公重民命卿等往同覆
審毋致枉死英國公張輔等還奏訴枉者五六十人重命法司勘實因切戒焉

續通典
刑典

英宗正統元年河南布政使刑旭言今後人命務要正官檢驗強盜要追真贓凶仗申詳會審若有
異詞卽與辨明違者在內從監察御史在外從按察司究問報可

續通典
刑典

六年刑部郎中林厚言在京監禁重囚有累訴冤枉逮人照勘久不獲斷者請敕各衙門類錄各犯
緊關冤情付諸審錄官卽與辨理具奏在外見監重囚有嘗經訴冤及申詳三法司以議論不明駁
回再詰者請亦錄各犯所訴冤情及駁回詞語付諸審獄官令詳錄具奏從之

續通典
刑典

九年四月命會審參用詳審例

續通考
刑考

十二年四月遣刑部大理寺官往南北直隸及十三布政司會同巡按御史三司官審錄死罪可給

可疑及事無証佐可結正者具奏處置徒流以下減等發落原問官故入等罪俱不追究續通考

十四年五月命太監金英同法司錄囚續通考

刑考

按刑法志內官同法司審錄始於正統六年命何文淵王文審行在疑獄勅同內官與安周忱鄒瑾注南京勅亦如之而特命者始此後景泰六年則命太監王誠成化八年則命司禮太監王高少監宋文毅刑餘之人肆然與大臣等抗顏並坐審決罪囚重辱國體何可勝言夫國家設官如此其備在內則有三法司科道在外則有巡撫巡按按察使等豈猶不足以辦之而重煩閹豎乎且刑者人主威柄所自出漢有黃門北寺獄使宦者得以專刑而窮鈎黨戮名士國祚遂移明太祖鑒前代之失嘗鑄鐵牌置宮門曰內臣不得干預政事預者斬勅諸司不得與文移往來立法可謂嚴矣再傳而後出使專征監軍分鎮刺臣民隱事諸大權悉屬焉嗣是厥禍旋興三案繼作而其害遂與有明相終始此歐陽修所謂雖欲悔悟而勢有不得而去也可畏哉續通考

刑考

景帝景泰六年六月大理寺正向敬言鞫囚有二弊其一論罪不當者輒調問痛加箠楚至三四次仍依原擬不免有冤請自今三次不允送別衙門推鞫原問不當者罪之其一歐罵詈違限等類輕罪律有正條者法司以正條罪輕輒擬依不應從重其買免枉法強竊盜等項贓法金銀律追本色今乃准其費用追鈔此皆輕重不當乞禁令如律從之續通考

刑考

天順三年令每歲霜降後三法司同公侯伯會審重囚謂之朝審歷代遂遵行之續通考

刑考

憲宗成化十四年奏准凡眞犯死罪重囚推情取具招辭依律擬罪明白具本連證佐干連人卷俱發大理寺審錄如有招情未明擬罪不當稱冤不肯服辨者俱駁回再問若招情明白擬罪合律輸情服辨者本寺將審九緣由奏奉欽依准擬依律處決方回報原問衙門監候照例具奏將犯人引赴承天門會同多官審錄其審錄之時原問原審并接管官仍帶原卷聽審情眞無詞者覆奏處決如遇囚翻異稱冤有辭各官仍親一一照卷陳其始末來厯并原先審問過緣由聽從多官仔細叅詳果有可矜可疑或應合再與勘問通行備由奏請定奪

續通典
刑典

十七年四月定兩京五年大審之例

續通考
刑考

孝宗宏治二年令法司每年立秋時將在外監候聽決重囚備查籍貫姓名及在外見監問一應死罪囚犯通行具奏轉行各該巡撫會同有司官從公研審除情眞罪當者照例處決冤抑卽與辨理情可矜疑徑自具奏定奪著爲令

續通考
刑考

十三年二月以災異清理天下獄囚

續通考
刑考

世宗嘉靖六年八月編欽明大獄錄頒示天下

續通考
刑考

按欽明大獄錄乃張桂署三司時得請於帝而爲之名曰欽明實冤獄耳今存其書名於此以嘉靖初年故典俾覽古者因是以推所由來亦考鏡之一助也是時李福達者有罪出入部勅家御史馬錄窮治之於是科道交章劾勸勸自訴於帝請臣以議禮觸怒帝信之悉逮繫錄等而命張

璉桂萼方獻天暑三司事覆訊擬錄挾私故入人罪免死永戍其以劾勦死拷掠者十餘人餘皆削籍戍邊璉等自謂平反有功因有是編之請帝從之刑法志曰是獄所坐大抵璉三人夙嫌者以祖宗之法供權臣排陷而帝不悟也前二年冬刑科給事中劉濟請平刑獄言國家置三法司專理刑獄或主鞫問或主評審權奸不得以恩怨爲出入天子不得以喜怒爲重輕蓋已切中當時之弊而帝不之悟寔至嚴嵩父子竊弄威柄踵張璉而加厲焉其所由來者漸矣續通考

二十年三月命各省所遣審讞官不得避嫌贖徇續通考

二十六年題准各該司府州縣遇五年一次本部差官審錄將充軍人犯除已經解發著伍外其餘不分曾詳允及雖經定衛尚未起解者逐一開送審錄其經審錄官辨釋者務要遵照發落不許問官偏抑阻撓神宗朝刑部尚書孫丕揚以獄多滯囚由公移牽制議刑部大理各置籍凡獄上刑部次日卽詳讞送大理大理審允卽還刑部自是囚無淹繫請教天下撫按方春時和令監司按行州縣大錄繫囚按察使則錄會城囚死罪矜疑及流徒已下可原者撫按以達於朝期毋過夏月歲以爲常從之續通考

四十四年六月刑科條上審錄事宜續通考

穆宗隆慶三年十一月勅刑科參議刑獄續通考

四年九月申讞審決囚事例續通考

先是弘治十七年兵科給事中潘釋奏故事每歲會審重囚率以一日竣事人命至重該審之囚眾多如拘以一日則不得從容詳慎昔太宗文皇帝因刑部等衙門大辟囚三百餘人復訊皆實請決復論之曰更審之一日不盡則二日三日雖十日何害此祖宗好生之仁萬世所當遵也乞令從容研審使無冤枉從之又嘉靖十一年十月刑部給事中王瓊等言頃者重囚審錄原案未讀囚詞未終輒已引去而當筆者手不停批且百五十餘人造次而畢殊非慎獄之意乞自今廷審稍展其期令原問衙門各以獄詞即然宣示使多官雜議務服其心如有疑似亟與分辨帝然之因令會審諸臣盡心詳慎至是給事中舒化言繫囚之數幾至五百一日諭審勢不能周宜分爲二日從之

續通考刑

六年正月刑科給事中胡欝言律文矜疑二字求情定罪難於並用所謂矜者如或發於情之不容已或出於勢之不得不然或迫於相激或陷於無知一旦抵罪其情猶可矜也所謂疑者或曖昧不明或始終互異貼律則不協比例則未合擬以罪名終難歸結此其罪又可疑也二字文雖聯絡義不相蒙今章奏概用無別殊失律義請令刑部申飭勘諸司叅酌律令可矜可疑務剖析情罪帝從之

續通考刑

神宗萬曆元年正月刑科請慎朝審

續通考刑

五年六月帝以審錄矜疑罪犯不合律意諭曰印信係于王制與歷日符驗等項同科故律凡偽造

者新初不論其行使次數及得財多寡今該犯情無可原照舊監候發遣朝廷五年差官審錄欲申理無辜非欲輕釋有罪若有幸免則民輕犯法刑獄益多豈得爲仁政近來審錄官不講求律意但沾欽恤之名其中疑獄沈寃或反不能照察今後務仔細推詳毋得一概混覆

續通考
刑考

十年四月刑科請勅恤刑官毋得任意改招

續通考
刑考

十一年十月禮科給事中李以謙言每歲錄囚不曰處決而曰審決恐臨決之有寃抑而再加詳審也近年各省直遇審決之期但擇情重者決之是處決而非審決也宜行巡按御史虛心詳讞有情與律背事與招違者卽爲辨理事雖不寃執詞不服者亦緩決待再審勿一概行刑從之

續通考
刑考

二十三年六月改每歲清理刑獄之例

續通考
刑考

先是二十一年六月刑部言差官審錄必待五年難免寃抑請照兩京矜疑事例於巡撫每歲審錄外再立澄清囹圄之法每當春和聽兩直隸十三省各撫按官會行所屬問刑衙門各審部內輕重囚犯按察司居省會卽審省會之囚守巡道有分土卽審各道之囚皆親身巡行不得調審爲諸囚累亦不得委守令輕罪徑自發落重罪仍聽部覆務使力行清審歲一酌行庶天下郡縣無一不清之囹圄從之至是御史李宗廷言每歲罪犯內有熱審外有歲清熱審會集多官取議會同歲清止一道臣似屬率易且春爲歲清冬爲處決中爲審錄上解者三又屬勞擾乞勅刑部咨行各省直撫按官罷歲清而比照熱審事例每五六月流徒笞杖各減一等應枷號暫免兩月其充軍死罪情可

矜疑入官給主贓多監久者按臣會審明的未奉單者徑自發落已奉單者差終題諭則熱審之恩
徧於天下矣從之續通考
刑考

右詳讞

明太祖洪武元年民父以誣逮其子訴於刑部法司坐以越訴帝曰子訴父枉出於至情不可罪續通考

典刑

五年楊卓爲廣東行省員外郎田家婦獨行山中遇伐木卒欲亂之婦不從被殺官拷同役卒二十
人皆引服卓曰卒人眾必善惡異也可盡抵罪乎列二十人庭下熟視久之指兩人曰殺人者汝也

兩卒大驚伏罪續通考
刑典

十七年左都御史詹徽奏民毆孕婦至死者律當絞其子乞代大理卿鄒俊議曰子代父死情可矜
然死婦係二人之命犯人當二死之條與其存扣法之人孰若全無辜之子詔從俊議時有告謀反
者勘問不實刑部言當抵罪帝以問秦裕伯對曰元時若此者罪止杖一百蓋以開來告之路也帝
曰姦徒不抵善人被誣者多矣自今告謀反不實者抵罪續通考
刑典

成祖時葉宗人爲錢塘令嘗視事有蛇升階若有所訴宗人曰爾有冤乎吾爲爾理蛇卽出遺吏尾
之入餅肆爐下發之得僞屍蓋肆主殺而瘞之也遂伏法續通考
刑典

宣宗朝顧佐爲右都御史臺綱肅然或告其不理冤訴帝曰此必重囚教之命法司會鞠果于戶賊

清殺無罪三人當死使人誣佐帝曰不誅清則佐法不行磔清於市

續通典
刑典

憲宗成化時華亭縣有民母再醮生一子母死二子爭葬質之官知縣某判其狀曰生前再醮終無

戀子之心死後歸墳難見先夫之面令後子收葬

續通典
刑典

穆宗隆慶中張瀄爲永康令有巨盜盧十八剽金庫十餘年不獲御史以屬瀄瀄刻期三月必得盜而請御史月下數十檄及檄累下瀄陽笑曰盜遁久矣安從捕獲不行吏某婦與十八通吏頗爲耳目聞瀄言以告十八十八意自安瀄乃令他役詐告吏負金繫吏獄密召吏責以通盜死罪復教之請以婦代繫而已出營資以償十八聞亟往視婦因醉而擒之及報御史僅兩月耳久之以治行第一赴召去永甫就車顧其下曰某盜已來去此數里可爲我縛來如言跡之盜正濯足於河繫至盜服辜永人駭其事謂有神告瀄曰此盜捕之急則遁今聞吾去乃歸耳以理卜何神之有

續通典
刑典

神宗時右副都御史王世貞撫治鄖陽有姦僧爲稱樂平王次子奉高皇帝御容金屨行游天下世

貞曰宗藩不得出城而講張如此必僞也捕訊之服辜

續通典
刑典

明制法官治囚皆有成法提人勸事必齎精微批文京外官五品以上有犯必奏聞請旨不得擅勾問罪在八議者實封以聞軍官犯罪都督府請旨諸司事涉軍官及呈告軍官不法者俱密以實封奏毋得擅勾問民間獄訟非通政司轉達於部刑部不得聽理

續通典
刑典

凡內外問刑官惟死罪及竊盜重犯始用拷訊餘止鞭扑常刑酷吏輒用梃棍夾棍腦箍烙鐵及一

封書鼠彈爭欄馬棍燕兒飛或灌鼻釘指用徑寸爛杆不去校節竹片或鞭脊背兩踝致傷已上者俱奏請罪至充軍

明史刑志

凡決囚每歲朝審畢法司以死罪請旨刑科三覆奏得旨行刑在外者奏決單於冬至前會審決之京師每歲決囚後圖諸囚罪狀於錦衣衛之外垣令人觀省

續通典刑典

停刑之月自立春已後至春分已前停刑之日初一初八十四五十八二十三二十四二十八二十九三十凡十日

明史刑法志

太祖洪武三年令臣民有罪法當死者三覆五奏毋輒行刑打斷罪囚自二十六年已前刑部令主事聽會御史五軍斷事司大理寺五城兵馬指揮使官至二十九年并差錦衣衛官其後惟主事會

御史將笞杖罪於打斷廳決訖附卷奉旨者次日覆命

續通典刑典

英宗正統元年禮部尙書胡濙等議評事尹弼所言刑部都察院於調問罪囚多不詳鞠第逼其引伏如原詞請革其弊則負枉者得盡其情帝是其議因論法司囚不伏辨敢抑徇原訊者必罪無赦

續通典刑典

六年評事馬豫上言臣奉敕審刑竊見各處捉獲強盜多因讐人指攀拷掠成獄不待詳報死傷者甚多今後宜勿聽妄指果有贓証御史按察司會審方許論決若未審錄有傷死者毋得准例升賞

續通典刑典

憲宗成化十一年定制凡盜賊贓仗未真人命死傷未經勘驗輒加重刑致死獄中者審勘有無故失明白不分軍民職官俱視酷刑事例爲民續通典

嘉靖六年給事中周鄧言比者獄吏苛刻罪無輕重輒加幽繫案無新故動引歲時姦吏悍卒往往

倚獄爲市乞申明舊律帝嘉納之續通典

神宗時刑部尚書孫丕揚言打斷相驗令御史三六九日遵例會同餘日止會寺官以速決遣徒流

已上部寺詳鞫笞杖小罪聽堂部處分命如議行續通典

右決斷考訊附

明律贖版凡朝廷有所矜恤限於律而不得伸者一萬之贖例所以濟法之太重也又國家得時藉其入以佐緩急而實邊足儲振荒宮府頒給諸大費往往取給於贖贖二者故贖法比贖代特詳續通典

凡贖法有二有律得收贖者有例得納贖者律贖無取損益而納贖之例則因時權宜先後互異其

端開於太祖云明史刑法志

太祖洪武六年正月定職官以俸贖罪例續通典

八年二月雜犯死罪以下及官犯私罪者謫鳳陽輪作屯種贖罪續通典

十二年正月令徒流笞杖罪囚代農民力役贖罪續通典

三十年命部院議定贖罪事例凡內外官吏犯笞杖者記過徒流遷徙者俸贖之三犯罪之如律自

是律與例互有異同及頒行大明律御製序雜犯死罪徒流遷徙等刑悉視今定贖罪條例科斷於是例遂輔律而行仁宗初卽位諭都察院言輸罰工作之令行有財者悉倖免宜一論如律久之其法復弛正統間侍講劉球言輸罪非古自公罪許贖外宜悉依律時不能從其後循太祖之例益推廣之凡官吏公私雜犯准徒以下俱聽運炭納米等項贖罪其軍官軍人照例免徒流者例贖亦如之吳贖罪之法明初嘗納銅成化間嘗納馬後皆不行不具載惟納鈔納錢納銀常竝行焉而以初制納鈔爲本故律贖者曰收贖律鈔納贖者曰贖罪例鈔明史刑志

承樂十一年令除公罪依例紀錄收贖及死罪情重者依律處治其情輕者斬罪八千貫絞罪及榜例死罪六千貫流徒杖笞納鈔有差無力者發天壽山種樹明史刑志

宣德二年定笞杖罪囚每十贖鈔二十貫徒流罪名每徒一等折杖二十三流竝折杖百四十其所罰鈔悉如笞杖所定無力者發天壽山種樹死罪終身徒流各按年限杖五百株笞一百株明史刑志

英宗正統間侍講劉球言輸罪非古自公罪許贖外宜悉依律時不能從其後循太祖之例益推廣之凡官吏公私雜犯准徒已下俱聽運炭納米等項贖罪其軍官軍人照例免徒流者例贖亦如之

續通典
刑典

景泰元年令間擬笞杖罪囚有力者納鈔笞十二百貫每十以二百貫遞加至笞五十爲千貫杖六十千八百貫每十以三百貫遞加至杖百爲三千貫其官吏贓物亦視今例折鈔明史刑志

四年正月更定輪作贖罪例

通考

天順五年令罪囚納鈔每百十鈔二百貫餘四百遞加百五十貫至杖六十增爲千四百五十貫餘

杖各遞加二百貫

明史刑志

成化二年令婦人犯法贖罪弘治十四年定折收銀錢之制例難的決人犯并婦人有力者每杖百應鈔二千二百五十貫折銀一兩每十以二百貫遞減至杖六十爲銀六錢百五十應減爲鈔八百貫折銀五錢每十以百五十貫遞減至百二十爲銀二錢百十應鈔二百貫折銀一錢如收銅錢每銀一兩折七百元其依律贖鈔除過失殺人外亦視此數折收

明史刑志

嘉靖七年巡撫湖廣都御史朱廷聲言收贖與贖罪有異在京與在外不同鈔貫止聚於郡下錢法不行於南方故事審有力及命婦軍職正妻及例難的決者有贖罪例鈔老幼廢疾及婦人餘罪有收贖律鈔贖罪例鈔錢鈔兼收如笞一十收鈔百貫收錢三十五文其鈔二百貫折銀一錢杖一百收鈔千一百二十五貫收錢三百五十文其鈔二千二百五十貫折銀一兩今收贖律鈔笞一十止贖六百文比例鈔折銀不及一釐杖一百贖鈔六貫折銀不及一分似爲太輕蓋律鈔與例鈔貫既不同則折銀亦當有異請更定爲則凡收贖者每鈔一貫折銀一分二釐五毫如笞一十贖鈔六百文則折銀七釐五毫以罪重輕遞加折收贖帝從其奏令中外問刑諸司皆以此例從事是時重修條例奏定贖例在京則做工

每笞一十做工一月折銀三錢至徒五年折銀十八兩

運囚糧

每笞一十米五斗折銀二錢五分至徒五年五十石折銀二十五兩

運灰 每百一十一千二百斤折銀一兩二錢 運載 每百一十七十箇折銀九錢一分 運水和炭五等

每管一十二百斤折銀四錢至徒 運灰最重運炭最輕在外則有力稍有力二等 初有願有力次有

其有力視在京運囚糧 每米五斗納穀一石初 稍有力視在京做工年月為折贖婦人審有力與

命婦軍職正妻及例難的決之人贖罪應錢鈔兼收者笞杖每一十折收銀一錢其老幼廢疾婦人

及天文生餘罪收贖者每笞一十應鈔六百文折收銀七釐五毫於是輕重適均天下便之至萬曆

十三年復申明焉遂為定制凡律贖若天文生習業已成能專其事犯徒及流者決杖一百餘罪收

贖婦人犯徒流者決杖一百餘罪收贖如杖六十徒一年全贖鈔應十二貫除決杖准詔六貫餘鈔

二千二百五十貫應收銀三百 凡年七十以上十五以下及廢疾犯流以下收贖八十以上十歲以

下及篤疾盜及傷人者亦收贖凡犯罪時未老疾事發時老疾者依老疾論犯罪時幼小事發時長

大者依幼小論並得收贖如六十九以下犯罪年七十事發或無疾時犯罪廢疾後事發得依老疾

入上請八十九犯死罪九十 事發得勿論不在收贖之例 若在徒年限內老疾亦如之 如犯杖六十徒一年一月之後老疾合計

文刺徒一年應八貫四百文計算每徒一月贖鈔七百元已從一月准贖七百元外未贖十一月應

收贖七貫七百元餘做此 老幼廢疾收贖惟雜犯五年仍科之蓋在明初即真犯死罪不可以徒

論其誣告例告二事以上輕實重虛或告一事誣輕為重者已論決全抵剩罪未論決笞杖收贖徒

流杖一百餘罪亦聽收贖 如告人笞三十內止一十實已決全抵剩二十之罪未決收贖一貫二百

百文如告人杖六十徒一年內止杖五十實已決全抵剩杖一十徒一年之罪未決徒一年折杖六

十折杖共七十收贖四貫二百文如告人杖一百流二千里內止杖六十徒一年實已決以總徒四

年論全抵剩杖四十徒三年之罪未決以連徒折杖流加一等論其計杖二百二十除告實杖六十徒一年折杖六十剩杖一百贖鈔六貫若計剩罪過杖一百以上須決杖一百訖餘罪方聽收贖

又過失傷人准鬪毆傷人罪依律收贖至死者准雜犯斬絞收贖鈔四十二貫內鈔八分應三已行

五年再犯徒收贖鈔三十貫若犯徒流存留養親者止杖一百餘罪收贖其法實杖一百不准折贖然

贖之此律自英宗時詔有司行之後為制天文生婦女犯徒流決杖一百餘罪收贖者雖罪止杖六十徒一年亦決杖一

百律所謂應加杖者是也皆先依本律議其所犯徒流之罪以誥減之至臨決時某係天文生某係

婦人依律決杖一百餘收贖所決之杖並須一百者包五徒之數也然與誣告收贖剩杖不同蓋收

贖餘徒者決杖而贖徒收贖剩杖者折流歸徒折徒歸杖而照數收贖之其法各別也其婦人犯徒

流成化八年定例餘姦盜不孝與樂婦外若番有力并決杖亦得以納鈔贖罪例每杖十折銀一錢

一兩 明史刑止 法志

凡律所謂收贖者贖餘罪也其例得贖罪者贖決杖一百也徒杖兩項分科之除婦人餘囚徒流皆

決杖不贖惟弘治十三年許樂戶徒杖笞罪亦不的決此律鈔之大凡也例鈔自嘉靖二十九年定

例凡軍民諸色人役及舍餘審有力者與文武官吏監生生員冠帶官知印承差陰陽生醫生老人

舍人不分笞杖徒流雜犯死罪俱令運灰運炭運輓納米納料等項贖罪此上係不虧行止者若官吏人等例

應革去職役此係行止有虧者與軍民人等審無力者笞杖罪的決徒流雜犯死罪各做工擺站哨瞭發充

儀從情重者煎鹽炒鐵死罪五年流罪四年徒按年限其在京軍丁人等無差占者與例難的決之

人笞杖亦令做工時新例犯盜盜受贓爲行止有虧之人樂不許贖罪惟軍官革職者俱運炭納米等項發落不用五刑條例的決實配之文所以寬武夫重責文吏也於是在京惟行做工運囚糧等五項在外惟行有力稍有二項法令益徑省矣大抵贖例有二一罰役一納鈔而例復三變罰役者後多折工值納鈔法既壞變爲納銀納米然運炭運石運輓運碎輓之名尙存也至萬曆中年中外通行有力稍有二科在京諸例并不見施行而法更歸一所謂通變而無失於古之意者此也初令罪人得以力役贖罪死罪拘役終身徒流按年限笞杖計日月或修造或屯種或煎鹽炒鐵滿日疏放疏放者引赴御橋叩頭畢送應天府給引甯家合充軍者發付陝西司按籍編發後皆折納工價惟赴橋如舊宣德初詔官吏軍民自死罪至笞四十分十等納米贖罪納者贓罪得不死徒流以下復用不納者久繫不釋其法最弊有司復奉行不善拘繫滿獄

續通典
刑典

右贖刑

明制凡有大慶及災荒皆赦然有常赦有不赦有特赦十惡及故犯者不赦律文曰赦出臨時定罪名特免或降減從輕者不在此限十惡中不睦又在會赦原赦之例此則不赦者亦得原若傳旨肆赦不別定罪名者則仍依常赦不原之律

續通考
刑考

凡停刑之月自立春以後春分以前停刑之日初一初八十四十五十八二十三二十四二十八二

十九三十凡十日

續通考
刑考

凡牢獄禁繫囚徒年七十以上十五以下廢疾散收輕重毋混雜枷杻常須洗滌席薦常須鋪置冬設暖匣夏備涼漿無家屬者日給倉米一升冬給絮衣一件夜給燈油病給醫藥有官者犯私罪除死罪外徒流銷收杖以下散禁公罪自流以下皆散收司獄官常拘鈐獄卒不得苦楚囚人提牢官不時點視

續通考
刑考

太祖吳元年七月以雷震宮門獸吻赦中外罪囚

續通考
刑考

洪武元年八月以元都平大赦天下

續通考
刑考

五年九月定赦款事例

續通考
刑考

七年十一月詔分別應赦諸人

續通考
刑考

二十二年左都御史詹徽言軍人有犯當杖其人當兩得罪而免宜并論前罪誅之帝曰前罪既宥論之則不信矣命如律

續通考
刑考

二十八年六月諭羣臣禁嚴刑剝削之刑

續通考
刑考

帝數宣仁言不欲純任刑罰叅政楊憲欲重法帝曰求生於重典猶索漁於釜得活難矣御史陳宣曰法重則人不輕犯史察則下無遁情帝曰不然古人制刑以防惡衛善故唐虞畫衣冠而民不犯秦有鑿顛抽脅之刑而國圍成市未聞用商韓之法可致堯舜之治也又嘗謂尚書劉唯謙曰仁義者養民之君梁刑罰者懲惡之藥石舍仁義而專用刑罰是以藥石養人可謂善治乎帝之德念如

此明史刑
法志

成祖永樂元年五月宥死罪以下遞減一等續通考

五年六月詔自永樂二年六月後犯罪去官者悉宥之續通考

十一年御北京新殿大赦天下續通考

二十二年十一月時仁宗已即位赦建文奸黨族屬還家仍以其田產給之續通考

宣宗宣德二年十一月以皇長子生大赦天下續通考

五年二月頒寬恤之令續通考

景帝景泰元年八月以上皇還京詔赦天下續通考

三年十二月命婦人犯死罪蒙恩審錄當宥死者皆杖八十釋之續通考

七年五月以彗星見詔赦天下續通考

十月釋建庶人文圭續通考

五年七月以平反賊曹吉祥等詔赦天下續通考

憲宗成化元年正月詔釋戍邊陳循江淵俞士悅等各回原籍王文子宗彝于謙子冕謙婿朱驥並

放回籍十月刑部以萬壽聖節在邇請先將輕囚續放從之十一月申明赦例續通考

六年八月以旱澇相仍詔除真犯死罪不宥軍徒以上降等發落杖以下悉寬宥續通考

二十一年正月申明淹禁罪囚之條

續通考
刑考

憲宗時山西巡撫何喬新劾奏遲延獄詞僉事尚敬劉源因言凡二司不決斷詞訟者半年之上悉宜奏請執問帝曰刑獄重事周書曰要囚服念五六日至於旬時特爲未得其情者言耳苟得其情卽宜決斷無罪拘幽往往瘐死是刑官殺之也故律著淹禁罪囚之條其卽以喬新所奏通行天下

明史刑
法志

孝宗弘治十八年八月

時武宗
已卽位

上兩宮尊號詔徒流以下悉宥其罪

續通考
刑考

世宗嘉靖九年十一月祀南郊大赦天下

續通考
刑考

十年七月令每年熱審并五年審錄之期凡雜犯死罪准徒五年者皆減去一年永爲定例

續通考
刑考

二十四年七月安列聖神主詔赦天下

續通考
刑考

四十三年以甲元建歲命停刑

續通考

帝雖屢停刑尤慎無赦廷臣屢援赦令欲宥議禮大獄暨建言諸臣益持不允及十六年同知姜翰酷殺平民都御史王廷相奏當發口外乃特命如詔書宥免而以違詔責廷相等三十七年出手諭言司牧未盡得人冤抑不知其幾爾等宜體朕心加意矜恤通行天下咸使喻之郵郵乎有哀痛之意末年主事海瑞上書觸忤刑部當以死帝持其章不下瑞得長繫穆宗立徐階緣帝意爲遺詔盡遷諸逐臣優恤死亡縱釋幽繫讀詔書者無不嘆息云

明史刑
法志

神宗萬曆四年敕雜犯死罪准徒五年者並兩犯徒律應總徒四年者各減一年其他徒流等罪皆

減等笞杖放免續通考

十二年御史屠叔明請釋革除忠臣外親令自齊黃外方孝孺等連及者俱勘豁續通典

莊烈帝崇禎十三年御史魏景琦論囚西市御史高欽舜工部郎中胡璉等十五人將斬忽中官本

清銜命馳免因釋十一人續通典

有赦宥

明太祖洪武元年諭省臣鞠獄當平恕古者非大逆不道罪止及身民有犯者毋得連坐尚書夏竦

嘗引漢法請著律反者夷三族帝以漢仍秦舊法太重卻其奏不行續通典

二年帝諭刑部尚書周禎曰刑以輔治唐虞所不免觀舜命皋陶之辭始曰明刑終期於無刑皋陶

告舜亦曰與其殺不辜甯失不經當時君臣莫不以恤刑為重而民亦自不犯所以能致雍熙之治

朕嘗觀此深有所契卿當體之又嘗與侍臣論待大臣禮太史令劉基曰古者公卿有罪盤水加劍

詣請室自裁未嘗輕折辱之所以存大臣之體侍讀學士詹同因取大戴禮及賈誼疏以進且曰古

者刑不上大夫以勵廉恥也必如是君臣恩禮始兩盡帝深然之續通典

二十八年令法司擬罪引大誥減等是年冬焚錦衣衛具先是天下臣民有犯俱令屬法司其有重

罪送至京者或令收繫錦衣衛下本衛鎮撫司推鞠用事者因而非法凌虐帝聞之怒曰訊鞠者法

司事也負重罪來者或令錦衣衛審之欲先得其情耳豈令其鍛鍊耶而乃非法如是命取其刑具

悉焚之

續通典
刑典

建文帝繼體守文專務寬恕論刑官曰大明律皇祖所親定命朕細閱較前代往往加重蓋刑亂國之典非百世通行之道也朕前所改定皇祖已命施行然罪可矜疑者當不止此夫律設大法禮近人情齊民以刑不若以禮其論天下有司務崇禮教赦疑獄稱朕嘉與萬方之意元年刑部報囚減

太祖時十三矣

續通典
刑典

成祖用法嚴峻亦開示寬大永樂二年御史周新巡按北京時令吏民罪徒流者耕北京閑田監候詳擬往復待報囚多瘐死新請從北京刑部或監察御史詳允就遣以免淹滯帝嘉納之且命畿內罪人應決者許收贖

續通典
刑典

刑部尚書鄭賜等言比來軍士初犯罪者皆蒙宥免小人作過宜當全無懲戒帝曰天不以惡木廢生君子不以小人忘矜恤朕特矜其初犯耳若怙終固不宥也賜又劾廣東儋州知州陳敏同南海衛千戶陳善等運糧遭風壞舟擅以官糧濟軍士請速問之帝曰運糧所以蓄軍有急安得不與賜曰法非有命不得擅給帝曰事有權宜待報而後給無及矣汲黯所以達大體也其置勿聞

續通典
刑典

九年通政司言黃巖縣民告豪民持建文時土人包葬古所進楚王書彙與取觀中有干犯語請法司治之帝曰此必與豪民有怨而欲報之朕初即位命百司凡建文中上書有干犯語言皆朕未即

位已前事悉毀之有告者勿行今復行之是號令不信矣況天下之主豈當念舊惡所告勿聽續通典

仁宗性仁恕甫卽位謂刑部尚書金純都御史劉觀曰卿等皆國大臣如朕處法失中須更執奏朕

不難從善也洪熙改元二月諭觀及大理卿虞謙曰往者法司以誣陷爲功人或片言及國事輒論

誹謗身家破滅莫復辨理今數月聞此風及萌夫治道所急者求言所患者以言爲諱奈何禁誹謗

哉因顧學士楊士奇等曰此事必以詔書行之於是士奇承旨載於已丑詔書云若朕一時過於嫉

惡律外用籍沒及凌遲之刑者法司再三執奏三奏不允至五五奏不允同三公及大臣執奏必允

乃已永爲定制續通典

世宗嘉靖三十七年帝出手諭言司牧者未盡得人任情立威湖廣幼民楊一魁二命枉刑母又就

捕情迫無控萬里叩關以此推之冤抑者不知其幾爾等宜亟體朕心加意矜恤仍通行天下咸使

諭之末年主事海瑞上書觸忤刑部當以死帝持其章不下瑞得長繫續通典

神宗中年已後礦稅便數出爲害而東廠張誠孫暉陳矩皆恬靜帝亦無意刻嚴刑罰用稀嚴衛獄

中至生青草續通典

右寬恕

明太祖洪武十五年定制獄囚貧不自給者人給米日一升二十四年革去功臣及五品已上官禁

正統二年復

獄者許令親人入侍

續通典刑典

成祖永樂九年刑科曹潤等言昔以天寒審釋輕囚今囚或淹一年已上且一月間瘐死者九百三十餘人獄吏之毒所不忍言帝召法司切責遂詔徒流已下三日內決放重罪當繫者恤之無令死

於饑寒

續通典刑典

英宗正統二年令以贓罰做衣分給各罪囚

續通典刑典

六年刑部郎中林厚奏言辯過重囚若候奏允方與疏去枷扭應日既久未免瘐死乞將合奏者暫去枷扭仍繫銷錄俟奏允處之各處有貪酷官員或挾怨故禁勘平人或受賕放人入死罪者除軍職及文職五品已上官奏請外其六品已下卽被逮問械京從之

續通典刑典

憲宗成化十二年令有司買藥餌送部又廣設惠民藥局療治囚人至武宗正德十四年囚犯煤油藥料皆設額銀定數

續通典刑典

世宗嘉靖六年以運炭等有力罪囚折色糶米上本部倉每年約五百石乃停收歲冬給綿衣褲一事提牢主事驗之

續通典刑典

右囚繫

明初詔內外風憲官以講讀律令一條考校有司其不能曉晰者罰有差庶幾人知律意因循日久視爲具文由此姦吏執法多任意輕重以濟其私至厥衛用事文致冤濫殺人尤慘而不麗於法刑

章大壞矣

精通典
刑典

英宗北狩兵部尚書于謙始終不主和議帝雖以是得還意常銜之而徐有貞石亨張軏及內侍曹吉祥等皆素憾謙景泰八年正月壬午英宗復辟宣諭朝臣畢卽執謙與大學士王文下獄誣以與黃玠構邪議更立東宮又與太監王誠舒良張永王勤等謀迎立襄王世子亨等主其議噤言官上之都御史蕭惟禎定讞坐以謀逆處極刑文不勝誣辨之疾謙笑曰此亨等意耳辨何益奏上帝猶豫曰于謙實有功亨進曰不殺謙此舉爲無名帝意遂決詔棄謙市籍其家家屬戍邊未幾帝寵任錦衣指揮僉事遂泉勢張甚遣校尉偵事四方所至急賄無賄者輒執送鎮撫理刑門達鍛鍊成獄逮一人數大家立破指揮使李斌嘗構殺衙千戶陳安爲安家所訴下巡按御史邢宥覆讞石亨屬宥薄斌罪至是校尉言斌素藏妖書謂其弟健嘗有大位欲陰結外番爲石亨報讐宥以聞下錦衣獄達坐斌謀反帝兩命廷臣會訊畏泉不敢平反斌兄弟置極刑坐死者二十八人及泉死達踵其所爲益布旗校四方告訐者曰盛中外重足立帝益以爲能達心害大學士李賢龍又數規已嘗譖於帝及治都指揮袁彬之獄誣彬受石亨曹欽賄用官木爲私第索內官督工者輒瓦奪人子女爲妾諸罪名軍匠楊墳不平擊登聞鼓爲彬訟冤語侵達詔井下達治乃拷掠墳教以引賢墳卽謬曰此李學士導我也達大喜立奏聞諸法司會鞫墳午門外帝遣中官裴當監視達欲執賢並訊經當沮乃止及訊墳曰吾小人何由見李學士此門錦衣教我達色沮不能言彬亦歷數達納賄狀法司

畏達不敢聞坐彬較輪贖填斬帝命彬贖畢調南京錦衣而禁綱填

續通典別典

孝宗宏治十七年以張天祥事逮巡邊御史王獻臣等天祥者遼東人都指揮僉事斌孫也斌以罪廢天祥入粟得祖官有秦甯衛部十餘騎射傷海西貢使天祥出摩囉關掩殺他衛三十八人以歸指為射貢使者巡撫張霖等奏捷獻臣疑之方移牒校勘會斌婦弟指揮張茂及子欽與天祥有隙詐為前屯衛文書呈獻臣具言劫營事獻臣即以聞未報而獻臣被徵帝命大理丞吳一貫錦衣指揮楊玉會新按臣余濂勘之盡得其實斌等皆論死天祥斃於獄天祥叔父洪昺訟冤帝密令東廠廉其事還奏所勘皆誣帝信之欲盡反前獄召閣臣劉健等出東廠揭帖示之命盡逮一貫等健等言東廠揭帖不可行於外既退復爭之帝再召見責健等健對曰獄經法司讞皆公卿士大夫言足信帝曰法司斷獄不當身且不保言足信乎謝遷曰事當從眾若一二人言安可信健等又言眾證遠不可悉逮帝曰此大獄逮千人何恤健等再四爭執見帝聲色厲終不敢深言東廠非一貫等既至帝親御午門鞠之欲抵一貫死廷臣力救乃與濂獻臣等貶謫有差茂父子論死而斌免洪反得

論功

續通典別典

武宗正德初劉瑾勢愈熾毛舉官僚細故散布校尉遠近偵伺遣使察覆邊倉都御史周南張鼐馬中錫湯全劉憲布政已下官孫祿言政方矩華福金獻民劉遷部緒張翼郎中劉釋王蓋等並以救前事下獄追補邊粟憲至瘐死又察鹽課杖巡鹽御史王潤逯前運使甯舉楊奇等察內甲字庫謫

尚書王佐以下百七十二人復劄罰米法嘗忤瑾者皆摘發輸邊故尚書雍泰都御史楊一清侍郎張縉給事中趙士賢等數十人悉破家死者繫其妻子

續通典

二年三月瑾召羣臣跪金水橋南宣示姦黨自大學士劉健以下數十人皆海內號忠直者是年夏御道有匿名書詆瑾所行事瑾矯旨召百官跪奉天門下瑾立門左詰責日暮收五品已下官盡下獄明日大學士李東陽申救乃釋之而主事何武順天推官周臣進士陸伸已賜死瑾故急路繼以其黨張采言舉發御史嚴陽雲等十餘人所致賄乃遷科道十四人分路盤察所遣人率阿瑾意專務搏擊劾尚書顧佐已下數十人而給事中安奎潘希曾御史趙時中阮吉張或劉子厲以無重劾下獄奎或枷且死東陽疏救始釋爲民希曾等亦皆杖斥又矯旨籍故都御史錢鉞禮部侍郎黃景

尚書秦鉞家

續通典

五年會審重囚減死者二人時冤濫滿獄東陽等因風靈以爲言特許寬恤而刑官懼觸瑾怒所上

止此

續通典

世宗初兵部侍郎張璠以議禮積怒廷臣日謀報復嘉靖五年山西巡撫馬錄治反賊李福達獄詞連武定侯部助法司獄如錄議璠讒於帝謂廷臣以議禮故陷助帝果疑諸臣朋比乃命璠及桂萼方獻夫署三法司覆讞盡反其獄傾諸異已者大臣頗頤壽已下咸被拷掠戍錄而坐罪者四十餘人璠等謂平反有功請帝編欽明大獄錄頒示天下

續通典

二十四年夏言再相每以氣陵嚴嵩高銜之次骨會河登議起言欲倚曾銑以成大功主之甚力帝初令擬旨哀銑未幾入嵩譖謂益必不可復遂怒不可解編通典

刑典

二十七年正月削言官復遣官逮銑責科道官不言悉杖於廷然猶無意殺銑言也咸甯侯仇鸞鎮甘肅時以阻撓爲銑所劾逮問高故雅親鸞知銑所善同邑蘇綱者言繼妻父也綱與銑言嘗交關傳語乃代鸞獄中草疏誣銑掩敗不奏尅軍餉鉅萬遣子溫屬所親蘇綱賂當途其言絕無左驗而帝深入其說立下高綱詎獄遣官校速言言抵通州聞銑所坐大驚墮車曰吾死矣再疏訟冤不省及銑至當以交結近侍律斬妻子流二千里卽日行刑銑旣死言亦坐斬而鸞出獄其後兵部員外郎楊繼盛劾嵩十大罪五姦中有召問裕景二王語嵩言謂可指此爲罪密搆於帝帝怒下繼盛詔獄杖之百繫三藏而張經李天寵獄起嵩揣帝意必殺二人比秋審附繼盛名疏尾並奏得報遂乘西市又錦衣衛經歷沈鍊疏劾嵩十大罪帝怒拷之數十譴佃保安宣大總督楊順巡按御史路楷皆嵩黨也嵩子世蕃屬國之許厚報兩人日夜謀所以中鍊者會捕得蔚州妖人閻浩等以白蓮教惑眾出入漠北徧洩邊情詞所連甚廣遂竄錄名其中誣浩等師事鍊具獄上高父子大喜覆如其奏斬鍊宣府市戍子襄極邊廢順一子錦衣千戶順以爲賞薄恐高意未愜復取鍊子充爨杖殺之

編通典

刑典

熹宗天啟元年再起熊廷弼爲經略與撫臣王化貞樞臣張鶴鳴齟齬旋成大隙屠甯之失罪由化貞

而以門戶曲殺廷弼方廷弼之繫獄也令汪文言賄內廷四萬金祈緩既而背之忠賢大恨適通者獲市人蔣應陽謂與廷弼子出入禁獄陰謀巨測忠賢愈欲殺廷弼其黨門克新郎興治等希指趨之遂以五年八月棄市傳首九邊忠賢既盡逐吏部尚書趙南星等左副都御史楊漣劾其二十四大罪僉都御史左光斗預其謀忠賢銜次骨必欲殺二人既削籍乃再興汪文言獄是年其黨徐大化劾漣光斗黨同伐異招權納賄命逮文言言下獄許顯純嚴鞠之使引漣等納廷弼賄文言至死不承顯純乃自爲獄詞坐漣光斗贓各二萬下詔獄其年七月遂於夜中斃之給事中魏大中太僕少卿周朝瑞御史袁化中陝西副使顧大章刑部侍郎王之寀皆以忤忠賢寘名文言獄中枕籍死於獄其後如蘇松巡撫周起元以劾其黨織造中官李實論德終昌期以送去國諸臣吏部員外郎周順昌以與魏大中婚御史周宗建黃真素李應昇工部郎中萬燦俱以彈擊忠賢及其黨郎輩魏廣徵崔呈秀輩忠賢矯旨削籍連問經騎四出琅瑯旁午瘐死囹圄者接踵自古縉紳之禍萬酷於此

右舞系

明太祖開國之初懲元季貪重繩賊更其法至剝皮囊草誦刑部凡官吏有犯宥罪復職書過榜

其門使自省不悛論如律續通典

洪武十八年大誥三篇成所列凌遲梟示種誅者無慮千百棄市已下萬數貴溪儒士夏伯啟叔姪

斷指不仕蘇州人才姚潤王謨被徵不至皆誅而籍其家量中士夫不爲君用之科所由設也其三編稍寬容然所記進士監生罪名自一犯至四犯者猶三百六十四人幸不死還職率載斬罪治事其推原中外貪墨所起以六曹爲罪魁馮桓爲誅首部桓者戶部侍郎也帝疑北平二司官吏李取趙全德等與桓爲姦利自六部左右侍郎以下皆死賊七百萬詞連直省諸官吏繫死者數萬人覆賊所寄借徧天下民間中人之家大抵皆破時咸歸謗御史余敏丁廷舉或以爲言帝乃手詔列桓等罪而論右審刑吳庸等極刑以厭天下心先是空印事發誅殺已過當其後胡惟庸藍玉兩獄株連死者且四萬他如僉都御史嚴德珉以辭官賊戍蘇州知府魏觀以上梁文腰斬馮勝傅友德俱開國功臣並以無罪賜死議者病其險刻時吏部尙書詹徽性殘忍用刑慘厲常侍懿文太子錄囚太子屢欲有所出徽輒文附重法太子爲白帝帝先入徽言曰徽執者法也太子因言立國以仁厚爲本帝曰汝欲自爲帝耶太子懼因感疾而卒

續通典
刑典

成祖靖難後悉指忠臣爲姦黨甚者加族誅妻女發浣衣局教坊司親黨謫戍者至隆萬間猶旬伍不絕御史大夫景清以早朝懷刃事覺磔死族之籍其鄉轉相攀染謂之瓜蔓抄村里爲墟抗拒者既盡被殺戮又懼人竊議之疾誹謗特甚任用陳瑛呂震紀綱輩專以羅織爲事於是蕭議周新解縉等多無罪死武宗時驟流賊趙璉等於市剝爲魁者六人皮法司奏祖訓有禁不聽尋以皮製鞞鑿帝每騎乘之世宗性情忌克濫相尋雖閒命寬恤而意主苛刻中年益惡言者中外相戒無敢

觸忌諱兵科給事中楊元繩以謗毀元修死西市御史楊爵疏詆符瑞詞過切直下詔獄榜掠血肉
振箠關以五木死一夕復甦所司請送法司擬罪不許命嚴錮之主事周天佐御史浦鉉以救爵先
後箠死獄中工部員外郎劉魁給事中周怡皆以言事同繫歷五年不釋既而有神降於乩感其言
出之未踰月尙書熊浹疏言乩仙之妄帝怒復令東廠追執之比三人至同繫鎮撫獄桎梏加嚴飲
食屢絕且令伺其言動五日一奏聞謂之監帖莊烈帝承神宗廢弛嘉宗昏亂之後銳意綜理用刑

頗急

續通典
刑典

十一年南通政徐石麟疏救鄭三俊因言皇上御極以來諸臣麗丹書者幾千圍屏爲滿使情法盡
協猶屬可憐況怵惕於威嚴之下者有將順而無挽回有揣摩而無補救株連蔓引九死一生豈聖

人惟刑之恤之意哉

續通典
刑典

十四年大學士范復粹疏請清獄言獄中文武爨臣至百四十有奇大可痛皆不報

續通典
刑典

刑法有創之自明不衷古制者廷杖東西廠錦衣衛鎮撫司獄是已洪武時永嘉侯朱亮祖父子工
部尙書夏祥皆斃杖下

續通典
刑典

宣德三年怒御史嚴叵方鼎何傑等久不朝參命枷以徇自此言官有荷校者至正統中王振擅權

尙書劉中敷侍郎吳璽陳璠祭酒李時勉率授此辱而殿陛行杖習爲故事矣

明史刑
法志

成化十五年汪直誣陷侍郎馬文昇都御史牟倬等詔以科道李俊王濬等五六人容隱廷杖入二

十明史刑
法志

正德十四年以諫止南巡廷杖修撰舒芬等百四十六人死者十一人金吾衛都指揮僉事張英自刃以諫衛士奪刃得不死亦杖殺之

續通典
刑典

嘉靖三年羣臣爭大禮廷杖翰林學士豐熙等百三十四人死者至十六人中年刑法益峻受廷杖者愈多宣大總督程鵬蘄州巡撫朱方以撤防早宣大總督郎宗阜大同巡撫陳燿以敵入大同刑部侍郎彭黯左都御史屠僑大理卿沈良才以議丁汝夔獄緩戎政侍郎蔣應奎左通政唐國相以子弟冒功皆逮杖之方燿斃於杖下而黯僑良才杖畢趣治事公卿之辱前此未有又因正旦朝賀怒給事中張思靜等皆朝服予杖天下莫不駭然四十餘年開杖殺朝士倍蓰前代萬曆六年以爭閣臣張居正奪情杖編修吳中行等五人其後主事盧洪春給事中孟養浩王德完輩咸以建言被杖多者至一百自十二年至三十四年內外官杖戍爲民者共百四十八

續通典
刑典

天啟時太監王體乾奉敕大審重笞戚畹李承恩以悅魏忠賢於是萬燦吳裕中斃於杖下臺省力爭不得閣臣葉向高言數十年不行之敝政三見於旬日萬萬不可再行忠賢乃罷廷杖而以所欲殺者悉下鎮撫司士大夫益無懼類矣

明史刑
法志

南京行杖始於成化十八年南御史李珊等以歲暮請振帝摘其疏中訛字令錦衣衛詣南京午門前八杖二十守備太監監之至正德間南御史李熙劾貪吏觸怒劉瑾矯旨杖三十時南京禁衛久

不行刑選卒習數日乃杖之幾斃

明史刑志

東廠之設始於成祖立廠於東安門北令驛侍者提督之緝訪謀逆妖言大姦惡等至憲宗時尙銘領東廠又別設西廠以汪直督之所領提騎倍東廠自京師及天下旁午偵事雖王府不免直復任錦衣百戶韋瑛爲心腹屢興大獄建甯衛指揮楊暉故少師榮曾孫也與父泰爲仇家所告逃入京匿姊夫董璵所璵爲請瑛陽諾而馳報直直卽捕暉璵拷訊三毘之璵者錦衣酷刑也骨節皆寸解絕而復甦暉不勝苦妄言寄金於其叔父兵部主事士偉家直不復奏請捕士偉下獄並掠其妻孥獄具暉死獄中泰論斬直中廢復用先後凡六年宛死者相屬會直數出邊監軍大學士萬安奏罷西廠於是尙銘專用事未幾亦黜正德元年復設西廠以俞谷大用邱聚領東廠皆劉瑾黨也兩廠爭用事瑾又改惜薪司外薪廠爲辦事廠榮府舊倉地爲內辦事廠自領之京師謂之內行廠雖東西廠皆在伺察中加酷烈焉

編通典刑典

凡瑾所逮捕一家犯隣里皆坐或瞰河居者以河外居民坐之且創例罪無輕重皆決杖永遠戍邊或枷頂發遺枷重至百五十斤不數日輒死尙寶卿顧璿副使姚祥工部郎張璋御史王時中輩並不免瀕死而後謫戍御史柴文顯汪澄以微罪至凌遲官吏軍民非法死者數千瑾誅西廠內行廠俱革獨東廠如故張銳領之與衛使錢甯並以緝事忒羅織至嘉靖二年內景賢領廠事任千戶陶澹多所誣陷萬厯初馮保以司禮兼廠事建廠東上北門之北曰內廠而以初建者爲外廠天啟時

魏忠賢以秉筆領廠事用衛使田爾耕鎮撫許顯純之徒專以酷虐鉗中外而廠衛之毒極矣

典

凡中官掌司禮監印者其屬稱之曰宗主而督東廠者曰督主東廠之屬無專官掌刑千戶一理刑百戶一亦謂之貼刑皆衛官其隸役悉取給於衛最輕黠儇巧者乃撥充之役長曰檔頭帽上銳衣青素襪褶數小條白皮鞵專主伺察其下番子數人爲幹事京師亡命誑財挾讐視幹事者爲窟穴得一陰事由之以密白於檔頭檔頭視其事大小先予之金事曰起數金曰買起數既得事帥番子至所犯家左右坐曰打樁番子卽突入執訊之無有左證符牒賄如數徑去少不如意撻治之名曰乾醪酒亦曰搬番兒痛苦十倍官刑且授意使牽有力者有力者予之多金卽無事或斬不予予不足卽上聞下鎮撫司獄立死每月旦廠役數百人掣簽庭中分廠官府其視中府諸處會審大獄北鎮撫司拷訊重犯者曰聽記他官府及各城門訪緝者曰坐記某官行某事某城門得某姦胥吏疏白坐記者上之廠曰打事件至東華門雖黃夜投隙中以入卽屏人達至尊以故事無大小天子皆得聞之有四人夜飲密室一人酒酌嫚罵魏忠賢其三人噤不敢出聲罵未訖番子攝四人至忠賢所卽磔罵者而勞三人金莊烈帝卽位忠賢伏誅而王體乾王承祚鄭之惠李承芳曹化瀆王德化王之心王化民齊本正等相繼領廠事告密之風未嘗息也德化及東廠理刑吳道正等偵聞臣薛國觀陰事國觀由此死崇禎十五年御史楊仁愿疏請覓東廠事件復切言緹騎不當遣帝雖戒論

版衛而倚毗益甚至國亡乃已

續通典 刑典

錦衣衛即古詔獄太祖時天下重刑逮至京者收繫獄中數更大獄多使斷治所誅殺甚多然其後

悉焚刑具申明禁令其寬恕篇成祖寵幸紀綱令治錦衣親兵復典詔獄網遂用其黨莊敬袁江王兼李

春等緣借作姦數百千端久之族綱而錦衣典詔獄如故終明之世遂廢洪武詔不用矣英宗初王

振用指揮馬順毒流天下天順復辟指揮門達鎮撫遂杲怙寵羅織達遣旗校四出杲又立程督並

以獲多為主千戶黃麟之廣西執御史吳禎至索獄具二百餘副天下朝執官陷罪者甚眾杲死達

兼泊鎮撫司構指揮使袁彬繫訊之五毒更下僅免朝官楊璉李觀輩皆緘緘就逮蓋自紀綱誅其

徒稍戢至正統時復張天順之末禍益熾朝野相顧惴惴不自保正德中旗校王邦奇貪饕博噬有

若虎狼其捕姦盜也或以一人而牽十餘人或以一家而連數十家鍛鍊獄詞付之司寇謂之鑄銅

板其緝妖言也或用番役四出搜愚民詭異之書或購姦僧潛行誘愚民彌勒之教然後從而掩之

無有解脫謂之種妖言數十年內死者填獄生者冤號不可勝記鎮撫司分南北北司專理詔獄初

衛獄附衛治至門達掌問刑又於城西設獄舍拘繫狼籍正德時衛使石文義與張綵表裏作威時

稱爲劉瑾左右翼祖制凡朝會屢衛率屬及校尉五百名列侍奉天門下糾儀失儀者即褫衣冠執

下鎮撫司獄杖之乃免迫萬厯中始罷其制時告訐之風稍衰故大臣被廢者寡然建言及忤礦稅

璫者輒下詔獄刑科給事中楊應文言監司守令及齊民被逮者百五十餘人雖已打問未送法司

獄禁森嚴水火不入疫癘之氣充斥囹圄衛使賂思恭亦言熟番歲舉俱在小滿前今三年不行鎮司監犯且二百多拋瓦聲冤鎮無司陸達亦言獄囚怨恨有持刀斷指者俱不報魏忠賢起楊左之獄許顯純輩定爰書坐賊比較立限嚴督之五日一追比明史刑法志云兩日爲一限嚴督左光斗傳輸金不中程者受全刑曰械曰鐐曰棍曰拶曰夾棍五毒備具呼暑聲沸天血肉潰爛宛轉求死不得顯純叱咤自若一夕令諸囚分舍宿於是獄卒曰今夕當有壁挺者壁挺獄中言死也明日連死光斗等次第皆鎖

項拉死

續通典刑典

自劉瑾創立枷錦衣獄常用之神宗時御史朱應轂具言其慘請除之不聽至忠賢益爲大枷又設斷脊墮指剝皮剗舌之刑蓋厥禍至忠賢而極矣莊烈帝崩羣下王德化掌東廠以慘刻輔之孟明掌衛印時有縱舍然觀望厥意不敢違而鎮撫梁清宏喬可用朋比爲惡凡搢紳之門必有數人往來蹤跡故常晏起早闔毋敢偶語旗校過門如被大盜官爲囊橐均分其利京城中姦細潛入傭夫販子陰爲流盜所遺無一舉發而高門富家踟躕無甯居其徒跼者恣行誣託稍拂其意飛詆立構摘竿牘片字株連至數十人批政淪胥刑章顛覆於斯爲極云

續通典刑典

右峻酷

二十四史九通政典類要合編卷二百八十六

明三十

象緯

兩儀 凌犯

七政 五緯合聚

恆星 天漢坤

儀象 星畫見

客星

極度 晷影

東西偏度

中星

分野

月五星

日變 月變

暈 暈

日食

月食 星變 星

流星 隕 雲氣

楚詞言圜則九重孰營度之渾天家言天包地如卵裹黃則天有九重地為渾圓古人已言之矣西

洋之說不背於古而有驗於天其言九重天也曰最上為宗動天無星辰每日帶各重天自東而西

左旋一周次列宿天次填星天次歲星天次熒惑天次太陽天次金星天次水星天最下太陰天自

恆星天以下八重天皆隨宗動天左旋然各天皆有右旋之度自西而東與蟻行磨上之喻相符其

右旋之度雖與古有增減然無大異惟恆星之行即古歲差之度古謂恆星千古不移而黃道之節

氣每歲西退彼則謂黃道終古不動而恆星每歲東行由今考之恆星實有動移其說不謬至於分

周天為三百六十度命日為九十六刻使每時得八刻無奇零以之布算製器甚便也其言地圓也

曰地居天中其體渾圓與天度相應中國當赤道之北故北極常現南極常隱南行一百五十里則

北極低一度北行二百五十里則北極高一度東西亦然亦二百五十里差一度也以周天度計之知地之全周

為九萬里也以周徑密率求之得地之全徑為二萬八千六百四十七里又九分里之八也又以南

北緯度定天下之縱凡北極出地之度同則四時寒暑靡不同若南極出地之度與北極出地之度

同則其晝夜永短靡不同惟時令相反此之春彼爲秋此之夏彼爲冬耳以東西經度定天下之衡
兩地經度相去三十度則時刻差一辰若相距一百八十度則晝夜相反焉

明史天文志

右兩儀

日月五星各有一重天其天皆不與地同心故其距地有高卑之不同其最高最卑之數皆以地半
徑準之太陽最高距地爲地半徑者一千一百八十二最卑一千一百零二太陰最高五十八最卑
五十二填星最高一萬二千九百三十二最卑九千一百七十五歲星最高六千一百九十最卑五
千九百一十九熒惑最高二千九百九十八最卑二百二十二太白最高一千九百八十五最卑三
百辰星最高一千六百五十九最卑六百二十五若欲得七政去地之里數則以地半徑一萬四千
三百二十四里通之又謂填星形如瓜兩側有兩小星如耳歲星四周有四小星運行甚疾太白光
有盈缺如月之有弦望用窺遠鏡視之皆可悉睹也

明史天文志

右七政

崇禎初禮部尚書徐光啟督修歷法上見界總星圖以爲回回立成所載有黃道經緯度者止二百
七十八星其繪圖者止十七座九十四星並無赤道經緯今皆崇禎元年所測黃赤二道經緯度畢
具後又上赤道兩總星圖其說謂常現常隱之界隨北極高下而殊圖不能限且天度近極則漸狹
而見界圖從赤道以南其度反寬所繪星座不合仰觀因從赤道中剖渾天爲二一以北極爲心一

以南極爲心從心至周皆九十度合之得一百八十度者赤道緯度也周分三百六十度者赤道經度也乃依各星之經緯點之遠近位置形勢皆合天象至於恒星循黃道右旋惟黃道緯度無古今之異而赤道經緯則歲歲不同然亦有黃赤俱差甚至前後易次者如觜宿距星唐測在參前二度元測在參前五分今測已侵入參宿故舊法先觜後參今不得不先參後觜不可強也又有古多今少古有今無者如紫微垣中六甲六星今止有一華蓋十六星今止有四傳舍九星今五天廚六星今五天牢六星今二又如天理四勢五帝內座天柱天牀大贊府大理女御內厨皆全無也天市垣之市樓六星今二太微垣之常陳七星今三郎位十五星今十長垣四星今二五諸侯五星全無也角宿中之庫樓十星今入亢宿中之折威七星今無氏宿中之亢池六星今四帝席三星今無尾宿中天龜五星今四斗宿中之鼈十四星今十三天籥農丈人俱無牛宿中之羅堰三星今二天田九星俱無女宿中之趙周秦代各二星今各一扶匡七星今四離珠五星今無虛宿中之司危司祿各二星今各一敗曰四星今二離瑜三星今二天壘城十三星今五危宿中之人五星今三杵三星今一曰四星今三車府七星今五天鈞九星今六天錢十星今四蓋屋二星今一室宿中之羽林軍四十五星今二十六騰蛇二十二星今十五八魁九星今無壁宿中之天廐十星今三奎宿中之天溷七星今四畢宿中之天節八星今七咸池三星今無觜宿中之座旗九星今五井宿中之軍井十三星今五鬼宿中之外厨六星今五張宿中之天廟十四星今無翼宿中之東甌五星今無軫宿中之

青邱七星今三其軍門土司空器府俱無也又有古無今有者策星旁有客星萬曆元年新出先大
今小南極諸星古所未有近年浮海之人至赤道以南往往見之因測其經緯度其餘增入之星甚
多並詳恆星表其論雲漢起尾宿分兩派一經天江南海市樓過宗人室星涉天津至騰蛇一由箕
斗天弁河鼓左右旗涉天津至車府而會於騰蛇過造父直趨附路闕道大陵天船漸下而南行歷
五車天關司怪水府傍東井入四瀆過闕邱弧矢天狗之墟抵天社海石之南踰南船帶海山貫十
字架蜜蜂傍馬腹經南門絡三角迴杵而屬於尾宿是爲帶天一周以理推之隱界自隱有雲漢其
所見當不誣又謂雲漢爲無數小星大陵鬼宿中積尸亦然考天官書言星漢皆金之散氣則星漢
本同類得此可以相證又言昴宿有三十六星皆得之於窺遠鏡者凡測而入表之星共一千三百
四十七微細無名者不與其大小分爲六等內一等十六星二等六十七星三等二百零七星四等
五百零三星五等三百三十八星六等二百一十六星悉具黃赤二道經緯度列表二卷入光啟所

修崇禎曆書中

明史天文志

右恆星 天漢埒

璿璣玉衡爲儀象之權輿然不見用於三代周禮有圭表壺漏而無璿衡其制遂不可考漢人創造
渾天儀謂卽璿衡遺制其或然歟厥後代有制作大抵以六合三辰四游重環湊合者謂之渾天儀
以實體圓球繪黃赤經緯度或綴以星宿者謂之渾天象其制雖有詳畧要亦青藍之別也外此則

圭表壺漏而已迨元作簡儀仰儀闕几景符之屬制器始精詳矣明太祖平元司天監進水晶刻漏中設二木偶人能按時自擊鈺鼓太祖以其無益而碎之

明史天文志

正統二年行在欽天監正皇甫仲和奏言南京觀象臺設渾天儀簡儀圭表以窺測七政行度而北京乃止於齊化門城上觀測未有儀象乞令本監官往南京用木做造挈赴北京以較驗北極出地高下然後用銅別鑄庶幾占測有憑從之明年冬乃鑄銅渾天儀簡儀於北京御製觀天器銘其詞曰粵古大聖體天施治敬天以心觀天以器厥器伊何璿璣玉衡璣象天體衡審天行歷世代更垂四千禩沿制有作其制寢備卽器而觀六合外儀陽經陰緯方位可稽中儀三辰黃赤二道日月暨星運行可考內儀四遊橫簫中貫南北東西低昂旋轉簡儀之作爰代璣衡制約用密疏朗而精外有渾象反而觀諸上規下矩度數方隅別有直表其崇八尺分至氣序考景咸得縣象在天制器在入測驗推步靡忒毫分昔作今述爲制彌工旣明且悉用將無窮惟天勤民事天首務民不失寧天其予顧政純於仁天道以正勒銘斯器以勵予敬

明史天文志

十一年監官言簡儀未刻度數且地基卑下窺測日星爲四面臺宇所蔽圭表置露臺光皆四散影無定則壺漏屋低夜天池促難以注水調品時刻請更如法修造報可明年冬監正彭德清又言北京北極出地度太陽出入時刻與南京不同冬夏晝長夜短亦異今宮禁及官府漏簫皆南京舊式不可用有旨令內官監改造

明史天文志

弘治二年監正吳昊言考驗四正日度黃赤二道應交於壁軫觀象臺舊制渾儀黃赤二道交於奎軫不合天象其南北兩軸不合兩極出入之度窺管又不與太陽出沒相當故雖設而不用所用簡儀則郭守敬遺制而北極雲柱差短以測經星去極亦不能無爽請修改或別造以成一代之制事下禮部覆議令監副張紳造木樣以待試驗黃道度許修改焉正德十六年漏刻博士朱裕復言舊表尺寸不一難以準測而推算曆數用南京日出分秒似相矛盾請敕大臣一員總理其事鑄立銅表考四時日中之影仍於河南陽城察舊立土圭以合今日之晷及分立圭表於山東湖廣陝西大名等處以測四方之影然後將內外晷影新舊曆書錯綜參驗撰成定法庶幾天行合而交食不謬疏入不報嘉靖二年修相風杆及簡渾二儀七年始立四丈木表以測晷影定氣朔由是欽天監之立運儀正方案懸晷偏晷盤晷諸式具備於觀象臺一以元法爲斷

明史天文志

萬曆中西洋人利瑪竇制渾儀天球地球等器仁和李之藻撰渾天儀說發明製造施用之法文多不載其製不外於六合三辰四游之法但古法北極出地鑄爲定度此則子午提規可以隨地度高下於用爲便耳

明史天文志

崇禎二年禮部侍郎徐光啟兼理曆法請造象限大儀六紀限大儀三平懸渾儀三交食儀一列宿經緯天球一萬國經緯地球一平面日晷三轉盤星晷三候時鐘三望遠鏡三報九已又言定時之法當議者五事一曰壺漏二曰指南鍼三曰表臬四曰儀五曰晷漏壺水有新舊滑濇則遲疾異漏

管有時塞時磷則緩急異正漏之初必與正午初刻此刻一誤靡所不誤故壺漏特以清晨昏陰晦儀晷表臬所不及而非定時之本指南鍼術人用以定南北辨方正位咸取則焉然鍼非指正子午巽云多偏丙午之間以法考之各地不同在京師則偏東五度四十分若憑以造晷冬至午正先天一刻四十四分有奇夏至午正先天五十一分有奇若表臬者卽考工匠入置槩之法識日出入之影參諸日中之影以正方位今法置小表於地平午正前後累測日影以求相等之兩長影爲東西因得中間最短之影爲正子午其術簡甚儀者本臺故有立運儀測驗七政高度臣用以較定子午於午前屢測太陽高度因最高之度卽得最短之影是爲南北正線既定子午卯酉之正線因以法分布時刻加入節氣諸線卽成平面日晷又今所用員石欹晷是爲赤道晷亦用所得正子午線較定此二晷皆可得天之正時刻所爲晝測日也若測星之晷實周禮夜考極星之法然古時北極星正當不動之處今時久漸移已去不動處三度有奇舊法不可復用故用重盤星晷上書時刻下畫節氣仰測近極二星卽得時刻所謂夜測星也七年督修曆法右叅政李天經言輔臣光啟言定時之法古有壺漏近有輪鐘二者皆由人力遷就不如求端於日星以天合天乃爲本法特請製日晷星晷望遠鏡三器臣奉命接管敢先言其畧日晷者磨石爲平面界節氣十三線內冬夏二至各一線其餘日行相等之節氣皆兩節氣同一線也平面之周列時刻線以各節氣太陽出入爲限又依京師北極出地度範爲三角銅表置其中表體之全影指時刻表中之鏡影指節氣此日晷之大畧

也星以者治銅爲柱上安重盤內盤鑄周天度數列十二宮以分節氣外盤鑄列時刻中橫刻一縫用以窺星法將外盤子正初刻移對內盤節氣乃轉移銅盤北皇帝星與句陳大星使兩星同見經中卽視盤面銳表所指爲正時刻此星晷之大畧也若夫望遠鏡亦名窺筒其制虛管層疊相套使可伸縮兩端俱用玻璃隨所視物之遠近以爲長短不但可以窺天象且能攝數里外物如在目前可以望敵施砲有大用焉至於日晷星晷皆用措置得宜必須築臺以便安放帝命太監盧維寧魏國徵至局試驗用法明年天經又請造沙漏明初詹希元以水漏至嚴寒水凍輒不能行故以沙代水然沙行太疾未協天運乃以斗輪之外復加四輪輪皆三十六齒厥後周述學病其竅太小而沙易墜乃更制爲六輪其五輪悉三十齒而徵裕其竅運行始與晷協天經所請殆其遺意歟夫制器尚象乃天文家之首務然精其術者可以因心而作故西洋人測天之器其名未易悉數內渾蓋簡平二儀其最精者也其說具見全書茲不載

明史天文志

右儀象

宣城梅文鼎曰極度晷影常相因知北極出地之高卽可知各節氣午正之影測得各節氣午正之影亦可知北極之高然其術非易易也圭表之法表短則分秒難明表長則影虛而淡郭守敬所以立四丈之表用影符以取之也日體甚大豎表所測者日體上邊之影橫表所測者日邊下體之影皆非中心之數郭守敬所以於表端架橫梁以測之也其術可謂善矣但其影符之制用銅片鑄鐵

芥之孔雖前低後仰以向太陽但太陽之高低每日不同銅片之敬側安能俱合不合則光不透臨時遷就而日已西移矣須易銅片以圓木左右用兩板架之如車軸然則轉動甚易更易圓孔以直縫而用始便也然影符止可去虛淡之弊而非其本必須正其表焉平其圭焉均其度焉三者缺一不可以得影三者得矣而人心有粗細目力有利鈍任事有誠僞不可不擇也知乎此庶幾晷影可得矣西洋之法又有進焉謂地半徑居日天半徑千餘分之一則地面所測太陽之高必少於地心之實高於是有地半徑差之加近地有清蒙氣能升卑爲高則晷影所推太陽之高或多於天上之實高於是有清蒙差之減是二差者皆近地多而漸高漸減以至於無地半徑差至天頂而無清蒙差至四十五度而無也崇禎初西洋人測得京省北極出地度分北京四十度周天三百六十度度六十分立算下同南京三十二度半山東三十七度山西三十八度陝西三十六度河南三十五度浙江三十度江西二十九度湖廣三十一度四川二十九度廣東二十三度福建二十六度廣西二十五度雲南二十二度貴州二十四度以上極度惟兩京江西廣東四處皆係實測其餘則據地圖約計之又以十二度度六十分之表測京師各節氣午正日影夏至三度三十三分芒種小暑三度四十二分小滿大暑四度十五分立夏立秋五度六分穀雨處暑六度二十三分清明白露八度六分春秋分十度四分驚蟄寒露十二度二十六分雨水霜降十五度五分立春立冬十七度四十七分大寒小雪二十度四十七分小寒大雪二十三度三十分冬至二十四度四分明史天文志

右極度晷影

以京師子午線爲中而較各地所偏之度凡節氣之早晚月食之先後胥視此蓋人各以見日出入

爲東西爲卯酉以日中爲南爲午而東方見日早西方見日遲東西相距三十度則差一時

東方之午乃西

方之巳西方之午乃東方之未也相距九十度則差三時

東方之午乃西方之卯西方之午乃東方之酉也

相距一百八十度則晝夜時刻

俱反對矣東方之午乃西方之子西洋人湯若望曰天啟三年九月十五夜戊初初刻望月食京師初虧在酉

初一刻十二分而西洋意大里雅諸國望在晝不見推其初虧在巳正三刻四分相差三時二刻八

分以里差計之殆距京師之西九十九度半也故欲定東西偏度必須兩地同測一月食較其時刻

若早六十分時之二則爲偏西一度遲六十分時之二則爲偏東一度

節氣之遲早亦同 今各省差數未得

測驗據廣輿圖計里之方約略條列或不致甚舛也南京應天府福建福州府並偏東一度山東濟

南府偏東一度十五分山西太原府偏西六度湖廣武昌府河南開封府偏西三度四十五分陝西

西安府廣西桂林府偏西八度半浙江杭州府偏東三度江西南昌府偏西二度半廣東廣州府偏

西五度四川成都府偏西十三度貴州貴陽府偏西九度半雲南雲南府偏西十七度

明史天文志

右東西偏度

古今中星不同由於歲差而歲差之說中西復異中法謂節氣差而西西法謂恒星差而東然其歸

一也今將李天經湯若望等所推崇禎元年京師昏旦時刻中星列於後春分戊初二刻五分昏

河三中寅正一刻一十分旦尾中清明戌初三刻十三分昏七星偏東四度昏旦時或無正中之星則取中前中後之大星用之距中三度以內者爲時不及一刻可勿論四度以上去中稍遠故犯其偏度焉

寅正初刻二分旦帝座中穀雨戌正一刻七分昏翼偏東七度寅初二刻八分旦箕偏東四度立夏戌正三刻二分昏軫偏東五度寅初初刻十三分旦箕偏

西四度小滿亥初初刻十二分昏角中丑正三刻三分旦其中芒種亥初一刻十二分昏大角偏西

六度丑正二刻三分旦河鼓二中夏至亥初二刻五分昏房中丑正一刻一十分旦須女中小暑亥

初一刻十二分昏尾中丑正二刻三分旦危中大暑亥初初刻十二分昏箕偏東七度丑正三刻三

分旦營室中立秋戌正三刻二分昏其中寅初三刻十三分旦婁偏東六度處暑戌正一刻七分昏

織女一中寅初二刻八分旦婁中白露戌初三刻十三分昏河鼓二偏東四度寅正初刻二分旦昂

偏東四度秋分戌初二刻五分昏河鼓二中寅正一刻一十一分旦畢偏西五度寒露戌初初刻十四

分昏牽牛中寅正三刻一分旦參四中霜降酉正三刻一十一分昏須女偏西五度卯初初刻四分旦

南河三偏東六度立冬酉正二刻一十分昏危偏東四度卯初一刻五分旦與鬼中小雪酉正一刻

十二分昏營室偏東七度卯初二刻二分旦張中大雪酉正一刻五分昏營室偏西八度卯初二刻

一十分旦翼中冬至酉正一刻二分昏土司空中卯初二刻十三分旦五帝座中小寒酉正一刻五

分昏婁中卯初二刻一十分旦角偏東五度太寒酉正一刻十三分昏天囷一中卯初二刻二分旦

亢中立春酉正二刻一十分昏昴偏西六度卯初一刻五分旦氐中雨水酉正三刻一十一分昏參七

分昏

二、三、四、五、六、七、八、九、十、十一、十二、月、象、緯、六、約、雅、堂、藏、板

二
中卯初初刻四分旦貫索一中驚蟄戌初初刻十四分昏天復中寅正三刻一分旦心中

明史天文志

右中星

周禮保障氏以星土辨九州之地所封之域皆有分星以觀妖祥唐貞觀中李淳風撰法象志因漢書十二次度數以唐州縣配而一行則以爲天下山河之象存乎南北兩界其說詳矣洪武十七年大明清類天文分野書成頒賜秦晉二王其書大略謂晉天文志分野始角亢者以東方蒼龍爲首也唐始女虛危者以十二支子爲首也今始斗牛者以星紀爲首也古言天者皆由斗牛以紀星故曰星紀是之取耳茲取其所配直隸十三布政司府州縣衛及遼東都司分星錄之斗三度至女一度星紀之次也直隸所屬之應天太平寧國鎮江池州徽州常州蘇州松江九府暨廣德州屬斗分鳳陽府壽縣六安三州泗州之盱眙天長二縣揚州府高郵通泰三州廬州府無爲州安慶府和州皆斗分淮安府斗牛分浙江布政司所屬之杭州湖州嘉興嚴州紹興金華衢州處州寧波九府皆牛女分台州温州二府斗牛須女分江西布政司所屬皆斗分福建布政司所屬皆斗女分廣東布政司所屬之廣州府亦斗女分惠州女分肇慶南雄二府德慶州皆牛女分潮州府牛分雷州瓊州二府崖儋萬三州高州府化州廣西布政司所屬梧州府之蒼梧藤岑溪容四縣皆牛女分女二度至危十二度元枵之次也山東布政司所屬之濟南府樂安德濱三州皆危分泰安州青州府皆虛危分萊州府膠州登州府寧海州東昌府高塘州皆危分東平州之陽穀東阿平陰三縣北平布政

司所屬之滄州皆須女虛危分危十三度至奎一度陔管之次也河南布政司所屬之衛輝彰德懷慶三府北平之大名府開州山東東昌之濮州館陶冠臨清三縣東平州之汶上壽張二縣皆室壁分奎二度至胃三度降婁之次也山東濟寧府之兗州滕嶧二縣青州府之莒州安邱諸城蒙陰三縣濟南府之沂州直隸鳳陽府之泗邳二州五河虹懷遠三縣淮安府之海州桃源清河沐陽三縣皆至婁分胃四度至畢六度大梁之次也北平之眞定府鼎畢分定冀二州皆鼎分晉深趙三州皆畢分廣平順德二府皆鼎分祁州鼎畢分河南彰德府之磁州山東高唐州之恩縣山西布政司所屬之大同府應朔渾源蔚四州皆鼎畢分畢七度至井八度實沈之次也山西之太原府石忻代平定保德岢嵐六州平陽府皆參分絳蒲吉陽解霍六州皆皆參分澤汾二州皆參分潞沁遼三州皆參井分井九度至柳三度鶉首之次也陝西布政司所屬之西安府同華乾耀邠五州鳳翔府隴州延安府鄜綏德葭三州漢中府金州臨洮平涼二府靜寧州皆井鬼分涇州鬼分慶陽府賓州鞏昌府階徽秦三州皆井鬼分四川布政司所屬惟綿州皆分合州參井分餘皆井鬼分雲南布政司所屬皆井鬼分柳四度至張十五度鶉火之次也河南之河南府陝州皆柳分南陽府鄧汝裕三州汝寧府之信陽羅山二縣開封府之均許二州陝西西安府之商縣華州之洛南縣湖廣布政司所屬德安府之隨州襄陽府之均州光化縣皆張分張十六度至軫九度鶉尾之次也湖廣之武昌府興國州荊州府歸夷陵荊門三州黃州府蘄州襄陽德安二府安陸沔陽二州皆翼軫分長沙府軫旁

小星曰長沙應其地沂州府桂陽州永州府全道二州岳州常德二府澧州辰州府沅州漢陽府靖
柳二州寶慶府武岡鎮遠二州皆翼軫分廣西所屬除梧州府之蒼梧藤容岑溪四縣屬牛女分餘
皆翼軫分廣東之連州廉州府欽州韶州府皆翼軫分軫十度至氐一度壽星之次也河南之開封
府角亢分鄭州氐分陳州亢分汝寧府光州懷慶府之孟濟源溫三縣直隸壽州之霍邱縣皆角亢
氐分氐二度至尾二度大火之次也河南開封府之杞太康儀封蘭陽四縣歸德睢二州山東之濟
寧府皆房心分直隸鳳陽府之潁州房分徐宿二州壽州之蒙城縣潁州之亳縣皆房心分尾三度
至斗二度析木之次也北平之北平府尾箕分涿通薊三州皆尾分霸州保定府皆尾箕分易安二
州皆尾分河間府景州皆尾箕分永平府尾分灤州尾箕分遼東都指揮司尾箕分朝鮮箕分

明史天文志

右分野

洪武七年八月乙巳歲星犯軒轅大星

續通考象緯考

洪武實錄七年十月甲寅月犯軒轅十一月壬午復犯軒轅左角帝諭中書省臣曰占爲大臣黜免
爾中書宜告各省衛官知之凡政務有乖政體者宜速改以求自安

續通考象緯考

十年七月戊寅及戊戌歲星犯亢

續通考象緯考

十二年三月壬午太白犯昴

續通考象緯考

按十年七月歲星犯亢志作六月十二年三月壬午太白犯昴志作壬子十三年八月丙戌太白犯星宿志作心今俱從實錄改正又實錄十七年八月十一月月數犯太微西垣上將時魏國公

徐達出鎮北平帝憂之詔還朝志不載

續通考
象緯考

二十四年七月庚寅太白入太微垣右掖門

續通考
象緯考

二十五年閏十二月乙酉太白入壘壁陣

續通考
象緯考

按二十四年七月庚寅志作庚戌二十五年閏十二月志作閏十一月今俱從實錄

續通考
象緯考

三十年熒惑入太微垣時詔諭楚王楨戒慎未幾楨子巴陵王卒帝復興勅曰太微居翼軫楚分也太微天庭也五星無故而入災必甚焉且熒惑徑入而東往猶可也今順入而逆出已八十日矣爾子疾逝天象豈不可信爾當省愆慎德以回天心五月帝復以天象示變占北方當有警屢勅成祖

及晉代遼寧谷諸王

續通考
象緯考

惠帝建文四年六月辛未

時成祖
巳即位

辰星犯積薪七月乙未歲星退犯東咸八月戊辰熒惑犯上將

考象
緯考

帝以八月熒惑犯上將勅寧夏總兵官何福慎邊備

續通考
象緯考

按六月辛未志作庚午七月志作六月今俱從實錄

續通考
象緯考

成祖永樂元年十月辛未未填星入氏

續通考
象緯考

二年五月辛丑朔太白犯鬼

續通考
象緯考

三年六月己卯辰星犯軒轅大星

續通考
象緯考

五年十一月辛亥朔太白犯秦星

續通考
象緯考

六年二月壬午熒惑犯司怪北第二星

續通考
象緯考

八年十月戊午月犯太微垣右執法

續通考
象緯考

帝於八年十月因月犯右執法論三法司官謹刑罰

續通考
象緯考

按元年十月辛未實錄作有星入氐志作太白入氐三年六月己卯實錄作有星犯軒轅志作辰星犯軒轅大星今存以備考又二年五月辛丑朔志作四月五年十一月辛亥朔志作辛未朔六

年二月壬午志作庚辰朔所當改從實錄者也

續通考
象緯考

十二年五月癸酉朔太白犯五諸侯

續通考
象緯考

十三年十一月甲午朔熒惑犯進賢

續通考
象緯考

按十二年五月癸酉朔志作十一年十三年十一月甲午朔志作十二月今從實錄

續通考
象緯考

仁宗洪熙元年四月癸卯熒惑入鬼

續通考
象緯考

是年欽天監奏天象熒惑入鬼主有暴兵因敕邊將嚴守備

續通考
象緯考

宣宗宣德元年十一月乙巳太白犯壘壁陣

續通考
象緯考

二年九月丁酉太白犯右執法

續通考
象緯考

三年七月乙亥熒惑犯積尸氣十一月乙丑太白犯罰星

續通考
象緯考

五年十一月丙寅熒惑犯進賢

續通考
象緯考

六年三月乙丑朔熒惑犯亢

續通考
象緯考

按元年十一月乙巳志作己巳二年九月丁酉志作丁巳三年七月乙亥志作六月甲戌十二月

乙丑志作甲子五年十一月丙寅志作丙午六年三月乙丑朔志作乙卯今俱從實錄

續通考
象緯考

英宗正統五年二月壬午熒惑犯井七月甲寅歲星犯壘壁陣

續通考
象緯考

八年十二月壬午填星復犯井

續通考
象緯考

十一年十月丙申歲星犯左執法

續通考
象緯考

十四年正月丙申歲星犯房北第五星二月庚辰太白犯熒惑

續通考
象緯考

被五年二月壬午志作庚辰七月甲寅志作六月八年十二月壬午志作壬子十一年十月丙申

志作乙未朔十四年正月丙申歲星犯房北第五星志作第一星二月庚辰志作己卯今俱從實

錄

續通考
象緯考

英宗天順元年三月熒惑犯鬼

續通考
象緯考

二年八月戊辰熒惑入鬼十月乙丑歲星犯左執法

續通考
象緯考

三年十月甲寅太白犯右執法

續通考
象緯考

按實錄元年三月丁亥熒惑入鬼犯積尸氣二年八月戊午犯積薪三年九月庚寅太白犯左執

法志皆不載又二年十月乙丑志作己丑三年四月己卯志作乙卯今改從實錄

續通考
象緯考

按七年正月壬子志作辛丑八月乙巳志作己巳今從實錄

續通考
象緯考

按各史天文志俱載月犯列舍明史獨不載考成化實錄元年十一月乙丑犯太微垣上將十二月癸巳犯右執法四年八月甲午犯房五年正月乙丑犯五諸侯己巳入鬼犯積尸氣戊寅犯心二月丙申犯鬼閔二月己未犯昴甲子犯軒轅御女六年八月己巳犯天鵠七年二月丁卯犯羅堰十一年二月癸卯犯牛大星五月乙卯犯明堂中星十三年閏二月壬子犯進賢卽此十三年事無一存者可以見志之凡例矣

續通考
象緯考

孝宗弘治七年正月癸卯歲星犯靈臺

續通考
象緯考

九年二月至三月庚寅歲星守氏

續通考
象緯考

按七年正月歲星犯靈臺志作犯壘壁陣誤今從實錄九年二月至三月歲星守氏實錄作辰星誤今從志又實錄十年二月己丑太白犯天陰志不載

續通考
象緯考

十二年五月乙亥歲星犯壘壁陣

續通考
象緯考

十六年十月丁巳太白犯狗

續通考
象緯考

按十二年五月乙亥志作己亥十六年十月丁巳志作丁丑今俱從實錄

續通考
象緯考

武宗正德元年二月壬子歲星退犯右執法及上將三月壬午犯靈臺十一月己卯月犯太白十二

月癸丑太白犯壘壓陣

續通考
象緯考

時吏科給事中胡煜言今年來京師有星流如月天鼓隨響如雷又白虹貫日白氣亘天星斗晝見金星守軒轅近紫微垣夫變不虛生必有由致臣惟人主一心與天心相爲感通不務勤學則無以正心而修身今雖曰日御經筵然儒臣之講未畢而已有鴻鵠之思几席之讀未幾而侈興逸樂之想惟聞與近倖導諛者不時遊玩雜劇滿前一暴十寒得之方微耗之已甚伏望日新以清化源遠佞以端好尚選文學名臣侍從左右朝夕誦讀以開廣聰明凡內外章奏悉付內閣大臣議定而行則憂勤惕厲之心勝宴安愉佚之志亡何患天下之不治天變之不消耶

續通考
象緯考

按志載元年春太白守軒轅而無日月可繫今並胡煜奏疏附載之又載十一月戊辰歲星犯牛

考十一月係丙子朔不應有戊辰茲亦從實錄不載

續通考
象緯考

十六年二月庚子熒惑犯鬼

續通考
象緯考

按正德實錄明年正月清寧宮後三小宮灾光祿寺少卿華湘以爲是年熒惑犯鬼太白犯鍵閉

之應所謂明年乃嘉靖元年壬午歲也

續通考
象緯考

世宗嘉靖元年八月乙未熒惑犯積尸氣

續通考
象緯考

二年正月庚戌熒惑入太微垣犯內屏

續通考
象緯考

三年十月癸巳熒惑犯上將

續通考
象緯考

四年二月戊午熒惑犯平道

續通考
象緯考

五年九月癸未熒惑犯上將

續通考
象緯考

按熒惑星二年行一周天今考志及嘉靖實錄元年八月犯積尸氣二年正月入太微垣三年十

月犯上將四年二月犯平道五年九月犯上將數數見之存以備考若王圻本載二十三年七月

熒惑入南斗謂占主東南大饑是冬至明春江南斗米銀一錢今考之志十九年九月二十一年

八月二十三年三月皆犯南斗斷無二十二年又入南斗事蓋野史之不足信如此

續通考
象緯考

神宗萬曆二十七年八月甲辰熒惑奎九月辛亥月盡犯太白

續通考
象緯考

時給事中李應策言星見異月同見尤異月犯金異月盡犯金尤異同時左中允黃汝良亦上言頃

者太白晝見侵犯日躔陰干陽也又陝西狄道山崩平地湧山高卑易位也臣意近日政事舛錯人

心渙散在內疑有恚恨無聊包藏不逞之漸在外疑有奸雄窺隙號澤揭竿之萌宜反身思道光亨

陽德破散陰謀勅令大小臣工痛加祓濯共回天意

續通考
象緯考

四十四年十一月丙午熒惑犯翼

續通考
象緯考

按綱目三編是年又有熒惑襲月金水愆行見於給事中熊明遇疏云

續通考
象緯考

熹宗天啟元年閏二月癸巳熒惑退入氐

續通考
象緯考

三年四月熒惑守斗

續通考
象緯考

四年二月熒惑守斗

續通考
象緯考

五年九月乙卯熒惑自壁退入室

續通考
象緯考

按熒惑星前載元年閏二月退入氐三年四月守斗後載五年九月退入室則四年二月不得有

守斗事殆誤也

續通考
象緯考

按兩星經緯同度日掩光相接曰犯亦曰凌緯星出入黃道之內外凡恒星之近黃道者皆其必由之道凌犯皆由於此而行遲則凌犯少行速則多數可預定非如彗孛飛流之無常然則天象之示炯戒者應在彼而不在此歷代史志凌犯多繫以事應非附會卽偶中獨茲取緯星之掩犯恒星者次列之比事以觀其有驗者十無一二後之人可以觀矣至於月道與緯星相似而行甚速其出入黃道也二十七日而周計其掩犯恒星殆無虛日豈皆有休咎可占今見於實錄者不及百分之一然已不可勝書故不書

明史天文志

右月五星凌犯

世宗嘉靖三年正月壬午五星聚於營室

續通考
象緯考

光祿少卿署欽天監事樂護上言占書云五星之聚是謂改易王者有德受慶子孫蕃昌無德受殃

失其國家百姓流亡又云五星聚房周祚以昌聚箕齊桓用霸漢興聚井宋盛聚奎天寶聚於尾箕而唐德弗稱旋有祿山之禍皇上聖德中興五星適聚宜易簡寡欲以修德儉用節財以惠民帝納之續通考象緯考

右五緯合聚

明太祖洪武四年二月戊戌太白晝見

續通考象緯考

十二年四月己未太白見東方閏五月戊戌晝見

續通考象緯考

帝敕書國公李文忠西平侯沐英等曰己未太白見東方至甲子順行而西西征大利宜追擊番寇

續通考象緯考

按志載二十七年九月辛卯太白經天考實錄九月係丁未朔月內不應有辛卯給事中李應策

疏言九月初五日未時日纏角太陰太白同尾度見於午午未次舍相逼星見異月同見尤異月

犯金異月晝犯金尤異則太白係辛亥與太陰同晝見也左中允黃汝良疏言九月庚戌太白晝

見侵犯日纏則又係月之四日矣又實錄三十二年大學士沈一貫言比者太白晝見軫翼分野

正當楚地今尚未沒伏惟謹天戒收人心志不載三十二年太白見楚分野事又綱目三編三十

二年楚王華奎獻黃金助江經漢陽楚宗人疑其輪賄遮奪之巡撫趙可懷屬有司捕治宗人持

兵突入撫署擊殺可懷是時楚宗人以擅殺撫臣故坐死者數十人則太白晝見當翼軫分野理

宜有之而史失載也

續通考
象緯考

右星畫見

明太祖洪武九年六月戊子客星大如彈丸白色止天倉經外屏卷舌入紫微垣掃文昌指內厨入

於張七月乙亥滅

續通考
象緯考

按明史天文志云史記天官書有客星之名而不詳其形狀敘國皇昭明諸異星甚悉而無瑞星妖星之名然則客星者言其非常有之星殆諸異星之總名而非有專屬也李淳風志晉隋天文始分景星含譽之屬爲瑞星彗孛國皇之類爲妖星又以周伯老子爲客星自謂本之漢末劉歆荆州占夫含譽所謂瑞星也而光芒則似彗國星所謂妖星也而形色又類南極老人瑞與妖果有定哉且周伯一星也既屬之瑞而云其國大昌又屬之客星而云其國有兵有喪其說如此果足據乎馬遷不復區別良有以也據此以客星爲諸異星之總名當矣

續通考
象緯考

右客星

明太祖洪武三年七月文星見

續通考
象緯考

太史以聞帝大嘉更禮二部中選者魏潛等十九人皆權監察御史

續通考
象緯考

二十年二月丙寅有星出東壁

續通考
象緯考

太史占曰文士効用帝大喜以爲將策進士兆也

續通考
象緯考

成祖永樂十三年八月戊寅壽星見

續通考
象緯考

禮部尚書呂震率百官請上表賀不許

續通考
象緯考

十五年七月戊寅旦壽星見

續通考
象緯考

百官請賀帝曰比歲有之不足賀也

續通考
象緯考

二十一年八月戊午旦壽星見

續通考
象緯考

南京欽天監以聞皇太子遣禮部侍郎郭敬詣行在上表賀

續通考
象緯考

按馬端臨考書考人星見最詳王圻本於遼金二代老人星見皆書至明止書永樂十三年十五

年壽星見不受賀二條明天文志則謂老人星江以南常見而燕京必無見理故不書今考實錄

永樂元年八月庚午四年二月庚辰七月癸未五年八月癸巳皆老人星見六年十月庚辰夜中

天輦道東南有星如盞黃色光潤而不行

蓋周伯
德星云

八年八月辛酉老人星見至十二年十四年又

兩見十六年八月丙戌十七年八月甲午十八年七月庚寅十九年八月庚子俱壽星見至二十

一年又見疊書於冊不一而足今據王圻本及實錄所隸事有據者書之餘皆類誌於後若南北

人所見異同及其事之虛實姑以俟知者辨之

續通考
象緯考

宣宗宣德五年十二月丁亥有星如彈丸見九旂旁色黃白光潤旬有五日而隱

續通考
象緯考

行在欽天監奏曰占書人君施孝德與禮樂而民人和悅外國來朝則合舉星見於是羣臣表賀

考象
緯考

按志又載六年三月復見考實錄是年朝鮮遣陪臣成抑等賀合躔星見是朝鮮以五年十二月
合躔見而來賀非又有見也

續通考
象緯考

八年閏八月戊午景星三見西北方天門青赤黃各一大如椀明朗清潤良久聚成半月形丁丑有
黃赤色見東南方如星非星如雲非雲

蓋歸邪
續通考
象緯考

按史志不載而見於實錄者則有景泰二年八月戊子天順五年八月乙亥七年二月癸亥八月

戊子俱老人星見弘治二年二月壬寅三年二月己酉八月丙午四年二月壬子八月癸丑五年

二月甲寅八月戊午七年八月乙丑八年二月庚午九年二月乙亥八月辛巳十年二月壬午八

月壬午十一年二月乙酉八月己丑十一年八月壬辰十三年二月丙午八月丁酉十四年二月

壬寅八月丁丑十五年二月辛酉八月癸丑十六年二月乙卯八月丁巳十七年二月戊午八月

戊辰十八年二月壬戌八月甲子並老人星見萬曆三十六年二月己未八月丙子南京老人星

見觀弘治朝瑞星之多則天門開事益不足信然天道既幽渺難知星形亦恍惚無定庸知所稱

爲瑞者之卽爲實耶今姑存之以備考證

續通考
象緯考

右瑞星

彗之光芒傳日而生故夕見者必東指晨見者必西指宇亦彗類其芒氣四出天文家言其災更甚

於彗 明史天文志

明太祖洪武元年正月庚寅彗星見於鼎畢三月辛卯出昴北大陵天船間長八尺餘指文昌近五

車四月己酉沒於五車北 續通考象緯考

宣宗宣德六年四月戊戌有星孛於東井長五尺餘 續通考象緯考

孝宗弘治三年十一月戊戌彗星見天津南尾指東北犯人星厯杵白十二月戊申朔入營室庚申

犯天倉 續通考象緯考

詔羣臣言闕失大學士劉吉等言妖星見天津厯人星杵白近營室考之載籍為兵荒水旱之徵竊

見連年風雨不時所在水旱邊境未寧盜賊竊發惟深思軍民困苦罷工役停遣內官燒造所司陳

闕失者大第舉行則可以易災為祥轉禍為福從之 續通考象緯考

神宗萬曆二十一年七月乙卯彗星見東井乙亥逆行入紫微垣犯華蓋 續通考象緯考

時以彗見東井下詔修省大學士王錫爵因請延見大臣又言彗漸近紫微垣於象為君於地為藏

神布政之所不可不深畏宜慎起居之節寬左右之刑寡嗜慾以防疾散積聚以廣恩疏入報聞 續通考

三十五年八月辛酉朔彗星見東井指西南漸往西北壬午自房厯心滅 續通考象緯考

給事中朱一韓以彗見東井上言謹按星野東井秦分彗尾西南漸往西北又指秦地秦其急乎且

尊者掃除之象刑人之職也小人用之以掃除爲職君子用之以除舊布新今李鳳鯨啞於粵東潘相蠅螫於江右高淮虎視於遼左馬堂鷗張於河道其他若張奕胡濱杜茂魯保沈永壽邱乘雲輩悉撤中官反其故職因而一新舊令勤政講學親賢遠奸躬二聖之典修四孟之儀復三朝之制補九列之班平積薪之嘆沛賜環之詔作臺諫之氣決章疏之壅慎節鉞之選懲憤帥之風出禁臧之儲杜罔寺之借節大官之奉減水衡之織釋詔獄之寃紆都民之困一旦滌除煥然改觀則和氣成禎祥見矣疏入留中

續通考
象緯考

右琴亭

明太祖洪武二十一年八月壬戌至甲子天鼓鳴晝夜不止

續通考
象緯考

二十八年三月戊午昏刻天鳴如風水相搏至一鼓止九月戊戌初鼓天鳴如瀉水自東北而南至

二鼓止

續通考
象緯考

宣宗宣德元年八月戊辰昏刻天鳴如雨陣迭至自東南而西南良久乃息辛未東南天鳴聲如萬

鼓

續通考
象緯考

按洪武元年戊申麻建文永樂洪熙三朝至宣德十年乙卯凡六十八年志所載天變僅如右今考實錄洪武自二年至二十九年中載天鳴者四天鼓鳴者一宣德元年七月八月九月三月之中載天鳴九豈史志從略未暇悉載歟抑豈以建文永樂之世無聞而獨詳於洪武宣德宣德之

事又不應盡在元年事有不可盡信故歟今惟以志為據實錄則粗記其畧而缺其時日支干以見傳疑之意續通考象緯考

武宗正德元年二月壬子夜東北天鳴如風水相搏者五七次續通考象緯考

正德元年大學士劉健等言近者地數天鳴五星凌犯星斗晝見白虹貫日羣災疊異併在一時京城道路白日殺人西北諸邊前後損軍戰則無兵守則無食民生窮困府藏空虛風俗傾頽綱紀廢弛賞不當功罰不當罪法令不行名器冗濫諸司弊政日益月增百孔千瘡隨補隨漏當此之時內外臣僚協心倍力猶恐弗堪方且持祿固寵任情作弊譏謗公行變亂黑白人怨於下而不知天變於上而不畏竊嘗歷觀載籍徧閱古今未有如此而不亂者也比為鹽法賞功諸事極陳利害拱俟數日未蒙批答若以臣等言是宜賜施行所言非亦宜明加斥責而乃留中不報政出多門咎歸臣等捫心反顧無以自明乞矜察特賜休退帝慰留之明史劉健傳

世宗嘉靖十四年九月戊子開封白晝天鼓鳴續通考象緯考

按明實錄自正統至嘉靖凡七朝所載天變有不勝述者考正統自六年至十四年中載天鳴者九天鼓鳴者一景泰元年二年天鳴二天順四年七年天鳴二成化自六年至二十三年載天鳴四天鼓鳴二弘治自七年至十八年載天門開者一天鼓鳴者六正德自元年至十六年載天鼓鳴三十有一嘉靖自一年至四十一年載天鼓鳴十有七天裂一正統景泰之際明方多故大位

再移正下及嘉靖中或權閣用事或奸相擅朝皆有致天變之理而天門開乃在弘治八年且其
文云陝西天門開人馬百萬自下而上尤爲誕妄未可以出自實錄而遽信爲確也今悉依史志

閩之

續通考
象緯考

三十六年八月戊寅南京西南天鳴聲如泄水已卯鳴東南庚辰再鳴西南皆如泄水

續通考
象緯考

萬曆實錄三十六年給事中胡忻等言南京八月初天鳴至九月初二日未止天載無聲而鳴者異
也鳴於留都根本之地至一月不止異之異者也宜清政府以調元氣徵衆正以亨陽德屏邪佞以
廓氛祲肅軍政以防不測散積而無用之財宥速而無辜之吏以格天心又大學士葉向高言目前
民窮財盡朝列空虛百務廢弛壅塞乞深維宗社之計將權稅盡收採木暫罷諸凡不急之務悉皆
停免其卿貳大僚及各處督撫遇缺必補間有當去當留蚤行裁斷仍敕下廷臣講求裕財節用之
方以收強兵足食之效宮中府中通爲一體樽節爬搔庶天鳴之變可消南災北警亦可以無患矣

續通考

象緯考

四十四年正月丁丑易州及紫荆關天鼓鳴

續通考
象緯考

庚子赤洪武

綱目三編是年兵科給事中熊明遇疏言入春以來天鼓兩鳴於晉地流星晝隕於清豐地震二十
八天火九石首雨菽河內女妖遼東兵端吐火卽春秋二百四十年間未有稠於今日者且山東大
祲人相食黃河水滔天兼太白經天輔星湛沒彗惑襲月金水愆行或日光無芒日月同暈爲恒風

為枯旱天譴愈深此誠禽息碎首賈生痛哭之時也續通考 水鏡云近日水無苦日只向雲霧對

八天右天變續通考 內文對靈東云繼扣火明春將二百四十半間未肯開今今日吾且山東大

明太祖洪武二年十二月甲子日中有黑子續通考 天鏡圖說續通考 續通考 續通考 續通考

英宗正統元年八月癸酉至巳卯月出入時皆有游氣色赤無光續通考 象緯考

十四年八月辛未月晝見與日爭明十月壬申日上黑氣如煙尋發紅光龍焰如火續通考 象緯考

景帝景泰二年四月巳卯月色如緒九月丙子日色變赤續通考 象緯考

英宗天順六年十月丙子日赤如血續通考 象緯考

七年四月乙酉日色變白續通考 象緯考

孝宗弘治元年十一月巳卯月生芒如齒長三尺餘色蒼白續通考 象緯考

世宗嘉靖元年正月丁卯日慘白變青無光續通考 象緯考

三十四年十二月庚申晦日忽暗有青黑紫日影如盤數十相摩久之千百飛盪滿天向西北而散

續通考 象緯考

神宗萬曆二十五年三月癸丑黑日二三十餘迴繞日旁移時雲隱不見五月辛卯朔日光轉盪旋

為黑餅續通考 象緯考

三十年三月甲申日光照地黃赤續通考 象緯考

四十二年三月庚辰日赤黃如赭如血者累日

續通考
象緯考

四十四年八月戊辰日中有黑光

續通考
象緯考

四十六年閏六月丙戌至戊子有黑氣出入日中摩盪

續通考
象緯考

熹宗天啟四年正月癸未日赤無光有黑子二三盪於旁漸至百許凡四日二月壬子日淡黃無光
癸丑黑日摩盪日旁四月癸酉日中黑氣摩盪十二月辛巳午刻非烟非霧覆歷日上如蓋如吞酒

天皆赤

續通考
象緯考

梭天啟實錄元年二月乙巳日暈有珥如月赤白色光焰閃爍睨之如連環其西南東北復各有
形如日景色昏慘化為青虹狀如弓者二皆外向與日相背自辰至午而滅三月庚午日無光四
月甲戌日中有黑氣摩盪乙亥日將沈作紅黃色外如炊烟圍罩數畝許日光所射如火焰夜分
而沒史俱不載又四年十二月事考實錄乃元年也

續通考
象緯考

莊烈帝崇禎四年正月戊戌日色如血照人物皆赤二月乙巳朔日赤如血無光十月丙午月晝見

續通考
象緯考

十一年十一月癸亥日中有黑子及黑青白氣日入時日光摩盪如兩日

續通考
象緯考

十二年正月己未朔日白無光辛酉日光摩盪竟日有氣從日中出如鏡黛噴花二月庚子日旁有

紅白丸又白芒黑氣交掩日光摩盪

續通考
象緯考

十三年九月己巳兩日並出辰刻乃合爲一少時又分爲二

續通考
象緯考

十七年三月壬寅日色無光者兩旬

續通考
象緯考

右日變月變

洪武六年三月戊辰日交暈

續通考
象緯考

二十八年十一月乙亥日上赤氣長五丈餘須臾又生直氣背氣皆青赤色又生半暈

續通考
象緯考

明洪武實錄八年四月甲寅日上有背氣在趙分恒山之北是月遣使往北邊諭潁川侯傅友德并

定邊等處都指揮司訓戎練兵嚴飭守備十二年四月勅曹國公李文忠西平侯沐英等曰日交暈

在秦分主有戰鬪之事宜追擊番寇

續通考
象緯考

成祖永樂十八年閏正月癸未日生重半暈上有青赤背氣左右有珥隨生黃氣瑤氣

續通考
象緯考

宣宗宣德元年正月丙午月暈并南北河五車二月己卯昏刻月生兩珥十二月丁丑月生兩珥色

蒼白庚戌日生青赤瑤氣隨生交暈色黃赤二月己卯日兩珥又生交暈左右有珥上重半暈及背

氣

續通考
象緯考

英宗正統元年二月乙卯月暈五色

續通考
象緯考

景帝景泰元年二月壬午酉刻日上黑氣四道約長三丈離地丈許兩頭銳而貫日其狀如魚十二

月甲午日交暈上下背氣各一道兩旁戟氣各一道

續通考
象緯考

憲宗成化二年四月壬寅日交暈右有珥

續通考
象緯考

按成化實錄元年三月甲子日生背氣及兩珥二年正月甲辰朔辰時日暈左右珥背氣赤黃色

鮮明三年七月癸酉日生背氣青赤色四年自春徂夏日無光志俱不載

續通考
象緯考

孝宗弘治二年十一月戊辰月暈連環貫左右珥接北斗

續通考
象緯考

六年五月甲戌南昌見日有紅白暈中浮青黑氣有頃而散十二月癸未日生左右珥庚寅如之

續通考

考象
緯考

十五年十二月壬辰日生背氣及兩珥

續通考
象緯考

按六年五月十二月十五年十二月三事詳見實錄而天文志不載

續通考
象緯考

崇禎長編八年四月南京欽天監正戈近亨疏言二月二十五日巳時太陽生交暈二上下抱氣二
東北背氣一白虹二直貫日體日傍如連環者二一環於左一環於右至未方散謹按占書日交暈
如連環貫日者兵起相爭又曰暈而抱背爲敗亡又曰白虹貫日諸臣不忠近臣爲亂丙午日奎宿
分野應屬魯齊大梁之間巳時屬楚分木星守井宿主秦分兵災

續通考
象緯考

右暈適

成祖永樂四年六月己未朔日當食陰雲不見

續通考
象緯考

禮官請表賀不許

續通考
象緯考

十一年正月辛巳朔日食

續通考
象緯考

先是欽天監奏日食占在元旦巳而鴻臚寺奏習元旦賀儀帝召禮部翰林官問尚書呂震對曰日食與朝賀之時先後不相妨侍郎儀智曰終是同日免賀為當帝再顧翰林諸臣曰古有日食行賀禮否左諭德楊士奇對宋仁宗時元旦日食富弼請罷宴輟樂呂夷簡不從弼曰萬一契丹行之為中國羞後有自契丹回者言是日罷宴仁宗深悔今免賀為當詔從之罷朝賀宴會止賜百官節鈔

續通考
象緯考

宣宗宣德五年八月巳巳朔日食陰雨不見

續通考
象緯考

時禮部尚書胡濙請稱賀不許敕曰日食天戒之大者惟修德行政用賢去奸而後當食不食陰雲不見得非朕昧於省過而然與况離明照四方陰雲所蔽有限京師不見四方必有見者天可欺與其止勿賀

續通考
象緯考

景帝景泰元年正月辛卯六月戊子十二月乙酉俱月食

續通考
象緯考

景帝實錄元年正月辛卯月食卯正三刻監官誤推辰初刻致失救護下法司論徒詔宥之

續通考
象緯考

英宗天順四年正月丙子月食陰雲不見是日上元節以月食免宴

續通考
象緯考

憲宗成化十五年十一月戊戌月食

續通考
象緯考

二十一年二月丁卯月當食不食

續通考
象緯考

憲宗實錄十五年十一月戊戌監推又誤帝以天象微渺不之罪也二十一年二月丁卯當食不食

時以監官推算不精停春官正李宏等俸一月

續通考
象緯考

世宗嘉靖三十二年正月戊寅朔日當食陰雲不見

續通考
象緯考

時御史趙錦因正旦日食劾閣臣嚴嵩枯寵擅作威福詞甚切直詔下錦衣獄削籍為民

續通考
象緯考

四十年二月辛卯朔日當食陰雲不見七月己丑朔日食

續通考
象緯考

按實錄四十年二月以當食不見允閣臣嚴嵩之請行大謝禮然甫更五月復食一年兩食尤不

多見嚴嵩欺罔之罪上通於天矣

續通考
象緯考

穆宗隆慶四年正月乙巳朔日有食之

續通考
象緯考

詔免朝賀丁未避殿修省

續通考
象緯考

神宗萬曆二十四年閏八月乙丑朔日食

續通考
象緯考

二十四年閏八月日食至九分餘大學士趙志皋上言紀綱不可不振者六事因累疏陳時政缺失

其大者罷礦稅定國本諸務凡十一條優詔報聞而已

明史趙志皋傳

神宗實錄三十二年四月大學士沈一貫請崇修實政亟補中外缺官罷無名礦稅釋逮繫臺臣下

諸司章奏以格天心而回天怒帝不省又三十八年十一月禮部侍郎翁正春言前兩歲食四月朔

純陽之月也今食十一月朔陽生之月也君德象日宜照臨宣布不宜黯汶閉藏自萬曆二十年後

財貨日斂聚一日人才日剝落一日旨意日中留一日黃扉紫閣之中真如寂寥孤曜六卿九列之地不滿三五晨星闐闐徒號而天聽愈杳巡方莫代而霜斧久勞天下不見陽和舒育之氣而水疑之象獨堅一時如在窮陰沍寒之中而融通之意盡塞是以上天譴告如此誠翻然轉移太平盛業將綿萬載疏入不報續通考 象緯考

三十四年二月乙卯望月食丙辰月食既八月辛亥亦如之續通考 象緯考

按三十四年二月乙卯丙辰連夜月食古今僅見變異之甚者殆實錄紀載之誤也續通考 象緯考

光宗泰昌元年十一月己丑月食既續通考 象緯考

時全魄黑旋變紅與尋常虧食不同續通考 象緯考

右日食月食

明太祖洪武二十八年閏九月辛巳壘壁陣疎圻復聚續通考 象緯考

按洪武實錄九年閏九月庚寅五星紊度日月相刑二十五年三月丙午至四月戊辰辰星不見

凡二十有三日志不載附錄於此續通考 象緯考

武宗正德元年八月大角及心中星動搖北斗中璿璣權三星不明續通考 象緯考

欽天監五官監候楊源奏自八月初大角及心宿中星搖動不止大角天王之座心宿中星天王正

位也俱宜安靜而今乃動搖其占曰人主不安國有憂又北斗第二第三第四星明不如常第二曰

天璇法星后妃之象后妃不遇其寵則不明廣營宮室妄鑿山陵則不明第二曰天機令星不愛百姓聚興征徭則不明第四曰天權伐星號令不明則伏伏望祇畏天戒安居深宮絕嬉戲禁遊獵罷弓馬嚴號令毋輕出入遠寵幸節賞賜止工役親元老大臣日事講習克修厥德仍敕內外廷臣同加修省章下禮部源精於占驗見象緯異常則憂形於色必據實具奏無所諱然爲劉瑾所惡竟杖斃焉士論傷之

續通考
象緯考

右星變

太祖洪武三十年五月庚申夜流星大如雞子尾跡有光自天厨入紫微垣後有二小星隨之至游

氣中沒

續通考
象緯考

帝觀天象以流星入紫微占在北方屢敕晉燕代遼寧各諸王慎防邊鄙

續通考
象緯考

二十三年十月

時孝宗
巳卽位

丙子有大星起西北巨東南光芒燭地蜿蜒如龍

續通考
象緯考

時朝宁之闕人馬辟易因下詔求直言

續通考
象緯考

孝宗弘治十年正月壬子有星大如斗色黃白光長三十餘丈一小星隨之隕於寧夏西北隅九月

乙巳有星如斗光掩月流自西北隕於永平有聲

續通考
象緯考

十四年閏七月辛巳山東有星大如車輪赤光燭地自東南往西北隕於壽光

續通考
象緯考

武宗正德元年八月大角及心中星動搖北斗中璫璣權三星不明十二月庚午有星如椀隕寧夏

中衛空中有紅光大二畝續通考象緯考

按自正德以下史載流星之變漸繁又益以實錄雖脫脫書之不盡夫實錄之不可盡信已於天

變門內粗明其略茲於流星星隕之屬必諦審其首尾起訖及所墜處所確有指名者則附錄焉

若但云光如斗聲如雷火光一道化為某色等語涉率易略無證佐皆置不載又實錄星隕下往

往書天墜鳴天鼓隨鳴凡星之墜既有聲如雷者則聲之出自星與出自天不知其從何辨之此

大概不足信續通考象緯考

右星流星隕

明太祖洪武六年七月癸卯慶雲見續通考象緯考

二十一年二月乙卯黑氣亘天五月乙酉五色雲見五月翰林學士劉三吾進曰雲物之祥徵乎治

世舜形於詩歌宋以為賢人之符此聖德所致國家之美慶也帝曰古人言天降災祥在德使德靡

悔災亦可弭苟爽其德雖祥無福國家之慶不專於此也續通考象緯考

宣宗宣德元年二月己卯白虹貫月珥續通考象緯考

按宣德實錄所載雲物頗繁其言紅黑蒼白雲之類大抵皆尋常時有者故不附錄續通考象緯考

憲宗成化十八年十月庚午五色雲見於秦陵續通考象緯考

按成化十八年十月事實錄載孝宗弘治十八年十月武宗已即位庚午孝宗葬秦陵五色雲見

非成化朝事也今從天文五行二志載於此

續通考
象緯考

右雲氣

二十四史九通政典類要合編卷二百八十七

明三十一

憲法 憲法沿革 大統歷 回回歷

後世法勝於古而屢改益密者惟歷爲最著唐志謂天爲動物久則差忒不得不屢變其法以求之此說似矣而不然也易曰天地之道貞觀者也蓋天行至健確然有常本無古今之異其歲差盈縮遲疾諸行古無而今有者因其數甚微積久始著古人不覺而後人知之而非天行之忒也使天果久動而差忒則必參差凌替而無典要安從修改而使之益密哉觀傳志所書歲失其次日度失行之事不見於近代亦可見矣夫天之行度多端而人之智力有限特尋尺之議表仰測穹蒼安能洞悉無遺惟合古今人之心思踵事增修庶幾符合故不能爲一成不易之法也黃帝迄秦歷凡六改漢凡四改魏迄隋十五改唐迄五代十五改宋十七改金迄元五改惟明之大統歷實卽元之授時承用二百七十餘年未嘗改憲成化以後交食往往不驗議改歷者紛紛如俞正己冷守中不知妄作者無論已而華湘周濂李之藻邢雲路之倫頗有所見鄭世子載堉撰律歷融通進聖壽萬年歷其說本之南都御史何瑭深得授時之意而能補其不逮臺官泥於舊聞當事憚於改作竝格而不行崇禎中議用西洋新法命閣臣徐光啟光祿卿李天經先後董其事成歷書一百三十餘卷多發古人所未發時布衣魏文魁上疏排之詔立兩局推驗累年校測新法獨密然亦未及頒行由是觀

之應固未有行之久而不差者烏可不隨時修改以求合天哉

明史 應志

吳元年十一月乙未冬至太史院使劉基率其屬高巽上戊申大統歷太祖諭曰古者季冬頒歷太遲今於冬至亦未善宜以十月朔著爲令

明史 應志

洪武元年改院爲司天監又置回回司天監詔徵元太史院使張佑回回司天太監黑的兒等共十四人尋召回回司天臺官鄒阿里等十一人至京議應法

明史 應志

三年改監爲欽天設四科曰天文曰漏刻曰大統歷曰回回歷以監令少監統之歲造大統民歷御覽月令歷七政躔度歷六壬遁甲歷四季天象占驗歷御覽天象錄各以時上其日月交食分秒時刻起復方位先期以開

明史 應志

十年三月帝與羣臣論天與七政之行皆以蔡氏左旋之說對帝曰朕自起兵以來仰觀乾象天左旋七政右旋應家之論確然不易爾等猶守蔡氏之說豈所謂格物致知之學乎

明史 應志

十七年閏十月漏刻博士元統言歷以大統爲名而積分猶踵授時之數非所以重始敬正也況授時以至元辛巳爲歷元至洪武甲子積一百四十年遠數盈漸差天度合修改七政運行不齊其深奧聞有郭伯玉者精明九數之理宜敬合推算以成一代之制報可擢統爲監去其歲實消長之說析其條例得四卷以洪武十七年甲子爲歷元命曰大統

二十六年監副李德芳言監正統改作洪武甲子歷元不用消長之法

天正冬至比辛巳爲元差四日半強今當復用辛巳爲元及消長之法疏入元統奏辨太祖曰二說皆難憑但驗七政交會行度無差者爲是自是大統厯元以洪武甲子而推算仍依授時法

明史
麻志

永樂遷都順天仍用應天冬夏晝夜時刻至正統十四年始改用順天之數其冬景帝卽位天文生馬軾奏晝夜時刻不宜改下廷臣集議監正許慎等言前監正彭德清測驗得北京北極出地四十四度比南京高七度有奇冬至晝三十八刻夏至晝六十二刻奏準改入大統厯承爲定式軾言誕妄不足聽帝曰太陽出入度數當用四方之中今京師在堯幽都之地甯可爲準此後造厯仍用洪永

舊制

明史
麻志

弘治中月食屢不應曰食亦舛正德十二三年連推日食起復皆弗合於是漏刻博士朱裕上言至元辛巳距今二百三十七年歲久不能無差若不量加損益恐愈久愈舛乞簡大臣總理其事令本監官生半推古法半推新法兩相交驗回科推驗西域九執厯法仍遣官至各省候土圭以測節氣早晚往復參較則交食可正而七政可齊部覆言和及監官厯學未必皆精令十月望月食中官正周濂等所推算與古法及裕所奏不同請至期考驗旣而濂等言曰躔歲退之差一分五十秒今正德乙亥距至元辛巳二百三十五年赤道歲差當退天三度五十二分五十秒不經改正推步豈能有合臣參詳較驗得正德丙子歲前天正冬至氣應二十七日四百七十五分命得辛卯日丑初初刻日躔赤道箕宿六度四十七分五十秒黃道箕宿五度九十六分四十三秒爲厯元其氣閉轉

交四應併周天黃赤道諸類立成悉從歲差隨時改正望敕禮臣併監正董其事部奏古法未可輕變請仍舊法別選精通曆學者同濂等以新法參驗更爲奏請從之

明史
麻志

嘉靖二年湘言古今善治曆者三家漢太初以鐘律唐大衍以著策元授時以晷景爲近欲正曆而不登臺測景皆空言臆見也望許臣暫罷朝弑督中官正周濂等及冬至前詣觀象臺晝夜推測日記月書至來年冬至以驗二十四氣分至合朔日躔月離黃赤二道昏旦中星七政四餘之度視元辛巳所測離合何如差次錄聞更敕禮部延訪精通理數者徵赴京師令詳定歲差以成一代之制下禮部集議而護謂曆不可改與湘頗異禮部言湘欲自行測候不爲無識請二臣各盡所見窮極異同以協天道從之七年欽天監奏閏十月朔回回曆推日食二分四十七秒大統曆推不食已而不食

明史
麻志

萬曆十二年十一月癸酉朔大統曆推日食九十二秒回回曆推不食已而回回曆驗禮科給事中侯先春因言邇年月食在酉而曰戌月食將旣而曰未九分差舛甚矣回回曆科推算日月交食五星凌犯最爲精密何妨纂入大統曆中以備考驗詔可

明史
麻志

二十三年鄭世子載堉進聖壽萬年曆律曆融通二書疏略曰高皇帝革命時元曆未久氣朔未差故不改作但討論潤色而已積年旣久氣朔漸差後漢志言三百年斗曆改憲今以萬年曆爲元而九年辛巳歲適當斗曆改憲之期又協乾元用九之義元正在是矣臣嘗取大統與授時二曆較之

考古則氣差三日推今則時差九刻夫差雖九刻處夜半之際所差便隔一日節氣差天一日則置閏差一月閏差一月則時差一季時差一季則歲差一年其失豈小小哉蓋因授時減分太峻失之先天大統不減失之後天因和會兩家酌取中數立爲新率編撰成書大旨出於許衡而與衡歷不同黃鐘乃律歷本原而舊歷罕言之新法則以步律呂又象爲首堯時冬至日躔宿次何承天推在須女十度左右一行推在女虛閏元人思議亦云在女虛之交而授時歷考之乃在牛宿二度大統歷考之乃在危宿一度相差二十六度皆不與堯典合新法上考堯元年甲辰歲夏至午中日在柳宿十二度左右冬至午中日在女宿十度左右心昴昏中各去午正不逾半次與承天一行二家之說合此皆與舊歷不同之大者其餘詳見思議望敷大臣名儒參訂採用其法首曰步發敏取嘉靖甲寅歲爲歷元元紀四千五百六十期實千四百六十一節氣歲差一秒七十五忽歲周氣策無定率各隨歲差求而用之律應即氣應五十五日六十刻八十九分律總司周六十日即朔閏朔望弦策與授時同閏應十九日三十六刻十九分次日步日躔日平行一度躔周即百六十五度二十五分躔中半之象策又半之辰策十二分躔周之一黃赤道歲差盈初縮未限縮初盈未限俱與授時同周應二百三十八度二十二分三十九秒按授時求日度法以周應加積度命起虛七其周應減積度命起角初其周應爲算十度至角初度次曰步晷漏北極出地度分冬夏至中晷恒數之數當爲二百八十六度四十五分今數不合似誤併二至晝夜長短刻數俱以京師爲準參以岳臺以見隨處里差之數次日步月離月平行轉周轉

中與授時同離周

即通疾限

三百三十六限十六分六十秒離中半之離象又半之轉差一日九十七刻

六十分轉應七日五十刻三十四分次曰步交道正交中交與授時同距交十四度六十六分六十

六秒交周交中交差與授時同交應二十日四十七刻三十四分次曰步交食日食交外限六度定

法六十一交內限八度定法八十一月食限定法與授時同次曰步五緯合應土星二百六十二日

三千二十六分木星三百一十日一千八百三十七分火星三百四十三日五千一百七十六分金

星二百三日八千三百四十七分水星九十一日七千六百二十八分應土星八千六百四日五

千三百三十八分木星四千一十八日六千七百三十三分火星三百一十四日四十九分金星六十日

一千九百七十五分水二百五十三日七千四百九十七分周率度率及晨夕伏見度俱與授時同

其議歲餘也曰陰陽消長之理以漸而積未有不從秒起授時考古於百年之際頓加一分於理未

安假如魯隱公三年辛酉歲下距至元辛巳二千年以授時本法算之於歲實當加二十分得庚午

日六刻爲其年天正冬至次年壬戌歲下距至元辛巳一千九百九十九年本法當加十九分得乙

亥日五十刻四十四分爲其年天正冬至兩冬至相減得相距三百六十五日四十四刻四十四分

則是歲餘九分日之四非四分日之一也歷法之謬莫甚於此新法酌量設若每年增損二秒推而

上之則失昭公己丑增損一秒至一秒半則失僖公辛亥今約取中數其法置定距自相乘七因八

歸所得百約之爲分得一秒七十五忽則辛亥己丑皆得矣其議曰躔也曰古歷見於六經灼然可

歸所得百約之爲分得一秒七十五忽則辛亥己丑皆得矣其議曰躔也曰古歷見於六經灼然可

考者莫如日躔及中星而推步家鮮有達者蓋由不知夏時周正之異也大抵夏曆以節氣爲主周曆以中氣爲主何承天以正月甲子夜半合朔雨水爲上元進垂夏朔退非周正故近代推月令小正者皆不與古合嘗以新法歲差上考堯典中星則所謂四仲月蓋自節氣之始至於中氣之終三十日內之中星耳後世執著於二分二至是亦誤矣其議候極也曰自漢至齊梁皆謂紐星卽不動處惟祖暉之測知紐星去極一度有餘自唐至宋又測紐星去極三度有餘元志從三度蓋未有定說也新法不測紐星以日景驗之於正方案上周天度內權指一度爲北極自此度右旋數至六十七度四十一分爲夏至日躔所在復至一百一十五度二十一分爲冬至日躔所在左旋數亦如之四處井中心共五處各識一鍼於二至日午中將案直立向南取景使三鍼景合然後懸繩界取中線又取方十字界之視橫界上距極度分卽極出地度分也其議暑景也曰何承天立表測景始知自漢以來冬至皆後天二日然則推步暑景乃治曆之要也授時曆亦憑暑景爲本而曆經不載推步暑景之術是爲缺畧今用北極出地度數兼弧矢二術以求之庶盡其原又隨地形高下立差以盡變前此所未有也又曰授時曆議據前漢志魯獻公十五年戊寅歲正月甲寅朔旦冬至至引用爲首夫獻公十五年下距隱公元年己未歲百六十一年其非春秋時明矣而元志乃云自春秋獻公以來又云昭公冬至乃日度失行之驗誤矣夫獻公甲寅冬至別無所據惟劉歆三統曆言之豈左傳不足信而歆乃可信乎太初元年冬至在辛酉歆乃以爲甲子差天三日尙不能知而能逆知上

下數百年乎故凡春秋前後千載之間氣朔交食長厯大衍所推近是劉歆班固所說全非也又曰大衍厯議謂宋元嘉十三年十一月甲戌景長爲日度變行授時厯議亦云竊以爲過矣苟日度失行當如歲差漸漸而移今歲旣已不合來歲豈能復合耶蓋前人所測或未密耳夫冬至之景一丈有餘表高暑長則景虛而淡或設望筒副表景符之類以求實景然望筒或一低昂副表景符或一前却所據之表或稍有傾欹圭面或稍有斜側二至前後數日之景進退只在毫釐之間要亦難辨况委託之人未知當否九服之遠旣非目擊所報暑景甯足信乎其議漏刻也日日月帶食出入五星晨昏伏見厯家設法悉因晷漏爲準而晷漏則隨地勢南北辰極高下爲異焉元人都燕其授時厯七曜出沒之早晨四時晝夜之永短皆準大都晷漏國初都金陵大統厯晷漏改從南京冬夏至相差三刻有奇今推交食分秒南北東西等差及五星定伏定見皆因元人舊法而獨改其漏刻是以互相舛誤也故新法晷漏照依元舊其議曰食也日日道與月道相交處有二若正會於交則食旣若但在交前後相近者則食而不旣此天之交限也又有人之交限假令中國食旣戴日之下所虧纔半化外之地則交而不食易地反觀亦如之何則日如大赤丸月如小黑丸共懸一線日上月下卽其下正望之黑丸必掩赤丸似食之旣及旁觀有遠近之差則食數有多寡矣春分已後日月下卽其下正望之黑丸必掩赤丸似食之旣及旁觀有遠近之差則食數有多寡矣春分已後日行赤道北畔交外偏多交內偏少秋分已後日行赤道南畔交外偏少交內偏多是故有南北差冬至已後日行黃道東畔午前偏多午後偏少夏至已後日行黃道西畔午前偏少午後偏多是故有

東西差日中仰視則高且暮平視則低是故有距午差食於中前見早食於中後見遲是故有時差凡此諸差唯日有之月則無也故推交食惟日頗難欲推九服之變必各據其處考躔景之短長揆辰極之高下庶幾得之歷經推定之數徒以燕都所見者言之耳舊云月行內道食多有驗月行外道食多不驗又云天之交限雖係內道若在人之外類同外道日亦不食此說似矣而未盡也假若夏至前後日食於寅卯酉戌之間人向東北西北觀之則外道食分反多於內道矣日體大於月月不能盡掩之或遇日既而日光四溢形如金環故日無食十分之理雖既亦止九分八十秒授時歷日食陽歷限六度定法六十陰歷限八度定法八十各置其限度如其定法而一皆得十分今於其定法下各加一數以除限度則得九分八十餘秒也其議月食也曰暗虛者景也景之蔽月無早晚高卑之異四時九服之殊譬如懸一黑丸於暗室其左燃燭其右懸一白丸若燭光為黑丸所蔽則白丸不受其光矣人在四旁觀之所見無不同也故月食無時差之說自紀元歷妄立時差授時因之誤矣其議五緯也曰古法推步五緯不知變數之加減北齊張子信仰觀歲久知五緯有盈縮之變當加減以求逐日之躔蓋五緯出入黃道內外各自有其道視日遠近為遲疾其變數之加減如里路之徑直斜曲也宋人有言曰五星行度惟留退之際最多差自內而進者其退必向外自外而進者其退必由內其迹如循柳葉兩末銳於中間往還之道相去甚遠故星行兩末度稍遲以其斜行故也中間行度稍速以其徑捷故也前代修歷止增損舊法而已未嘗實考天度其法須

測驗每夜昏曉夜半月及五星所在度秒置簿錄之滿五年其間去陰雲晝見日數外可得三年實行然後可以算術綴之也書上禮部尚書范謙奏歲差之法自虞喜以來代有差法之議竟無畫一之規所以求之者大約有三考月令之中星測二至之日景驗交食之分秒考以衡管測以臬表驗以漏刻斯亦僥得之矣厯家以周天三百六十五度四分度之一紀七政之行又析度為百分分為百秒可謂密矣然渾象之體徑僅數尺布周天度每度不及指許安所置分秒哉至於臬表之樹不過數尺刻漏之籌不越數寸以天之高且廣也而以尺寸之物求之欲其纖微不爽不亦難乎故方其差在分秒之間無可驗者至踰一度乃可以管窺耳此所以窮古今之智巧乃不能盡其變與卽如世子言以大統授時二厯相較考古則氣差三百推今則時差九刻夫時差九刻在亥子之間則移一日在晦朔之交則移一月此可驗之於近也設移而前則生明在二日之昏設移而後則生明在四日之夕矣今似未至此也其書應發欽天監參訂測驗世子留心厯學博通今古宜賜敷煥論從之

明史
麻志

三十八年監推十一月壬寅朔日食分秒及虧圓之候職方郎范守已疏駁其誤禮官因請博求知厯學者令與監官晝夜推測庶幾厯法靡差於是五官正周子愚言大西洋歸化遠臣龐迪弢熊三拔等攜有彼國厯法多中國典籍所未備者乞視洪武中譯西域厯法例取知厯儒臣率同監官將諸書盡譯以補典籍之缺先是大西洋人利瑪竇進貢土物而迪弢三拔及龍華民鄧玉函湯若望

等先後至俱精究天文歷法禮部因奏精通歷法如雲路守已爲時所推請改授京卿其理歷事翰林院檢討徐光啓南京工部員外郎李之藻亦皆精心歷理可與迪義三拔等同譯西洋法俾雲路等參訂修改然歷法疎密莫顯於交食欲議修歷必重測驗乞敕所司修治儀器以便從事疏入留中未幾雲路之藻皆召至京參預歷事雲路據其所學之藻則以西法爲宗

明史
麻志

四十一年之藻已改銜南京太僕少卿奏上西洋曆法略言臺監推算日月交食時刻虧分之謬而力薦迪義三拔及華民陽瑪諾等言其所論天文曆數有中國昔賢所未及者不徒論其度數又能明其所以然之理其所製窺天窺日之器種種精絕今迪義等年齡向衰乞敕禮部開局取其曆法

譯出成書禮科姚永濟亦以爲言時庶務因循未暇開局也

明史
麻志

四十四年雲路獻七政真數言步曆之法必以兩交相對兩交正而中間時刻分秒之度數一一可按日月之交食五星之凌犯皆日月五星之相交也兩交相對互相發明七政之能事畢矣天啓元年春雲路復詳述古今日月交食數事以明授時之疎證新法之密章下禮部四月壬申朔日食雲路所推食分時刻與欽天監所推互異自言新法至密至期考驗皆與天不合雲路又嘗論大統宮度交界當以歲差考定不當仍用授時三百年前所測之數又月建非關斗杓所指斗杓有歲差而

月建無改移皆爲論也

明史
麻志

崇禎二年五月乙酉朔日食禮部侍郎徐光啓依西法預推順天府見食二分有奇瓊州食既大甯

以北不食大統回回所推順天食分時刻與光啓互異已而光啓法驗餘皆疎帝切責監官時五官
正戈豐年等言大統乃國初所定實卽郭守敬授時曆也二百六十年毫未增損自至元十八年造
曆越十八年爲大德三年八月已當食不食六年六月又食而失推是時守敬方知院事亦付之無
可奈何況斤斤守法者哉今若循舊向後不能無差於是禮部奏開局修改乃以光啓曆修曆法光
啓言近世言曆諸家大都宗郭守敬法至若歲差環轉歲實差天有緯度地有經度列宿有本行
月五星有本輪日月有真會視會皆古所未聞惟西曆有之而舍此數法則交食凌犯終無密合之
理宜取其法參互考訂使與大統法會同歸一已而光啓上曆法修正十事其一議歲差每歲東行
漸長漸短之數以正古來百年五十年六十年多寡互異之說其二議歲實小餘昔多今少漸次改
易及日景長短歲歲不同之因以定冬至以正氣朔其三每日測驗日行經度以定盈縮加減真率
東西南北高下之差以步日躔其四夜測月行經緯度數以定交轉遲疾真率東西南北高下之差
以步月離其五密測列宿經緯行度以定七政盈縮遲疾順逆遠離遠近之數其六密測五星經緯
行度以定小輪行度遲疾留逆伏見之數東西南北高下之差以推步凌犯其七推變黃道赤道廣
狹度數密測二道距度及月五星各道與黃道相度之度以定交轉其八議日月去交遠近及真會
視會之因以定距午時差之真率以正交食其九測日行考知二極出入地度數以定周天緯度以
齊七政因月食考知東西相距地輪經度以定交食時刻其十依唐元法隨地測驗二極出入地度

數地輪經緯以求晝夜晨昏永短以正交食有無先後多寡之數因舉南京太僕少卿李之藻西洋

人龍華民鄧玉函報可

明史
附志

三年玉函卒又徵西洋人湯若望羅雅谷譯書演算光啓進本部尚書仍督修曆法時巡按四川御史馬如蛟薦資縣諸生冷守中精曆學以所呈曆書送局光啓力駁其謬并預推次年四月四川月

食時刻令其臨時比測

明史
附志

四年正月光啓進曆書二十四卷夏四月戊午夜望月食光啓預推分秒時刻方位奏言日食隨地不同則用地緯度算其食分多少用地經度算其加時早晏月食分秒海內竝同止用地經度推求先後時刻臣從輿地圖約略推步開載各布政司月食初虧度分蓋食分多少既天下皆同則餘率可以類推不若日食之經緯各殊必須詳備也又月體一十五分則盡入闕虛亦十五分止耳今推二十六分六十秒者蓋闕虛體大於月若食時去交稍遠卽月體不能全入闕虛止從月體論其分數是夕之食極近於交故月入闕虛十五分方爲食既更進一十一分有奇乃得生光故爲二十六分有奇如回回曆推十八分四十七秒略同此法也已而四川報冷守中所推月食實差二時而新法密合光啓又進曆書二十一卷冬十月辛丑朔日食新法預推順天見食二分一十二秒應天以南不食大漠以北食既例以京師見食不及三分不救護光啓言月食在夜加時早晚苦無定據惟日食按曆定時無可遷就故曆法疎密此爲的証臣等纂輯新法漸次就緒而向後交食爲期尙遠

此時不與監臣其見至成曆後將何徵信且時食之必當測候更有說焉舊法食在正中則無時差今此食既在日中而新法仍有時差者蓋以七政運行皆依黃道不由赤道舊法所謂中乃赤道之午中非黃道之正中也黃赤二道之中獨冬至夏至加時正午乃得同度今十月朔去冬至度數尚遠兩中之差二十三度有奇豈可因加時近午不加不減乎適際此日又值此時足可驗時差之正術一也本方之地經度未得真率則加時難定其法必從交食時測驗數次乃可較勘畫一今此食依新術測候其加時刻分或前後未令當取從前所記地經度分斟酌改定此可以求里差之真率二也時差一法但知中無加減而不知中分黃赤今一經目見人人知加時之因黃道因此推彼他術皆然足以知學習之甚易三也卽分數甚少亦宜詳加測候以求顯驗帝是其言至期光啓率監臣預點日晷調壺漏用測高儀器測食甚日晷高度又於密室中斜開一隙置窺筒遠鏡以測虧圓晝日體分數圖板以定食分其時刻高度悉合惟食甚分數未及二分於是光啓言今食甚之度分密合則經度里差已無煩更定矣獨食分未台原推者蓋因太陽光大能減月魄必食及四五分以上乃得與原推相合然此測用密室窺筒故能得此分數倘止憑目力或水盆照映則眩耀不足恐少尙不止此也時有滿城布衣魏文魁著曆元曆測二書令其子象乾進曆元於朝通政司送局考驗光啓摘當極論者七事其一歲實自漢以來代有減差至授時減爲二十四分二十五秒依郭法百年消一今當爲二十一秒有奇而曆元用趙知微三十六秒翻覆懸加其一弧背求弦矢宜用密率

今曆測中猶用徑一圍三之法不合弧矢真數其一盈縮之限不在冬夏至宜在冬夏至後六度今考日躡春分迄夏至夏至迄秋分此兩限中日時刻分不等又立春迄立夏立秋迄立冬此兩限中日時刻分亦不等測量可見其一言太陰最高得疾最低得遲且以圭表測而得之非也太陰遲疾是入轉內事表測高下是入交內事豈容混推而月行轉周之上又復左旋所以最高向西行極遲最低向東行乃極疾舊法正相反其一言日食正午無時差非也時差言距非距赤道之午中乃距黃道限東西各九十度之中也黃道限之中有距午前二十餘度者但依午正加減焉能必合其一言交食定限陰曆八度陽曆六度非也日食陰曆當十七度陽曆當八度月食則陰陽曆俱十二度其一曆測云宋文帝元嘉六年十一月己丑朔日食不盡如鉤畫星見今以授時推之止食六分九十六秒郭歷舛矣夫月食天下皆同日食九服各異南宋都於金陵郭歷造於燕地北極出地差八度時在十一月則食差當得二分弱其云不盡如鉤當在九分左右郭歷推得七分弱乃密合非舛也本局今定日食分數首言交次言地次言時一不可闕已而文魁反覆論難光啓更申前說著爲學曆小辨其論歲實小餘及日食變差尤明晰日歲實小餘自漢迄元漸次消減今新法定用歲實更減於元不知者必謂不惟先天更先大統乃以推壬申冬至大統得己亥寅正一刻而新法得辰初一刻十八分何也蓋正歲年與步月離相似冬至無定率與定朔定望無定率一也朔望無定率宜以平朔望加減之冬至無定率宜以平年加減之故新法之平冬至雖在大統前而定冬至恒

在大統後也又曰宋仁宗天聖二年甲子歲五月丁亥朔曆官推當食不食諸曆推算皆云當食夫於法則實當食而於是則實不食今當何以解之蓋日食有變差一法月在陰曆距交十度強於法當食而獨此日此地之南北差變爲東西差故論天行則地心與日月相參直實不失食而從人目所見則日月相距近變爲遠實不得食顧獨汴京爲然若從汴以東數千里則漸見食至東北萬餘里外則全見食也夫變差時時不同或多變爲少或少變爲多或有變爲無或無變爲有推曆之難全在此等未幾光啓入內閣

明史
麻志

五年九月十五日月食監推初虧在卯初一刻光啓等推在卯初三刻回回科推在辰初初刻三法異同致奉詰問至期測候陰雲不見無可徵驗光啓具陳三法不同之故言時刻之加減由於盈縮遲疾兩差而盈縮差舊法起冬至夏至新法起最高最高有行分惟宋紹興間與夏至同度郭守敬後此百年去離一度有奇故未覺今最高在夏至後六度此兩法之盈縮差所以不同也遲疾差舊法只用一轉周新法謂之自行輪自行之外又有兩次輪此兩法之遲疾差所以不同也至於回回曆又異者或由於四應或由於里差臣實未曉其故總之三家俱依本法推步不能變法遷就也將來有宜講求者二端一曰食分多寡日食時陽晶晃耀每先食而後見月食時游氣紛侵每先見而後食其差至一分以上今欲灼見實分有近造窺甬日食時於密室中取其光景映照尺素之上初虧至復圓分數真確畫然不爽月食用以仰觀二體離合之際鄴鄂著明與目測迥異此定分法也一

曰加時早晚定時之術壺漏爲古法輪鐘爲新法然不若求端於日星晝則用日晷則用一星皆以儀器測取經緯度數推算得之此定時法也二法既立則諸術之疎密毫末莫過矣古今月食諸史不載日食自漢至隋凡二百九十三而食於晦者七十七晦前一日者三初二日者三其疎如此唐至五代凡一百一十而食於晦者一初二日者一初三日者一稍密矣宋日食四十八無晦食者更密矣猶有推食而不食者十三元凡四十五亦無晦食猶有推食而不食者一食而失推者一夜食而晝者一至加時差至四五刻者當其時已然可知高遠無窮之事必積時累世乃稍見其端倪故漢至今千七百歲立法者十有三家而守敬爲最優尙不能無數刻之差而況於沿習舊法者何能責其精密哉

明史
麻志

七年魏文魁上言曆官所推交食節氣皆非是於是命文魁入京測驗是時言曆者四家大統回回外別立西洋爲西局文魁爲東局言人人殊紛若聚訟焉天經繕進曆書凡二十九卷并星屏一具俱欲輔光啓督率西人所造也天經預推五星凌犯會合行度言閏八月二十四木犯積尸氣九月初四昏初火土同度初七卯正金土同度十一昏初金火同度舊法推火土同度在初七是後天三日金火同度在初三是先天八日而文魁則言天經所報木星犯積尸不合天經又言臣於閏八月二十五日夜及九月初一日夜同禮臣陳六輪等用窺管測見積尸爲數十小星團聚木與積尸其納管中蓋窺管圓徑寸許兩星相距三十分內者方得同見如皆宿二星相距三十七分則不能同

見而文魁但據臆算未經實測據云初二日木星已在柳前則前此豈能越鬼宿而飛渡乎天經又推木星退行順行兩經鬼宿其度分晷刻已而皆驗於是文魁說紕天經又進曆書三十二卷并日晷星晷窺諸儀器八年四月又上乙亥丙子七政行度曆及叅訂曆法條議二十六則其七政公說之議七一曰諸曜之應宜改蓋日月五星平行起算之根則爲應乃某曜某日某時躔某宮次之數今新法改定諸應悉從崇禎元年戊辰前冬至後己卯日子正爲始二曰測諸曜行度應用黃道儀蓋太陽由黃道行月星各有本道出入黃道內外不行赤道若用赤道儀測之所得經緯度分須通以黃赤通率表不如用黃道儀卽得七政之本度爲便也三曰諸方七政行度隨地不等蓋日月東西見食其時各有先後旣無庸疑矣則太陽之躔二十四節氣與月五星之掩食凌犯安得不與交食同一理乎故新法立成諸表雖以順天府爲主而推算諸方行度亦皆各有本法四曰諸曜加減分用平立定三差法尙不足蓋加減平行以求自行乃歷家要務第天實圓體與平行異類舊所用三差法俱從句股平行定者於天體未合卽各盈縮損益之數未得其真今新法加減諸表乃以圖齊圖始可合天五曰隨時隨地可求諸曜之經度舊法欲得某日某曜經度必先推各曜冬至日所行宮度宿次後乃以各段日度比算始得今法不拘時日方所只簡本表推步卽是六曰徑一圍三非弧矢眞法蓋古歷家以直線測圓形名曰弧矢法而算用徑一圍三謬也今立割圓八線表其用簡而大弧矢等線但乘除一次便能得之七曰球上三角三弧形非句股可盡蓋古法測天以句

股爲本然句股能御直角不能御斜角且天爲圓球其面上與諸道相割生多二弧形句股不足以盡之恒星之議四一曰恒星本行卽所謂歲差從黃道極起算蓋各星距赤極度分古今不同其距赤道內外也亦古今不同而距黃極或距黃道內外則皆終古如一所以知日月五星俱依黃道行其恒星本行應從黃極起算以爲歲差之率二曰古今各宿度不同蓋恒星以黃道極爲極故各宿距星行度與赤道極時近時遠行漸近極卽赤道所出過距星線漸密其本宿赤道弧則較小漸遠極卽過距星線漸疎其本宿赤道弧則較大此緣二道二極不同非距星有異行亦非距星有易位也如觜宿距星漢測距參二度唐測一度宋崇甯測半度元郭守敬測五分今測之不啻無分且侵入參宿二十四分非一證乎三曰夜中測星定時蓋太陽依赤道左行每十五度爲一小時今任測一星距子午圈前後度分又以本星經行與太陽經行相加減得太陽距子午圈度分因以變爲真時刻四曰宋時所定十二宮次在某宿度今不能定於某宿度蓋因恒星有本行宿度已右移故也太陽之議四一曰太陽盈縮之限非冬夏二至所謂最高及最高衝也此限年年右行今已過二至後六度有奇二曰以圭表測冬夏二至非法之善蓋二至前後太陽南北之行度甚微計一丈之表其一日之影差不過一分三十秒則一秒得六刻有奇若測差二三秒卽差幾二十刻安所得準乎今法獨用春秋二分蓋以此時太陽一日南北行二十四分一日之景差一寸二分卽測差一二秒算不滿一刻較二至爲最密三曰日出入分應從順天府起算蓋諸方北極出地不同晨昏時刻亦

因以異大統依應天府算是以晝夜長短日月東西帶食所推不準今依順天府改定四日平節氣非上天真節氣蓋舊法氣策乃歲周二十四分之一然太陽之行有盈有縮不得平分如以平分則春分後天二日秋分先天二日矣今悉改定太陰之議四一日朔望之外別有損益分一加減不足以盡之蓋舊定太陰平行算朔望加減大率五度有奇然兩弦時多寡不一卽授時亦言朔望外平行數不定明其理未著其法令於加減外再用一加減名爲二三均數二日緯度不能定於五度時多時寡古今歷家以交食分數及交泛等測定黃白二道相距約五度然朔望外兩道距離有損有益大距計五度三分度之一若一月有兩食其弦時用儀求距黃道度五度未能合天三日交行有損益分蓋羅喉計都卽正交中交行度古今爲平行今細測之月有時在交上以平求之必不合算因設一加減爲交行均數四日天行無紫氣舊謂生於閏餘又爲本之餘氣今細考諸曜無象可明知爲妄增交食之議四一日日月景徑分恒不一蓋日月有時行最高有時行最卑因相距有遠近見有大小又因遠近得太陰過景時有厚薄所以徑分不能爲一二日日食午正非中限乃以黃道九十度限爲中限蓋南北東西差俱依黃道則時差安得不從黃道論其初未以求中限乎且黃道出地平上兩象限自有其高亦自有其中此理未明或宜加反減宜減反加凡加時不合者由此也三日日食初虧復圓時刻多寡恒不等非二時折半之說蓋視差能變實行爲視行則以視差較食甚前後鮮有不參差者夫視差既食甚前後不一又安能令視行前後一乎今以視行推變時刻則

初虧復圓其不能相等也明矣四目諸方各依地經推算時刻及日食分蓋地面上東西見日月出沒各有前後不同卽所得時刻亦不同故見食雖一而時刻異此日月食皆一理若日食則因視差隨地不一卽太陰視距不一所見食分亦異焉五緯之議三一曰五星應用太陽視行不得以段目定之蓋五星皆以太陽爲主與太陽合則疾行衝則退行且太陽之行有遲疾則五星合伏日數時寡時多自不可以段目定其度分二曰五星應加緯行蓋五星出入黃道各有定距度又木土火三星衝太陽緯大合太陽緯小金水二星順伏緯小逆伏緯大三曰測五星當用恒星爲準則蓋測星用黃道儀外宜用弧矢等儀以所測緯星視距二恒星星若干度分依法布算方得本星真經緯度分或繪圖亦可免算是時新法書器俱完屢測交食凌犯俱密合但魏文魁等多方阻撓內官實左右之以故帝意不能決諭天經同監局虛心詳究務祈畫一是年天經推水星伏見及木星所在之度皆與大統各殊而新法爲合又推八月二十七日寅正二刻木火月三曜同在張六度而大統推木在張四度火月張三度至期果同在張六度

明史
和志

九午正月十五日辛酉曉望月食天經及大統回東局各預推虧圓食甚分秒時刻天經恐至期雲掩難見乃按里差推河南山西所見時刻奏遣官分行測驗其日天經與羅雅谷湯若望大理評事王應遴禮臣李熾及監局守登文魁等赴臺測驗惟天經所推獨合已而河南所報盡合原推山西則食時雲掩無從考驗帝以測驗月食新法爲近但十五日雨水而天經以十三日爲雨水令再

奏明天經覆言論節氣有二法一爲不節氣一爲定節氣平節氣者以一歲之實二十四平分之每得一十五日有奇爲一節氣故從歲前冬至起算必越六十日八十七刻有奇爲雨水舊法所推十五日子正二刻者此也定節氣者以三百六十爲周天度而亦以二十四平分之每得一十五度爲一節氣從歲前冬至起算歷五十九日二刻有奇而太陽行滿六十度爲雨水新法所推十三日卯初二刻八分者此也太陽之行有盈有縮非用法加減之必不合天安得平分歲實爲節氣乎以春分證之其理更明分者黃赤相交之點太陽行至此乃晝夜平分舊法於二月十四日下註晝五十七刻夜五十刻是也夫十四日晝夜已平分則新法推十四日春分者爲合天而舊法推十六日者後天二日矣知春分則秋分及各節氣可知而無疑於雨水矣已而天經於春分屆期每午赴臺測午正太陽高度二月十四日高五十度八分十五日高五十度三十三分天經乃言京師北極出地三十九度五十五分則赤道應高五十度五分春分日太陽正當赤道上其午正高度與赤道高度等過此則太陽高度必漸多今置十四日所測高度加以地半徑差二分較赤道已多五分蓋原推春分在卯正二刻五分弱是時每日緯行二十四分弱時差二十一刻五分則緯行應加五分強至十五日井地半徑較赤道高度已多至三十分况十六日乎是春分當在十四不當在十六也秋分亦然又出節氣圖曰內規分三百六十五度四分度之一者日度也外規分三百六十度者天度也自冬至起算越九十一日三十一刻六分而始歷春分者日爲之限也乃在天則已踰二度餘矣又越

二百七十三日九十三刻一十九分而即交秋分者亦日爲之限也乃在天不及二度餘豈非舊法

春分每後天二日秋分先天二日即

明史
曆志

十年正月辛丑朔日食天經等預推京師見食一分一十秒應天及各省分秒各殊惟雲南太原則不見食其初虧食甚復圓時刻亦各異大統推食一分六十三秒回回推食三分七十秒東局所推止游氣侵光三十餘秒而食時推驗惟天經爲密時將廢大統用新法於是管理另局曆務代州知

州郭正中言中曆必不可盡廢西曆必不可專行四曆各有短長當參合諸家兼收西法

明史
曆志

十四年十二月天經言大統置閏但論月無中氣新法尤視合朔後先今所進十五年新曆其十月十二月中氣適交次月合朔時刻之前所以月內雖無中氣而實非閏月蓋氣在朔前則此氣尙屬前月之晦也至十六年第二月止有驚蟄一節而春分中氣交第三月合朔之後以第二月爲閏正月第三月爲二月無疑時帝已深知西法之密迫十六年三月乙丑朔日食測又獨驗八月詔西法果密即改爲大統曆法通行天下未幾國變竟未施行

本朝用爲時憲曆

明史
曆志

按明制曆官皆世業成弘間尙能建修改之議萬曆以後則皆專已守殘而已其非曆官而知曆者鄭世子而外唐順之周述學陳瓌袁黃雷宗皆有著述唐順之未有成書其議論散見周述學之曆宗通議曆宗中經袁黃著曆法新書其天地人三元則本之陳瓌而雷宗亦著合璧通珠曆法皆會

通回回曆以入授時雖不能如鄭世子之精微其於中西曆理亦有所發明邢雲路古今律曆考或

言本出魏文魁手文魁學本虜淺無怪其所疎授時皆不得其旨也

明史
麻志

西洋人之來中土者皆自稱歐羅巴人其麻法與回回同而加精密嘗考前代遠國之人言麻法者

多在西域而東南北無聞

唐之九執麻元之萬年麻及洪武間所譯回回曆皆西域也

蓋堯命羲和仲叔分宅四方羲仲羲叔和

叔則以嶠夷南交朔方爲限獨和仲但曰宅西而不限以地豈非當時聲教之西被者遠哉至於周
末喻人子弟分散西域天方諸國接壤西陲非若東南有大海之阻又無極北嚴寒之畏則抱書器
而西征勢固便也歐羅巴在回回西其風俗相類而好奇喜新競勝之習過之故其曆法與回回同
源而世世增修遂非回回所及亦其好勝之俗爲之也羲和既失其守古籍之可見者僅有周髀而
西人渾蓋通憲之器寒熱五帶之說地圓之理正方之法皆不能出周髀範圍亦可知其源流之所
自矣夫旁搜博採以續千百年之墜緒亦禮失求野之意也故備論之

明史
麻志

右歷法 麻法沿革

造曆者各有本原史宜備錄使後世有以考如太初之起數鍾律大衍之道篇善策皆詳本志授時
曆以測驗算術爲宗惟求合天不牽合律呂卦爻然其法之所以立數之所從出以及晷影星度皆
有全書郭守敬齊履謙傳中有書名可考元史漫無采摭僅存李謙之議錄歷經之初稿其後改三
應率及立成之數與夫割圓弧矢之法乎立定三差之原盡削不載使作者精意湮沒識者憾焉今

據大統曆通軌及曆草諸書稍爲 次首法原次立成次推步而法原之目七曰句股測望曰弧矢

割圓曰黃赤道差曰黃赤道內外度曰白道交周曰日月五星乎立定三差曰里差刻漏

明史 麻志

立成者以日月五星盈縮遲疾之數預爲排定以便推步取用也元志厯經步七政盈縮遲疾皆有二術其一術以三差立算者卽布立成法也其又術云以其下盈縮分乘入限分萬約之以加其下盈縮積者用立成法也而遺立成未載無從入算今依大統厯通軌俱錄之其目四曰太陽盈縮曰晨昏分曰太陰遲疾曰五星盈縮

明史 麻志

大統推步悉本授時惟去消長而已然通軌諸捷法實爲布算所須其間次序亦有與厯經微別者如氣朔發斂授時原分二章今合爲一授時盈縮差在日躔遲疾差在月離定朔經朔離爲一處今則經朔後卽求定朔於用殊使其目七曰氣朔曰日躔曰月離曰中星曰交食曰五星曰四餘

明史 麻志

右厯法 大統麻

回回曆法西域默狄納國王馬哈麻所作其地北極高二十四度半徑度偏西一百 七度約在雲南之西八千餘里其曆元用隋開皇己未卽其建國之年也洪武初得其書於元都十五年秋太祖謂西域推測天象最精其五星緯度又中國所無命翰林李神吳伯宗同回回大師馬沙亦黑等譯其書其法不用閏月以三百六十五日爲一歲歲十二宮宮有閏日凡百二十八年而宮閏三十一日以三百五十四日爲一周周十二月月有閏日凡三十年月閏十一日厯千九百四十一年宮月

日辰再會此其立法之大槩也按西域曆術見於史者在唐有九執曆元有扎馬魯丁之萬年曆九執曆最疎萬年曆行之未久唯回回曆設科隸欽天監與大統叅用二百七十餘年雖於交食之有無深淺時有出人然勝於九執萬年遠矣但其書多脫誤蓋其人之隸籍臺官者類以上盤布算仍用其本國之書而明之習其術者如唐順之陳瓌袁黃輩之所論者又自成一家言以故翻譯之本不行於世其殘缺宜也今爲博訪專門之裔考究其原書以補其脫落正其訛舛爲回回曆法

明史
風志

右曆法回回麻

二十四史九通政典類要合編卷二百八十八

明三十二

方輿都邑州郡一

京師順天府洪武元年曰北平府按寶字通志洪武初改大都路為北平府縮其城之北五里永樂元年建為京政府名京或周

四十五里按明成祖實錄永樂十七年十一月拓北京城南計二千七百餘丈嘉靖二十三年築重城包京城之南轉抱東西角樓長

二十八里按嘉靖實錄二十一年兵部尚書聶豹等相度京城外四面宜築外城約七十餘里後以工費重大成功不易先築南面四十二年增修各門變城續通志都邑畧

南京應天府元集慶路屬浙江行省太祖丙申年曰應天府洪武元年建都曰南京十一年曰京師永樂元年

仍曰南京京城周九十六里洪武三年九月始建新城六年八月成洪武二十三年建外城周一百八十里續通志都邑畧

中都鳳陽府太祖吳元年曰臨濠府洪武二年置都六年曰中立府七年改名城周五十里四百四

十三步續通志都邑畧

按明初設二京一都以應天府為京師開封府為北京鳳陽府為中都洪武十一年罷北京永樂

定都北平改為京師加應天為南京於是復為二京鳳陽仍中都之號嘉靖十年又升安陸州為

承天府十八年建興都然明世稱京都者不數承天蓋嘉靖特以陪藩故邸隆其稱號故不得與

二京中都並稱云續通志都邑畧

右都邑

明太祖奮起淮石首定金陵西克湖湘東兼吳會然後遣將北伐并山東收河南進取幽燕分軍四出芟除秦晉訖於嶺表最後削平巴蜀收復滇南禹跡所奄盡入版圖洪武初建都江表革元中書省以京畿應天諸府直隸京師後乃盡革行中書省置十三布政使司分領天下府州縣及羈縻諸司又置十五都指揮使司以領衛所番漢諸軍其邊境海疆則增置行都指揮使司而於京師建五軍都督府俾外都指揮使司各以其方附焉成祖定都北京乃以北平爲直隸又增設貴州交趾二布政使司仁宣之際南交屢叛旋復棄之外徼終明之世爲直隸者二曰京師曰南京爲布政使司者十三曰山東曰山西曰河南曰陝西曰四川曰湖廣曰浙江曰江西曰福建曰廣東曰廣西曰雲南曰貴州其分統之府百有四十州百九十有三縣千一百三十有八羈縻之府十有九州四十有七縣六東起遼海西至嘉峪南至瓊崖北抵雲朔東西萬餘里南北萬里其聲教所訖歲時納贖而非命吏置籍候尉羈屬者不在此數

續通典州郡典

京師元直隸中書省明太祖洪武元年四月分屬河南山東兩行中書省二年三月置北平等處行中書省九年六月改行中書省爲承宣布政使司成祖永樂元年正月建北京於順天府稱爲行在十九年遷都北京罷布政使司爲直隸英宗正統六年八月罷稱行在定爲京師統府八直隸州二屬州十七縣一百一十六

續通典州郡典

順天府元大都路直隸中書省明洪武元年八月改爲北平府十月屬山東行省二年三月改屬北

平三年四月建燕王府永樂元年正月升為北京政府為順天府領州五縣二十二大興倚宛平倚

良鄉 固安 元固安州明洪武元年十二月降為縣 永清 東安 元東安州明洪武元年十二月降為縣 香河 元屬潮州明洪武十年二月

通州 洪武初以州治潞縣省入 領縣四三河 武清 元屬潮州明洪武二年來屬 灤州 元灤州明洪武十四年降為縣來屬 寶坻 元直隸

霸州 洪武初以州治益津縣省入 領縣三文安 大成 保定 洪武十三年九月省入 涿州 洪武

領縣一房山 昌平州 元昌平縣直隸大都路明武宗正德元年七月升為州旋罷八年復升為州 領縣三順義 元順州明

懷柔 洪武元年十二月分密雲昌平二縣地置屬府正德元年七月來屬 密雲 元檀州後置縣為州治明洪武

薊州 洪武初以州治漁陽縣省入 領縣四玉田 豐潤 遵化 平谷 洪武十年二月

保定府元保定路直隸中書省明洪武元年九月為府十月屬河南分省二年三月來屬領州三縣

十七清苑 愉 滿城 洪武十年五月省入慶都 安肅 元安肅州明洪武二年七月降為縣西有遂州 定

興 元屬易州明洪武六年五月改屬府 新城 元屬雄州明洪武初屬雄 雄 元雄州明洪武二年七月省州治 容城 元屬雄

武 七年四月省入州 唐 慶都 博野 元直隸保定路明洪武元年 蠡 元蠡州屬真定路明洪武

完 元完州明洪武二年七月以領縣二深澤 東鹿 安州 洪武二年七月

易州 洪武初以州治易縣省入 領縣一涑水 續通典

年七月省入安州十三年 領縣三高陽 元屬安州明洪武六年五月改屬府尋屬冀州新安 元直隸保定

河開府元河開路直隸中書省明洪武元年十月為府屬河南分省二年三月來屬領州二縣十六

河開 倚獻元獻州明洪武初省州治樂阜城元屬景州明洪武七年改屬府肅寧 任邱元屬莫州明洪武七年改屬府北有莫州元治莫亭

縣屬河開路洪武七年交河元屬獻州明洪武八年四月改屬府十月復置青元清州明洪武初以州治會川

清為興濟元屬清州明洪武初靜海元日靖海屬清州明洪武初更名宣津洪武初以州景州洪武初以州

領縣三吳橋 東光洪武七年七月省入阜城故城 滄州洪武初以州治領縣三南皮 鹽山

慶雲洪武六年六月析山東續通典 樂安州北地置來屬 州郡典

真定府元真定路直隸中書省明洪武元年十月為府屬河南分省二年正月屬山東三月來屬領

州五縣二十七真定 倚井陘元屬廣平路威州獲鹿 元氏 靈壽 藁城 樂城 無極元屬中山府

洪武初廢四年七月復置 屬定州七年四月改屬府 平山 阜平 行唐元屬保定路明洪武二年屬定州定州元中山府

年正月改曰定州三年 領縣二新樂 曲陽元屬保定路明冀州洪武二年以州領縣四南宮

以州治安喜縣省入 新河 棗強 武邑 晉州洪武二年以州領縣三安平 饒陽 武強 趙州洪武元年以州

縣六柏鄉 隆平洪武六年九月省入柏鄉高邑 臨城 贊皇 甯晉 深州洪武二年以州

縣一衡水續通典州郡典

順德府元順德路直隸中書省明洪武元年為府十月屬河南分省二年三月來屬領縣九邢臺倚

沙河 二南和 任 內邱 唐山 平鄉 鉅鹿 廣宗洪武十年六月省入平鄉鉅續通典

州郡典

州郡典

廣平府元廣平路直隸中書省明洪武元年為府十月屬河南分省二年三月來屬領縣九永年倚

曲周 肥鄉 雞澤 廣平 成安 元屬磁州明洪武初廢 威縣 元威州順帝至正時省州治洛水郡

鄆 元屬磁州明洪武元年來屬 清河 元屬大明路明洪武六年九月來屬 續通典 州郡典

大名府元大名路直隸中書省明洪武元年為府十月屬河南分省二年三月來屬領州一縣十元

城倚大名 元與元城縣同為大名府治明洪武十年魏南樂清豐 元屬開州明洪武內黃 元屬滑

武七年三月 元滑州明洪武二年四月省州治 開州 洪武二年四月以領縣

月改屬府 年四月降為縣 滑 日馬縣入焉七年三月降為縣 州 洪武二年四月以領縣

二長垣 東明 洪武十年五月省入州及長垣縣孝宗弘治 續通典 州郡典

永平府元永平路直隸中書省明洪武二年改為平濼府四年三月為永平府領州一縣五盧龍倚

遷安 撫寧 昌黎 灤州 洪武二年九月以領縣一樂亭 續通典 州郡典

延慶州元龍慶州屬大都路明洪武初屬永平府三年三月屬北平府尋廢永樂十二年三月置隆

慶州屬北京行部十八年十一月直隸京師穆宗隆慶元年改曰延慶州領縣一永寧 本永寧衛洪武十二年九

月置永樂十二年 續通典 州郡典 三月置縣於衛城

保安州元屬上都路順寧府明洪武初廢永樂二年閏九月置保安衛十三年正月復置州於衛城

屬北京行部十八年十一月直隸京師 續通典 州郡典 萬全都指揮使司元順寧府屬上都路明洪武四年三月府廢宣宗宣德五年六月置司於此領縣

三約雅堂藏板

十五蔚州延慶左永甯保安等衛俱設於本州縣 守禦千戶所三 廣昌美峪二所 堡五宣府左衛 元宣德縣為順寧府治

六年二月置衛屬山西行都司二十八 年四月改為宣府護衛屬谷王府三十五年十一月宣府右

衛 洪武二十六年二月置與左衛同城屬山西行都司二十八 年四月改為宣府護衛屬谷王府三

故治宣府前衛 洪武二十六年置治宣府城屬山西行都司永樂 萬全左衛 元宣平縣屬順寧府明

年二月置衛屬山西行都司三十五年徙治山西蔚州永樂元 萬全右衛 洪武二十六年二月置與

三十五年徙治山西蔚州永樂元年二月徙治通州懷安衛 元懷安縣屬屬興和路明洪武三年屬興

年二月置衛屬山西行都司永樂元年二月徙治通州懷安衛 元懷安縣屬屬興和路明洪武三年屬興

六月懷來衛 懷來守禦千戶所永樂十五年改為懷來左衛明年曰懷來衛直隸後軍都督府宣德

五年六月延慶右衛 本隆慶右衛永樂二年置於居庸關北口直隸後軍都 開平衛 本獨石堡宣德五

故城移衛 龍門衛 宣德六年七月興和守禦千戶所 永樂二十年自興和舊城徙宜 龍門守禦千戶

所 宣德六年七月 長安嶺堡 永樂九年置弘治二年 鵬鵝堡 赤城堡 並宣德五年六月置又有雲

州堡 元雲州屬上都路明洪武三年七月屬北平府五年七月廢宣德五年六月 馬營堡 宣德七

續通典 州郡典 北平行都指揮使司本大寧都指揮使司洪武二十年九月置 治大 宣德二十一年七月更名領衛二十

二永樂元年三月復故名僑治保定府而其地遂虛景帝景泰四年泰寧等三衛乞居大寧廢城不

許英宗天順後遂入於三衛大寧衛 元大寧路治大定縣屬遼陽行省明洪武十三年為府屬北平

前後二編二十八年四月改左右後三衛為營州左右中三衛衛永樂元年二月省又徙中前二衛

於京師直隸後軍都督府東北有惠和縣又有武平縣東有和原縣元俱屬大寧路明洪武中皆廢

新城衛 洪武二十年九月 富峪衛 本富峪守禦千戶所洪武二十二年二月置二十四年會州衛 洪

二十九年九月置 木榆衛 洪武二十年九月 全寧衛 元全寧路直隸中書省明洪武中廢 營州左屯衛

永樂元年廢 洪武二十六年二月置永樂元年 營州右屯衛 元建州屬大寧路明洪武中州廢二十六年二

三月徙治順義縣屬大寧都司 中屯衛 元龍山縣屬大寧路明洪武中縣廢二十六年二月 營州前屯衛 元興州屬上都路明洪武

七月廢二十六年置衛永樂元年徙治香河縣屬大寧 營州後屯衛 洪武二十五年八月置永樂元

都司西南有興安縣元屬興州順帝至元五年四月廢 興州右屯衛 洪武中置永樂元年二月徙

司興州左屯衛 洪武中置永樂元年二月徙 興州前屯衛 洪武中置永樂元年二月徙 興州後屯衛 洪武中置永樂

洪武中置永樂元年二月徙 興州前屯衛 洪武中置永樂元年二月徙 興州後屯衛 洪武中置永樂

治良鄉縣直隸後軍都督府 興州前屯衛 洪武中置永樂元年二月徙 興州後屯衛 洪武中置永樂

三河縣直隸 開平衛 元上都路直隸中書省明洪武二年為府屬北平行省尋廢府置衛永樂元年

後軍都督府 開平衛 元上都路直隸中書省明洪武二年為府屬北平行省尋廢府置衛永樂元年

改屬萬全都司後廢西北有寧昌路東北有應昌路北有秦寧路又開平左屯衛 洪武二十九年八

有德寧路元俱直隸中書省西有桓州元屬上都路明洪武中皆廢 開平右屯衛 洪武二十九年置於七合營永

樂元 開平右屯衛 洪武二十九年置於 開平中屯衛 洪武二十九年置於沙峪永樂元年二月徙治

年廢 開平前屯衛 洪武二十九年八月置 開平後屯衛 洪武二十九年八月置 興和守禦千戶所 元隆

慶 開平前屯衛 洪武二十九年八月置 開平後屯衛 洪武二十九年八月置 興和守禦千戶所 元隆

縣 開平前屯衛 洪武二十九年八月置 開平後屯衛 洪武二十九年八月置 興和守禦千戶所 元隆

直隸中書省後改名興和路明洪武三年為府屬北平布政司四年府廢三十年正月置所永樂元

年二月直隸後軍都督府二十年為阿魯台所攻徙治宣府衛城而所地遂虛西有集寧路元直隸

中書省西北有寶昌州元屬興和路又有 寬河守禦千戶所 洪武二十二年二月置永樂元年二月

高原縣元為興和路治明洪武中俱廢 寬河守禦千戶所 洪武二十二年二月置永樂元年二月

約雅堂藏板

河衛於京師直隸後軍都督府元宜興縣屬興州尋升為宜興州明洪武二年兼置衛屬永平府所永樂元年續通典州郡典

南京元以江北地屬河南江北等處行中書省江南地屬江浙等處行中書省明太祖丙申年七月

置河南行中書省洪武元年八月建南京罷行中書省以應天等府直隸中書省衛所直隸大都督

府十一年正月改南京為京師十三年正月罷中書省以所領直隸六部尋改大都督府為五軍都

督府以所領直隸中軍都督府永樂元年正月仍稱南京統府十四直隸州四屬州十七縣九十有

七續通典

應天府元集慶路屬江浙行省明太祖丙申年三月日應天府洪武元年八月建都曰南京十一年

日京師永樂元年仍曰南京領縣八上元倚江寧倚句容深陽元溧陽州明洪武二年降為縣溧水元溧水州明

縣高淳弘治四年以溧水縣本六合縣浦子口巡檢司洪武九年六月六合元屬真州明洪武二年

二月續通典州郡典

鳳陽府元濠州屬安豐路明太祖吳元年升為臨濠府洪武二年九月建中都置留守司於此六年

九月日中立府七年八月日鳳陽府領州五縣十三鳳陽倚洪武七年八月析臨濠縣地置臨淮三

鎮離為濠州治明洪武二年九月改曰中懷遠定遠五河元屬泗州明洪武四年二月來屬虹元屬泗州明洪

立三年十一月改曰臨淮七年為府屬

屬壽州元安豐路屬河南江北行省明太祖丙申年日壽春府吳元年日壽州屬臨濠府洪武二年九月直隸中書省四年二月還屬後以州治壽春縣省入北有下蔡縣南有安豐縣俱洪武

中領縣二霍邱 蒙城 泗州 元屬淮安路明太祖吳元年屬臨濠府洪武二年九月領縣二盱眙直隸中書省四年二月還屬府後以州治臨淮縣省入

天長 宿州 元屬歸德府明洪武四年二月來屬 領縣一靈璧 穎州 元屬汝寧府明洪武四年二月來屬 領縣二穎上 太和 亳

州 元屬歸德府明洪武初以州治譙縣省入尋降為縣屬歸德府六州郡典 淮安府元淮安路屬淮東道宣慰司明太祖丙午年四月為府領州二縣九山陽 清河 鹽城

安東 元安東州明洪武桃源 元曰桃園明沐陽 元屬海寧州明洪武初更屬 海州 元曰海寧州明洪武初復曰海州以州治陶山縣省入

領縣一贛榆 邳州 元屬歸德府明洪武初以州治下邳縣 領縣二宿遷 睢寧 續通典州郡典

揚州付元揚州路屬淮東道宣慰司明太祖丁酉年十月日淮海府辛丑年十二月日維揚府丙午

年正月日揚州府領州三縣七江都 衛元末廢明太祖儀真 元真州治揚子縣明洪武二年州廢改縣曰儀真 泰興 高郵州

元高郵府屬淮東道宣慰司明洪武元領縣二寶應 興化 泰州 洪武初以州治海陵縣省入 領縣一如臯

年閏七月降為州以州治高郵縣省入

通州 洪武初以州治海州縣省入 領縣一海門 續通典州郡典

蘇州府元平江路屬浙江行省明太祖吳元年九月日蘇州府領州一縣七吳 倚長洲 倚吳江 元吳江州

明洪武二崑山 元崑山州明洪武二年降為縣 常熟 元常熟州明洪武二年降為縣 嘉定 元嘉定州明洪武二年降為縣 大倉州 本

倉衛明太祖吳元年四月置弘治十年正月領縣一崑山 元崑山州明洪武二年降為縣 州於衛城折崑山常熟嘉定三縣地益之

領縣一崑山 元崑山州明洪武二年降為縣 八年改屬蘇州府弘治十年正月來屬

松江府元直隸江浙行省明太祖吳元年正月因之領縣三華亭 倚上海 青浦 世宗嘉靖二十一年四月以今縣東

三... 卷一百六十五 月 方輿 五 約雅堂藏板

北之新運巡司置析華亭上海二縣地益之三十二年廢
為兩龍鎮仍置新運巡檢司萬曆元年復於唐行鎮置縣

常州府元常州路屬江浙行省明太祖丁酉年三月曰長春府旋改曰常州府泰昌改元避諱曰嘗

州府領縣五武進尚東為晉陵縣元時同治郭內明太祖丁酉年三月改武進縣曰永定無錫元無

明洪武二年宜興元宜興州明太祖戊戌年十月曰建寧江陰元江陰州直隸江浙行省明太祖戊

年四月降為縣靖江成化八年九月以江陰縣馬馱沙置鎮江府元鎮江路屬江浙行省明太祖丙申年三月曰江淮府十二年曰鎮江府領縣三丹徒續通典

陽 金壇續通典 廬州府元廬州路屬河南江北行省明太祖甲辰年七月為府置江淮中書行省於此尋罷領州二

縣六合肥倚東北有梁縣舒城 廬江元屬無為州明無為州明洪武中以州領縣一巢 六安

州明洪武四年二月屬中都臨濠府領縣二英山 霍山本六安州故埠鎮安慶府元安慶路屬河南江北行省明太祖辛丑年八月曰宣江府壬寅年四月曰安慶府領縣六

懷遠 桐城 潛山元末廢明洪太湖 宿松 望江續通典 太平府元太平路屬江浙行省江東道明太祖乙未年六月為府領縣三當塗 蕪湖 繁昌

州續通典 池州府元池州路屬江浙行省江東道明太祖辛丑年八月曰九華府尋曰池州府領縣六貴池倚

州續通典

州續通典

州續通典

州續通典

州續通典

州續通典

青陽 銅陵 石埭 建德 東流續通典州郡典

宣國府元宣國路屬江浙行省明太祖丁酉年四月日宣國府辛丑年四月日宣城府丙午年正月

日宣州府吳元年四月仍日宣國府領縣六宣城 倚南陵 涇 宣國 旌德 太平續通典州郡典

徽州府元徽州路屬江浙行省明太祖丁酉年七月日興安府吳元年日徽州府領縣六歙 倚休寧

婺源元婺源州明洪武二年正月降為縣 祁門 黟 績溪續通典州郡典

徐州元屬歸德府明洪武四年二月屬中都路臨濠府十四年十一月直隸京師領縣四蕭 沛元屬

濟寧路明太祖豐 元屬濟寧路明太祖 祖吳元年來屬 碭山元屬濟寧路明太祖 祖吳元年來屬 州郡典

滁州元屬揚州路明洪武初以州治清流縣省入七年屬鳳陽府二十二年二月直隸京師領縣二

全椒洪武初省十三 年十一月復置 來安洪武初省十三 年十一月復置 州郡典

和州元治歷陽縣屬廬州路明洪武初省州入縣二年九月復改縣為州仍屬廬州府七年屬鳳陽

府尋直隸京師東北有烏江 領縣一含山洪武初省十三 年十一月復置 州郡典

廣德州元廣德路屬江浙行省明太祖丙申年六月日廣興府洪武四年九月日廣德州十三年四

月以州治廣德縣省入直隸京師領縣一建平續通典州郡典

山東元直隸中書省又分置山東東西道宣慰使司治益都路 屬焉明洪武元年四月置山東等處行中

書省治濟南府 三年十二月置青州都衛治青州府 八年十月改都衛為山東都指揮使司九年六月改行中

書省為承宣布政使司領府六屬州十五縣八十九續通典濟南府元濟南路屬山東東西道宣慰司明太祖吳元年為府領州四縣二十六懸城倚章邱鄒

平淄川元般陽路治此屬山東東西道宣慰司明太祖吳元年長山元屬般陽路明洪武二年七月來屬新城元屬般陽路明洪武二年七月來屬

洪武二年七月來屬七年十二月齊河元屬德州明洪武二年七月改屬府濟東元屬河間路明洪武初來屬濟陽元屬河間路明洪武初來屬禹城元屬曹州

十年臨邑元屬河間路明洪武初來屬長清元屬泰安州明洪武二年七月改屬府肥城元屬濟寧路明洪武二年七月來屬青城元屬河間路明洪武二年七月來屬

齊東二縣十三年元德州治安德縣直隸中書省明洪武元年省安德縣入泰安州元直隸中書省

武初來屬以州領縣二新泰萊蕪明洪武初改屬濟南府德州元屬河間路明洪武元年降為

七年七月省陵領縣二德平平原武定州元棣州治麻次縣屬濟南路明洪武初州縣俱廢

州領縣四陽信元屬海豐明洪武六年六月折棄安州南地置屬濱州樂安舊屬滄州明洪武元年

商河濱州明洪武初以州領縣三利津霑化蒲臺元屬般陽路明洪武七年二月來屬

兗州府元兗州屬濟南路明洪武十八年升為兗州府領州四縣二十三滋陽初省元曰隨陽明洪武

置成化間甯陽鄒元屬滕州明洪武二年七月改屬泗水元屬滕州治滕縣屬益都路明洪武二年

元歸州屬益都路明洪武二年七月改屬泗水元屬濟州明洪武元年屬徐州二單州屬

年降為縣屬濟寧府後來屬金鄉元屬濟寧路明洪武十八年來屬魚臺元屬濟州明洪武元年屬徐州二

濟寧路明洪武元年省州治單父縣入州二城武元屬曹州明洪武四年濟寧州元任城縣為濟

罷濟州徙濟寧路治此明太祖吳元年為濟領縣三嘉祥元屬單州明洪武八年徙路治任城縣

以縣 鄆城 東平州 元東平路直隸中書省明太祖吳元年為府七年十一月改屬 領縣五汶上 東阿明

武八年徙治 平陰 陽穀 壽張 明洪武三年省入須城陽穀二縣十 曹州 正統十年十二月以

故穀城縣 領縣二曹 元曹州治濟陰縣直隸中書省明洪武元年省濟陰縣入州四年降為縣屬濟 定陶元

曹州明洪武元年屬濟寧府十年五月省入城武縣十 沂州 元屬益都路後省州治臨沂縣入州

府七年十二月屬青 領縣二郟城 明洪武 費州 續通典 初置 郡典

東昌府元東昌路直隸中書省明洪武初為府領州三縣十五聊城 倚堂邑 博平 明洪武三年三

在平 莘 濟平 元屬德州明洪武元年屬恩州二年七月 冠 元冠州直隸中書省明 臨清州 元臨

屬濮州明洪武二年七月 領縣二邱 元直隸東昌路 明 館陶 元屬濮州明洪武二年七月屬東昌府三

改屬洪治二年升為州 領縣三恩 元恩州直隸中書省明夏津 明洪武三年三 武

二年 高唐州 元直隸中書省明洪武初 領縣三恩 洪武二年降為縣來屬 夏津 明洪武三年三 武

改屬 濮州 元直隸中書省明洪武二年 領縣三范 明洪武三年三 觀城 明洪武三年三 朝城 明洪武

城 濮州 元直隸中書省明洪武二年 領縣三范 明洪武三年三 觀城 明洪武三年三 朝城 明洪武

月省尋 續通典 州郡典 一 青州府元益都路屬山東東西道宣慰司明太祖吳元年為青州府領州一縣十三益都 倚臨淄

博興 元博興州明洪 高苑 樂安 壽光 昌樂 元屬濰州尋省後復置仍 臨朐 安邱 元屬密州

年七月州 諸城 元為密州治屬益都路明蒙陰 元屬莒州明洪 莒州 元屬益都路明洪武 領縣二

廢屬府 洪武二年七月州廢屬府 武二年屬府 莒州 初以州治莒縣省入 領縣二

沂水 日照 續通典 州郡典

方輿 約雅堂藏版

萊州府元萊州屬般陽路明洪武元年升為府六年降為州九年五月復升為府領州二縣五掖倚

平度州元膠水縣明洪武二領縣二濰元濰州屬益都路明洪武元年以州治北海縣省入九昌

邑元屬濰州明洪武十年五月省入膠州元屬益都路明洪武初以州領縣二高密元屬濰州明

青州府九年五月屬即墨元屬膠州明洪武初屬青州府九年續通典

萊州府尋復屬州五月屬萊州府十年五月仍屬州州郡典

登州府元登州屬般陽路明洪武元年屬萊州府六年直隸山東行省九年五月升為府領州一縣

七蓬萊倚明洪武初廢黃福山棲霞招遠元屬萊州明洪武萊陽元屬萊州明洪武

州元直隸山東東西道宣慰司明洪武初以領縣一文登元屬濰州明洪武初改屬萊州

州治牟平縣省入屬萊州府九年改屬領縣一文登元屬濰州明洪武初改屬萊州

遼東都指揮使司元置遼陽等處行中書省治遼明洪武四年七月置定遼都衛六年六月置遼陽

府縣八年十月改都衛為遼東都指揮使司治定遼領衛二十五州二十年府縣俱罷定遼中衛

陽路治遼陽縣明洪武四年罷六定遼左衛定遼右衛俱明洪武六年定遼前衛明洪武八年定遼後

衛本遼東衛明洪武四年東寧衛本東寧南京海洋草河四千戶所明自在州明永樂七年置於

以上五衛一州海州衛本海州明洪武初置於舊濰州城蓋州衛元蓋州屬遼陽路明洪武四年廢

同治都司城內復州衛本復州明洪武五年六月復置十四金州衛本金州明洪武五年六月復置八

月州復廢復州衛年九月置衛二十八年四月州廢金州衛年四月置衛二十八年四月州廢

廣寧衛元廣寧府路明洪武初廢二十三年五月置衛北有懿州元屬遼陽路明永樂八年廢東北

路俱明洪武中廢廣寧中衛廣寧左衛俱明洪武二十六年正月置二十八廣寧右衛本治大凌河堡明

武中廢廣寧中衛廣寧左衛俱明洪武二十六年正月置二十八廣寧右衛本治大凌河堡明

月置二十八
年四月廢
三十五年十一
廣寧前衛
廣寧後衛
洪武二十六年
正月置於舊
義州衛
元義州
明大寧路
明洪武
初州廢
二十四年
九月置

洪武初州廢
二十八年八月
置衛廣寧後屯
衛明洪武二十
六年正月置於
舊義州衛城
廣寧中屯衛
元錦州屬
大寧路明洪
武初州廢
二十四年
九月置

廣寧左屯衛
明洪武二十四
年九月置於
廣寧右屯衛
元廣寧府地
明洪武二十
六年正月置
於遼河西後
徙廣寧中屯
衛城廣寧右
屯衛十三山
堡二十七年
又遷於舊闕
陽縣之

臨海廣寧前屯
衛元瑞州屬
大寧路明洪
武初屬永平
府甯遠衛
明宣德五年
正月分廣寧
前中衛
廣陽路明洪
武初廢瀋陽
左衛瀋陽右
衛明洪武中
置建文廢瀋
陽中屯衛
甲屯衛明洪
武三十一
年閏五月

置建文中廢
尋復置屬北
平都司後鐵
嶺衛明洪武
二十一年三
月以古鐵嶺
城置二十六
年四月廢
後軍都督府
寄治北直河
間縣城也按
高麗界明洪
武初置縣尋
廢又有咸平
府元三萬衛
元開元路明
洪武初廢二
十年十二月
直隸遼東行
省至正二年
正月降為縣
洪武初廢

遼海衛明洪武
二十三年三
月置於牛安
樂州明永樂
七年置州部
典

山西元置河東
山西道宣慰司
治大直隸中
書省明洪武
二年四月置
山西等處行
中書省治太
三

年十二月置
太原都衛與
行中書省同
治八年十月
改都衛為山
西都指揮使
司九年六月
改行中書省
為

承宣布政使司
領府五直隸
州三屬州十
六縣七十九
州部典

太原府元冀寧
路屬河東山
西道宣慰司
明洪武元年
十二月改為
太原府領州
五縣二十陽
曲

太原元曰平晉
明洪武八年
更名太原榆
次太谷祁徐
溝清源交城
文水壽陽孟
武元孟州明
洪武二年降
為

縣靜樂元晉州
明洪武二年
改為靜樂縣
河曲元省明
洪武十三年
十一月復置
平定州領縣
一樂平忻州
明洪武初以
州領

縣一定襄代州
明洪武二年
降為縣領縣
三五臺元臺
州明洪武二
年改為繁峙
元堅州明洪
武

二十四史九通文選寶慶合編
卷百八十八
月方輿
約雅堂藏板

縣八年二月元崑州明洪武二年降 崑州 本崑縣明洪武七年十領縣二嵐 元嵐州明洪武
月來屬 嶧 為縣八年二月來屬 月置八年十一月升為州 武初降為縣興
元興州明洪武二年降 保德州 明洪武七年降為縣八年十一月 續通典
為縣八年十一月來屬 屬崑州九年正月復升為州 州郡典

平陽府元晉甯路屬河東山西道宣慰司明洪武元年改為平陽府領州六縣二十八臨汾倚襄陵

洪洞 浮山 趙城 元屬絳州明洪武二年改屬 太平 元屬絳州明洪武二年改屬 岳陽 曲沃 元屬絳州明洪武二年改屬 翼城 元屬絳州

明洪武二年改屬 汾西 蒲 元屬隰州明洪武二年改屬 靈石 舊屬霍州萬曆二十三年五月 蒲州 元河中府明洪武二年改屬 蒲州 元河中府明洪武二年改為蒲州以

州治河東 領縣五臨晉 榮河 猗氏 萬泉 河津 解州 明洪武初以州領縣五安邑 夏 州省入

間喜 平陸 芮城 絳州 明洪武初以州領縣三稷山 絳 垣曲 霍州 明洪武初以州領 吉 州領縣一鄉甯 隰州 明洪武初以州領縣二大甯 永和 續通典 州郡典

汾州府元汾州屬冀甯路明洪武九年直隸布政司萬曆二十三年五月升為府領州一縣七汾陽 倫元曰西河明洪武初省入州 孝義 平遙 介休 石樓 舊屬隰州萬曆四十年改屬 臨 元臨州屬冀甯路明 萬曆二十三年五月復置更名 武初以州治離石縣省 洪武二年降為縣萬 曆二十三年 永甯州 元石州屬冀甯路明洪武初以州治離石縣省 領縣一甯鄉 續通典 州郡典 五月來屬 入隆慶元年更名萬曆二十三年五月來屬 州郡典

潞安府元潞州屬晉甯路明洪武二年直隸行中書省九年直隸布政司嘉靖八年二月升為潞安

府領縣八長治 倚元上黨縣明洪武二年省入 長子 屯留 襄垣 潞城 壺關 黎城 平順 州嘉靖八年二月復置更名 續通典 州郡典

嘉靖八年二月以潞城縣青羊里 續通典 州郡典 置析黎城壺關潞城二縣地益之 州郡典

大同府元大同路屬河東山西道宣慰司明洪武二年為府領州四縣七大同 倚懷仁 渾源州

大同府元大同路屬河東山西道宣慰司明洪武二年為府領州四縣七大同 倚懷仁 渾源州

大同府元大同路屬河東山西道宣慰司明洪武二年為府領州四縣七大同 倚懷仁 渾源州

大同府元大同路屬河東山西道宣慰司明洪武二年為府領州四縣七大同 倚懷仁 渾源州

大同府元大同路屬河東山西道宣慰司明洪武二年為府領州四縣七大同 倚懷仁 渾源州

應州明洪武初以州治鄆陽縣省入西領縣一馬邑蔚州元

治金城縣省入上郡路之順甯府至大元年十一月升為蔚昌直隸上領縣三廣靈元曰飛狐明靈邱

洪武初更名

澤州元澤州屬晉甯路明洪武初以州治晉城縣省入二年直隸行中書省九年直隸布政司領縣

四高平 陽城 陵川 沁水續通典州郡典

沁州元屬晉甯路明洪武初以州治銅鞮縣省入二年直隸行中書省九年直隸布政司萬曆二十

三年五月改屬汾州府三十二年仍直隸布政司領縣二沁源 武鄉續通典州郡典

遼州元屬晉甯路明洪武初以州治遼山縣省入二年直隸行中書省九年直隸布政司領縣二榆

社 和順續通典州郡典

山西行都指揮使司本大同都衛明洪武四年正月置治白八年十月更名專治領衛二十五府

左右前萬全左右懷安 後領衛十四朔州路治州城安東大同前衛明洪武七年二月大同後衛明

武二十五年八月置與行都司大同中衛明洪武二十五年八月大同左衛明洪武二十五年八月

同城專罷二十六年二月復置置與行都司同城後罷大同右衛明洪武二十五年八月置與行都司同城後罷

永樂元年九月復置置與行都司同城後罷鎮朔衛明洪武二十六年二月置與行都司同城後罷

都司永樂元年二月徙治北直薊州直隸後軍都督府而衛城定邊衛明洪武二十六年二月置與行都司同城後罷

北直通州直隸後軍都督府而衛城遂虛七年徙陽和衛元白登縣屬大同德明洪武初縣廢二

東天成衛 元天成縣屬興和路明洪武四年五月改屬大同府 威遠衛 正統三年三月平遠衛 成化

年置與行都司同城嘉靖中徙今治西北有雲內縣本元雲內州屬大同路明洪武五年廢宣德中

復置縣屬豐州正統十四年復廢又有平地縣元屬大同路明洪武中廢領千戶所一併守禦千

戶所成化二雲川衛 明洪武二十六年二月置屬行都司永樂元年二月徙治北直隸內直隸後軍

十年七月置 都督府宣德元年還舊治仍屬行都司正統十四年徙治北直隸內直隸後軍

左衛同治而 玉林衛 明洪武二十六年二月置屬行都司永樂元年二月徙治北直隸內直隸後軍

衛城遂虛 都督府宣德元年還舊治仍屬行都司正統十四年徙治北直隸內直隸後軍

右衛同治而 鎮遠衛 明洪武二十六年二月置屬行都司永樂元年二月徙治北直隸內直隸後軍

衛城遂虛 都督府宣德元年還舊治仍屬行都司正統十四年徙治北直隸內直隸後軍

同治而衛 高山衛 明洪武二十六年二月置屬行都司永樂元年二月徙治北直隸內直隸後軍

城遂虛 都督府宣德元年還舊治仍屬行都司正統十四年徙治北直隸內直隸後軍

九月置高山守禦千戶 宣德衛 元宣南縣屬大同路明洪武中廢 東勝衛 元東勝州屬大同路明洪

十五年八月分東勝左右中前後五衛屬行都司二十六年二月罷中前後三衛永樂元年二月徙

左衛於北直隸龍縣右衛於北直隸化縣直隸後軍都督府三月置東勝中前後三千戶所於懷仁等

處守禦而衛城遂虛正統三年九月復置後仍屬西北有豐州元屬大同路明洪武中廢領千戶所五 實保齊千戶所

復置正統中內徙復廢又有淨州路元直隸中書省明洪武中廢領千戶所五 實保齊千戶所

五花城千戶所 格爾和諾克千戶所 揚珠千 翰通典

戶所 翁吉喇特千戶所俱明洪武四年正月置 州郡典

河南元以河北地直隸中書省河南地置河南江北行中書省 治汴 梁路 明洪武元年五月置中書分省

治開 二年四月改分省為河南等處行中書省三年十二月置河南都衛八年十月改都衛為都指

揮使司九年六月改行中書省為承宣布政使司領府八直隸州一屬州十一縣九十六 州郡典

開封府元汴梁路屬河南江北行省明洪武元年五月為開封府八月建北京十一年京罷領州四

縣三十祥符 倚東為開封府元時同 陳留 杞 通許 太康 尉氏 洧川 鄆陵 扶溝 中

治開 二年四月改分省為河南等處行中書省三年十二月置河南都衛八年十月改都衛為都指

揮使司九年六月改行中書省為承宣布政使司領府八直隸州一屬州十一縣九十六 州郡典

開封府元汴梁路屬河南江北行省明洪武元年五月為開封府八月建北京十一年京罷領州四

縣三十祥符 倚東為開封府元時同 陳留 杞 通許 太康 尉氏 洧川 鄆陵 扶溝 中

治開 二年四月改分省為河南等處行中書省三年十二月置河南都衛八年十月改都衛為都指

揮使司九年六月改行中書省為承宣布政使司領府八直隸州一屬州十一縣九十六 州郡典

開封府元汴梁路屬河南江北行省明洪武元年五月為開封府八月建北京十一年京罷領州四

縣三十祥符 倚東為開封府元時同 陳留 杞 通許 太康 尉氏 洧川 鄆陵 扶溝 中

治開 二年四月改分省為河南等處行中書省三年十二月置河南都衛八年十月改都衛為都指

揮使司九年六月改行中書省為承宣布政使司領府八直隸州一屬州十一縣九十六 州郡典

開封府元汴梁路屬河南江北行省明洪武元年五月為開封府八月建北京十一年京罷領州四

縣三十祥符 倚東為開封府元時同 陳留 杞 通許 太康 尉氏 洧川 鄆陵 扶溝 中

治開 二年四月改分省為河南等處行中書省三年十二月置河南都衛八年十月改都衛為都指

揮使司九年六月改行中書省為承宣布政使司領府八直隸州一屬州十一縣九十六 州郡典

開封府元汴梁路屬河南江北行省明洪武元年五月為開封府八月建北京十一年京罷領州四

縣三十祥符 倚東為開封府元時同 陳留 杞 通許 太康 尉氏 洧川 鄆陵 扶溝 中

車陽武 原武東南有安城縣明洪武初置正統中廢 封邱 延津 蘭陽 儀封元屬睢州明洪武十年五月改屬南陽府後來屬 新鄭

元屬均州隆慶 陳州明洪武初以州治宛邱縣省入 領縣四商水明洪武初廢四年七月復置 西華 項城東北有故城今治

鎮也宣德三年遷 沈邱元屬潁州明洪武初廢弘治十年改乳香 許州明洪武初以州治長社縣省入 領縣四臨潁 襄

城 鄆城 長葛 禹州元入萬曆三年四月改曰禹州 領縣一密 鄭州明洪武初以州治管城縣省入 領

縣四滎陽 滎澤元直隸汴梁路明洪武中改屬 河陰 汜水續通典

河南府元河南府路屬河南江北行中書省明洪武元年為府領州一縣十三洛陽 倚偃師 鞏

孟津 宜陽 永甯 新安 澠池元屬陝州明洪武中改屬 嵩元嵩州屬南陽府明洪武二年四月降為縣來屬 盧氏元屬嵩

武元年四月屬南陽府三年三月屬陝州萬曆初改屬 陝州元屬河南府路明洪武元年四月改屬南陽府以州治陝縣省入 領縣二靈寶 閿鄉續通典

歸德府元直隸河南江北行省明洪武元年五月降為州屬開封府嘉靖二十四年六月并為府領

州一縣八商邱倚元曰睢陽明洪武初省嘉靖二十四年六月復置更名 甯陵 鹿邑元屬亳州明洪武中改屬 夏邑元曰下邑明洪武初更名 永城明洪

年五月屬開封 虞城元屬濟甯洪武二年正月來屬 睢州元屬汴梁路明洪武初屬開封府以州治遷邑縣省入

府十一月來屬 四年六月領縣二考城元末省明洪武四年八月復置屬開封府 柘城元末省明洪武四年八月復置

月來屬 縣十三年十一月復置屬州 州郡典 汝甯府元直隸河南江北行省明洪武初因之領州二縣十二汝陽 倚明洪武初縣廢 眞陽 州明洪

武四年省入汝陽縣弘治上蔡 明洪武初廢 四新蔡 元屬息州後廢明洪武西平 確山 明洪武十

十八年十二月仍置縣 年五月復置 四年五月復置改屬 年五月省 約雅堂藏板

入汝陽縣十三年十一月復置成化十一年遂平 信陽州元為信陽縣屬信陽州後廢明洪武元

九月改屬信陽州弘治二年八月仍屬府 年二月屬中都臨濠府七年八月改屬十年 領縣一羅山元信陽州治後州縣俱廢明洪武元年十

五月降為縣成化十一年九月復升為州 年五月直隸汝寧府成 先州明洪武初以州治定城縣省入四年二 領縣四光山 固始 息元

化十一年九月還屬州 州明洪武四年二月屬中都臨濠府七年仍來屬 商城成化十三年四月 續通典 州郡典

南陽府元直隸河南江北行省明洪武初因之領州二縣十一南陽 倚 鎮平明洪武十年五月省入

復唐明洪武三年以 泌陽元為唐州治明洪武二年省入 桐柏本唐縣之桐柏鎮巡檢司成 南召成

十二年十二月以 鄧州元治穰縣明洪武二年二月縣廢 領縣三內鄉 新野 浙川成

南陽縣南召堡置 六年析內 裕州明洪武初以州 領縣二舞陽 葉續通典 州郡典

懷慶府元懷慶路直隸中書省明洪武元年十月為府屬河南分省領縣六河內 倚 濟源元屬孟州

改屬府修武 武陟 孟元孟州明洪武初以州治河 温元屬孟州明洪武 續通典 州郡典

衛輝府元衛輝路直隸中書省明洪武元年八月為府十月屬河南分省領縣六汲 倚 昨城明洪武

年十一月復置 新鄉 獲嘉明洪武十年五月省入新 淇元淇州後廢明洪武元年 輝元輝州後

年九月復置 續通典 元末廢明洪武湯陰 元末廢明洪武林 元林州後廢明洪武元年九 磁州元治

彭德府元彰德路直隸中書省明洪武元年閏七月為府十月屬河南分省領州一縣六安陽倚元

廢明洪武元 臨漳 元末廢明洪武湯陰 元末廢明洪武林 元林州後廢明洪武元年九 磁州元治

縣屬廣平路後州縣俱廢明洪武元年十領縣二武安元末廢明洪武元年十一月復置涉元屬真定路後廢明洪武元年十一月復置
四月來屬續通典州郡典

汝州元屬南陽府明洪武初以州治梁縣省入成化十二年九月直隸布政司領縣四魯山 郟

寶豐成化十一年四月置伊陽成化十二年十一月以汝州之伊陽續通典
州郡典

陝西元置陝西等處行中書省治奉元路又置甘肅等處行中書省治甘肅明洪武二年四月置陝西等處

行中書省治西三年十二月置西安都衛與行中書省同治 八年十月改都衛為陝西都指揮使司九年六

月改行中書省為承宣布政使司領府八屬州二十一縣九十有五續通典

西安府元奉元路屬陝西行省明洪武二年三月改為西安府領州六縣三十一長安 咸甯 咸

陽 涇陽 興平 臨潼 渭南舊屬華州嘉靖三十藍田 鄂 盤屋 高陵 富平舊屬耀州

六年改 三原舊屬耀州弘治三醴泉舊屬乾州嘉靖三十華州領縣二華陰 蒲城 商州明洪

十三年三月仍為州領縣四商南成化十三年三月以雒南元曰洛南屬商州明洪武七年五月改

初改洛山陽本商縣之豐陽巡檢司成鎮安景泰三年以咸寧縣野豬坪置同州領縣五朝邑舊

為雒州明洪武九 郃陽 韓城 澄城 白水 耀州領縣一同官 乾州領縣二武功 永壽 郿

州元直隸陝西行省明洪武中 領縣三瀘化 三水成化十三年九月長武萬曆十一年三月

州來屬以州治新平縣省入 領縣三瀘化 三水成化十三年九月長武萬曆十一年三月

郡典

方輿 十二 約雅堂藏板

鳳翔府元屬陝西行省明洪武二年三月因之領州一縣七鳳翔倚岐山寶雞扶風郿元屬

路明洪武二年來屬麟遊汧陽舊屬龍州嘉靖三十隴州元屬鞏昌總帥府延祐四年十一月省續通典州郡典

漢中府元興元路屬陝西行省明洪武三年五月為府六月改名漢中府領州一縣八南鄭倚褒城

明洪武十年六月省城固元洋州明洪武三年降為縣鳳元鳳州明洪武七年七月降為縣沔元沔州

廣元路明洪武三年改屬漢中府省州治鐸水縣入州七年七月降為縣十年六月省入略陽後

復置成化二十一年六月屬南羌州嘉靖三十八年十一月仍屬府西南有大安縣洪武初廢

南羌州本南羌衛明洪武三十年九月以沔縣之領縣一略陽元屬沔州明洪武三年屬府續通典州郡典

延安府元延安路屬陝西行省明洪武二年五月為府領州三縣十六膚施倚安塞甘泉安定

保安宜川延川延長青澗舊屬綏德州嘉靖四十一年改屬府鄭州領縣三洛川中部宜君綏

德州明洪武十年五月領縣一米脂葭州明洪武七年十一月降為縣屬綏德領縣三吳堡元屬

洪武七年十一月改屬綏德尋神木明洪武初省十三府谷明洪武初省十三續通典州郡典

慶陽府元屬鞏昌總帥府明洪武二年五月直隸行省領州一縣四安化倚元省明洪武中復置合水環

州屬鞏昌總帥府明真甯舊屬甯州萬曆二甯州元屬鞏昌總帥府續通典州郡典

平涼府元屬鞏昌總帥府明洪武三年五月直隸行省領州三縣七平涼倚崇信華亭鎮原元

原州屬鞏昌總帥府明隆德舊屬靖甯州嘉靖三十涇州元直隸陝西行省明洪武三年領縣一靈

洪武初降為縣來屬

臺靜甯州元屬鞏昌總帥府領縣一莊浪元莊浪州直隸陝西行省明洪武三年領縣一靈

明洪武中來屬

年屬鳳翔府八年三月降為縣來屬

固原州本固原守黎子

戶所繫泰三年以故原州城置成化四年升為衛弘治十五年置州屬府南有開成州元直隸陝西行省治開化縣明洪武二年省州以縣屬平涼府成化三年廢縣又東南有廣安州元屬開成州明洪武二年省西北有西安守禦千戶所成化五年以舊西安州置續通典州郡典

鞏昌府元屬鞏昌總帥府明洪武二年四月直隸行省領州三縣十四隴西倚安定元定西州屬鞏昌總帥府至正

十二年三月改名安定州會甯元會州屬鞏昌總帥府至正十二年三月通渭 漳 甯遠 伏羌

明洪武十年降為縣屬府改為會甯州明洪武十年降為縣屬府

西和 元西和州屬鞏昌總帥府成化十年降為縣屬府 秦州 元屬鞏昌總帥府明洪武二年

領縣三秦安 清水 禮 元禮店文州軍民元帥府屬吐蕃宣慰司明洪武四年十一月置禮店千

所成 階州 元屬鞏昌總帥府明洪武四年復為州領縣一文 洪武四年降為縣屬府十年六月改屬州二

年十二月復置仍屬州 徽州 元屬鞏昌總帥府明洪武十年領縣一兩當 明洪武十年六月省

臨洮府元臨洮府屬鞏昌總帥府泰定元年九月改為臨洮路明洪武二年九月仍為府領州二縣

三狄道 倚渭源 蘭州 元屬鞏昌總帥府明洪武二年九月降 領縣一金 元金州屬鞏昌總帥府明

年改屬州 河州 元河州路屬吐蕃宣慰司明洪武四年正月置西安行都衛於此領河州采甘島

斯藏三衛八年十月改行都衛為陝西行都指揮使司九年十二月行都指揮使司廢衛屬陝西

指押使司十年分衛為左右十二年七月府廢改左衛於洮州升右衛為軍民指揮使司成化九年

十二月置州屬府改軍民指揮使司為衛西北有積石州元屬吐蕃宣慰司明洪武八年正月改置

積石州千戶所西南有貴德州元屬吐蕃宣慰司明洪武八年正月改置歸德守禦千戶所又南有

南河縣東北有安鄉縣元俱屬河州路續通典州郡典

明洪武三年廢六年復置十二年復廢

二十四史九事改更頁頁編 卷三頁六 明方輿 三約雅堂藏板

靈州元屬甯夏府路明洪武三年罷弘治十三年九月復置直隸布政司

續通典州郡典

興安州元金州屬興元路萬曆十一年八月更名二十三年直隸布政司領縣六平利

元末省明洪武三年置屬

四川大甯州五年二月來石泉

元末省明洪武三年置屬四川大甯州五年二月來屬嘉州府嘉州府萬曆十一年還屬州

洪武三年復置漢陰

元末省明洪武三年復置十年六月省入石泉縣後復置屬州白河成化十二年五月來屬漢州嘉靖三十八年十一月改屬漢中府萬曆十一年還屬州

陽縣白河堡置屬湖廣

鄖陽正德七年十一月以金州紫陽堡置初治

陽府十三年九月來屬紫陽

正德七年十一月以金州紫陽堡置初治

洮州衛元洮州屬吐蕃宣慰司明洪武四年正月置洮州軍民千戶所屬河州衛十二年二月升為

續通典州郡典

洮州衛軍民指揮使司屬陝西都司

續通典州郡典

岷州衛元岷州以舊祐川縣地置屬吐蕃宣慰司明洪武四年正月置岷州千戶所屬河州衛十一年

年七月升為衛屬陝西都司十五年四月升軍民指揮使司嘉靖二十四年又置州改軍民指揮使

為衛四十年閏五月州廢仍置軍民指揮使司

東北有鐵州元屬吐蕃宣慰司明洪武四年正月置鐵州千戶所屬河州衛後廢

固城守禦軍民千戶所

本西固城千戶所明洪武七年三月置

榆林衛成化六年三月以榆林川置

續通典州郡典

甯夏衛元甯夏府路屬甘州行省明洪武三年為府五年府廢二十六年七月置衛二十八年四月

罷永樂元年正月復置領千戶所四靈州守禦千戶所

明洪武十六年十月置弘治十三年九月復置靈州於所城

興武守禦千戶所

嘉靖三十年甯夏前衛在甯夏城內

戶所

正德元年以興武營置

韋州守禦千戶所

弘治十年以故韋州置

平虜千戶所

嘉靖三十年以平虜城置

漢守禦千戶所正統三年六月高臺守禦千戶所景泰七年以甘肅續通典

四川元置四川等處行中書省治成又置羅羅蒙慶等處宣慰司治建昌屬雲南行中書省明洪武四

年七月置四川等處行中書省九月置成都都衛與行中書省同治八年十月改都衛為四川都指揮使司

領招討司一宣慰司二安撫司五長官司二十二及諸衛所九年六月改行中書省為承宣布政使

司領府十三直隸州六宣撫司一安撫司二屬州十五縣百一十一長官司十六續通典

成都府元成都路明洪武四年為府領州六縣二十五成都倚華陽倚雙流明洪武十年五月省入

復郭 溫江 新繁明洪武十年五月省入新都 彭元彭州明洪武十年五月降為縣東有故

崇甯元屬彭州明洪武四年屬府十年五月復置灌元灌州明洪武十年五月省入金堂明洪武十年五月省入仁壽 井

研明洪武六年十二月置十年五月置資明玉珍置資州明內江明洪武安元安州明洪簡州明洪

年降為縣正德領縣一資陽明洪武六年十二月置屬府十年五月省入簡崇慶州元治晉原縣

八年又升為州領縣一資陽明洪武六年七月復置仍屬府正德中改屬州領縣三什邡明洪武

縣入州西北有永康縣東南有領縣一新津漢州明玉珍復置雖縣為州治領縣三什邡明洪武

江源縣明五珍復置洪武初省領縣一新津漢州明玉珍復置雖縣為州治領縣三什邡明洪武

月省入縣竹縣十縣竹德陽明洪武十年五月省入漢縣州元屬潼川府明洪武三年來屬十

州領縣二羅江明洪武六年十二月省入彰明明洪武十年五月省入縣茂州元治汶山縣屬茂

司明洪武中省縣入州領縣一汶川威州元以州治保甯縣省入明玉珍復置縣明洪武二領縣

一保明洪武六年分續通典
保甯縣地置州郡典

重慶府元重慶路屬四川南道宣慰司明洪武中為府領州三縣十七巴倚江津壁山成化十九年三月折

巴縣永川明洪武六年榮昌明洪武六年十二月置西北有大足明洪武四年改屬府安居成化九年十二月置昌甯縣明洪武七年置洪武七年省

月折銅梁遂寧江元綦江長官司屬播州明玉南川明洪武十年五月省入綦長壽明洪武六年九月改屬黔江元屬綦江守禦千戶所十四年九月復置縣屬

府黔江元屬綦江守禦千戶所十四年九月復置縣屬合州元治石照縣明洪武六年九月置黔江

梁定遠忠州元治臨江縣明洪武十年五月省入彭水元紹慶府治此屬四川南道宣慰司明洪武四年府

江明玉珍涪州領縣二武隆元曰武龍明洪武十年五月省入彭水元紹慶府治此屬四川南道宣慰司明洪武四年府

遵義軍民府元播州宣慰司屬湖廣行省明洪武五年正月改屬四川十五年二月改屬貴州都司

二十七年四月改屬四川布政司萬曆二十九年四月改置遵義軍民府領州一縣四遵義州總管

明洪武五年正月改為播州長官司萬曆二十九年四月改縣桐梓萬曆二十九年四月以真安州元珍州思甯長官司明玉珍

州長官司萬曆二領縣二綏陽萬曆二十九年四月以舊懷陽縣地置仁懷萬曆二十九年四月以舊懷陽縣地置

敘州府元敘州路屬敘南等處蠻夷宣撫司至元二十三年正月降為縣明洪武六年六月置府領

州一縣九宜賓明洪武中省化南溪慶符明洪武十年五月省入宜賓富順元富順州明洪武六年六月置府領

甯軍屬馬湖路奉定二年十月興文元戎州屬馬湖路明洪武四年降為隆昌本富順縣隆昌橋馬湖路

昌富順二縣及高州元屬敘南宣撫司明洪武五年降為領縣二筠連元筠連州治雅州明洪武

四年降州為縣屬敘州府六年十二月改屬蘇州府仍屬敘州府十年五月元下羅計長官司屬敘州府入高縣十三年十一月復置仍屬敘州府正德十三年四月來屬 瑞南宣撫司明王珍改為洪州明洪武四年降為縣十年五月省入高縣十三年四月來屬 續通典 州部典

龍安府元龍州屬廣元路明王珍置龍州宣慰司明洪武六年十二月復置龍州十四年正月改松

潘等處安撫司二十年正月仍改為龍州二十二年九月改龍州軍民千戶所二十八十年十月升龍

州軍民指揮使司後復曰龍州宣德七年改龍州宣撫司直隸布政司嘉靖四十五年十二月改曰

龍安府領縣三平武倚本名甯武萬曆十八年四月置後更名東有青川守禦千戶所明洪武四年十月以舊青川縣置屬四川都司嘉靖四十五年十二月來屬 江油元

明王珍復置明洪武十年五月省入梓潼縣十三年石泉元屬安州明洪武中州廢改屬成 鑄通典 都府嘉靖四十五年十二月來屬 州部典

馬湖府元馬湖路屬敘南宣撫司明洪武四年十二月為府領縣一長官司四屏山倚本泥溪長官 司明洪武四年

十二月置萬曆十年平夷長官司明洪武四年 續通典 州部典 癸亥長官司明洪武四年 十二月置 沐川長官司元置明洪武四年 十二月置

州尋 雷坡長官司明洪武四年十二月置 續通典 州部典

鎮雄府元芒部路屬雲南行省明洪武十五年正月為府十六年正月改屬四川布政司十七年五

月升為軍民府嘉靖五年四月政府名萬曆三十七年五月罷稱軍民府北有益良州獨州元俱屬 芒部路明洪武十七年後

廢又有阿頭易溪易娘三蠻部元屬烏撒路明洪武十五年三月領長官司五白水江箴酬長官司

屬芒部府十七年又改阿頭部為阿都府屬四川布政司後俱廢

正德十六年 懷德長官司本師 威信長官司 本母 歸化長官司 本夷 安靜長官司 本落角寨四司 嘉靖五年四月改 十一月置 佐寨

續通典 州部典

烏蒙軍民府元烏蒙路屬四川行省明洪武十五年正月為府屬雲南布政司十六年正月改屬四

川布政司十七年五月升為軍民府北有歸化州明洪武十五年三月置屬府尋廢州郡典

烏撒軍民府元烏蒙路屬四川行省明洪武十五年正月為府屬雲南布政司十六年正月改屬四

川布政司十七年五月升為軍民府續通典

東川軍民府元東川路屬雲南行省明洪武十五年正月為府十七年五月升為軍民府改屬四川

布政司二十一年六月廢二十六年五月復置續通典

潼川州元潼川府直隸四川行省明洪武九月四月降為州以州治樓縣省入直隸布政司領縣七

射洪明洪武十年五月省入鹽亭中江明洪武十年五月省入鹽亭遂甯元遂甯州明玉珍首州治

四月降遂溪元屬遂甯州明洪武十年五月省安岳明洪武四年於縣樂至成化元年七月置屬州

靖元年四續通典州郡典

眉州元屬嘉定府路明洪武九年四月降為縣仍屬嘉定州十三年十一月復為州直隸布政司領

縣三彭山明洪武十年五月省入眉丹稜明洪武六年十二月置屬嘉定府十年五月青神明洪武十

入嘉定州十三年續通典十一月復置還屬州郡典

邛州元屬嘉定府路明洪武九年四月降為縣仍屬嘉定州成化十九年二月復為州直隸布政司

領縣二大邑明洪武十年五月省入邛縣十三年十一月還屬蒲江元省入州明洪武六年十二月復置

月復置屬嘉定州成化十九年二月還屬

續通典
州郡典

嘉定州元嘉定府路明洪武四年為府九年四月降為州以州治遊龍縣省入直隸布政司領縣六

戎眉 夾江 洪雅元省入夾江明成化犍為 榮本榮州明洪武六年十二威遠明洪武六年十

府十年五月省入榮縣續通典
十三年十一月復置州郡典

瀘州元屬重慶路明洪武六年直隸四川行省九年直隸布政司領縣三納溪 江安 合江續通

州郡典

雅州元屬陝西行省吐蕃宣慰司明洪武四年以州治嚴道縣省入九年直隸布政司領縣三名山

明洪武十年省入州十三年十一月復榮經明玉珍省入嚴道 蘆山元曰瀘山後省明洪武六

續通典
州郡典
置東北有百丈縣元屬州明洪武中省 縣明洪武中復置 蘆山年十二月復置改為蘆山

永甯宣撫司元永甯路明洪武七年為永甯長官司八年正月升宣撫司天啟三年廢地屬敘州府

領長官司二九姓長官官元九姓羅氏黨蠻夷長官千戶明洪武太平長官司元大嶺軍民府明洪

月改續通典
州郡典

天全六番招討司元六番招討司明洪武六年十二月改置直隸四川布政司二十一年二月改隸都

司續通典
州郡典

松潘衛元松州屬雲南行省明洪武初因之十二年四月兼置松州衛十三年八月罷衛未幾復置

衛二十年正月 州改衛為松潘等處軍民指揮使司屬四川都司嘉靖四十二年罷軍民司止為

衛北有潘州衛明洪武中以故潘州置二十年省入 領千戶所一長官司十六安撫司五小河守禦千戶所宣德四年占藏正月置

先結族長官司 蠟匪族長官司 白馬路族長官司 山洞族長官司 阿昔洞族長官司 北

定族長官司 麥匪族長官司 者多族長官司 牟力結族長官司 班班族長官司 祈命族

長官司 勒都族長官司 包藏先結族長官司以上十三司俱明洪武十四年正月置 阿用族長官司宣德十年正月置 潘

幹寨長官司正統五年七月置 別思寨長官司宣德十年五月置 八郎安撫司永樂十五年二月置 麻兒匪安撫司宣德二年三月以阿

樂地 阿角寨安撫司 芒兒者安撫司二司俱正統五年七月置 思曩日安撫司正統十一年七月置 續通典州郡典

疊溪守禦軍民千戶所本疊溪右千戶所明洪武十一年以古翼州置屬茂州衛二十五年改置直

隸都司領長官司二疊溪長官司 鬱卽長官司俱永樂元年正月置 續通典州郡典

黎州守禦軍民千戶所本黎州長官司明洪武九年七月置十一年六月升安撫司直隸布政司屬

曆二十四年降為千戶所直隸都司東北有黎州屬陝西行省吐蕃宣慰司元屬陝西明洪武五年省州治漢源縣入州永樂後廢 續通典州郡典

平茶洞長官司元洛江芝子平茶等處長官司明洪武八年正月置屬西陽宣撫司十七年直隸布

政司續通典州郡典

洛溪芝麻子坪長官司元洛江芝子平茶等處長官司明洪武八年改置屬湖廣思南宣慰司十七

年五月直隸四川布政司續通典州郡典

安甯宣撫司成化十三年二月置領長官司二懷遠長官司 宣化長官司俱成化十三年二月置

續通典 州郡典

西陽宣慰司元西陽州屬懷德府明玉珍改沿邊溪洞軍民宣慰司明洪武五年四月仍置四陽州

兼置西陽宣慰司州尋廢八年正月改宣慰為宣撫司屬四川都司永樂十六年改屬重慶衛天啟

元年升為宣慰司領長官司三石耶洞長官司元石耶洞軍民府明洪武八年正月改為長官司色梅洞長官司元佛鄉洞長官司明玉珍

改色梅洞沿邊溪洞軍民府明洪武八年正月置麻免洞長官司明洪武八年正月置州郡典

石砭宣慰司元石砭軍民宣撫司明玉珍改安撫司明洪武八年正月為宣撫司屬重慶衛嘉靖四

十二年改屬夔州衛天啟元年升為宣慰司續通典 州郡典

四川行都司揮使司元羅羅蒙慶等處宣慰司治建昌路屬雲南行省明洪武十五年罷宣慰司二

十七年九月置四川行都指揮使司治建昌路領衛五所八長官司五建昌衛軍民指揮使司元建昌路

慶宣慰司明洪武十五年正月為府屬雲南布政司兼置屬雲南都司十月衛領守禦千戶所四

府俱改屬四川二十五年六月府廢升衛為軍民指揮使司二十七年九月來屬領守禦千戶所四

長官司三東有建安州永寧州又東有里州東南有開州西南有瀘州隆州元俱屬建昌路明洪武十五年三月俱屬建昌府東有北社縣元屬永甯州明洪武十五年三月因之尋改為

舍縣又西有德州元屬德昌路明洪武十五年守禦禮州後千戶所 守禦禮州中中千戶所元禮州

年三月屬德昌府二十七年後府州縣俱廢路明洪武十五年三月屬建昌府兼置二守禦所屬衛二十七年後廢守禦打沖河中前千戶所明

武二十七年置守禦德昌千戶所明洪武十五年置兩有德昌路元屬羅羅蒙慶宣慰司明洪武十五年

州長官司 元屬德昌路明洪武十五年三月威龍長官司以龍為隆屬德昌府永樂二年七月改置

普濟長官司 元普濟州屬德昌路明洪武十五年甯番衛軍民指揮使司十五年三月屬建昌府二十一年十月兼置蘇州衛屬四川都司二十五年六月州廢升衛為軍民指揮使司二十六年更名屬四川都司二十七年九月來屬東有中縣元屬建昌路明洪武十五年三月改屬永甯州十七年

改屬蘇州 領千戶所一守禦冕山橋後千戶所 正統七年以越嶲衛軍民指揮使司明洪武二十五年州後廢

司二十七年 領千戶所一長官司一鎮西後千戶所 弘治置印部長官司 元印部州屬建昌路明洪武七年四月升軍民府後仍為州屬越嶲衛永樂元年五月改為長官司 元柏興府治開鹽縣屬羅羅蒙慶宣慰司明洪武十五年三月屬雲南布政司

二十四年 二月降為州省屬鹽縣入焉二十六年六月州廢置屬四川都司一十七年九月來屬北有金縣元屬柏興府明洪武十五年三月因之十七年後廢

司一打冲河守禦中左千戶所 明洪武十五年置馬刺長官司 永樂會川衛軍民指揮使司 本會川守禦千

平中置屬建昌衛 二十五年六月升軍民千戶所十一月升會川衛軍民指揮使司屬四川都司二十七年九月來屬北有會川路元屬羅羅蒙慶宣慰司明洪武十五年三月為府屬雲南布政司十

月改屬四川布政司 二十六年四月府廢置其城二十七年四月復置府後復廢又西有永昌州南有武安州又有黎漢州元俱屬會川路明洪武十五年三月俱屬會川府十月俱改為縣二十四年

二月復俱為州 東南有姜州元屬建昌路又有會理州元屬會川路明洪武十五年三月俱改屬東川府北有麻龍州元屬會川路明洪武十五年三月改屬東川府又有麻龍縣明洪武十七年改屬

麻龍州 二十七年領千戶所一守禦蓮易千戶所 明洪武二十五年置 續通典

後府州縣俱廢 領千戶所一守禦蓮易千戶所 明洪武二十五年置 州郡典

江西元置江西等處行中書省 治龍明太祖壬寅年正月因之 正月治吉安府明洪武三年十二月

置江西都衛 與中書省同治 八年十月改都衛為都指揮使司九年六月改行中書省為承宣布政使司

領府十三州一縣七十七 續通典 州郡典

南昌府元龍興路屬江西行省明太祖壬寅年正月為洪都府癸卯年八月改曰南昌府領州一縣

七南昌倚新建倚豐城元富州明洪武九年十二月改為豐城縣進賢 奉新 靖安 武甯 甯州元分甯縣為甯州治明洪武初改縣

為甯州省州入焉弘治十六年升縣為州 續通典 州郡典

瑞州府元瑞州路屬江西行省明洪武二年為府領縣三高安倚上高 新昌元新昌州明洪武初降為縣

續通典 州郡典

九江府元江州路屬江西行省明太祖辛丑年為九江府領縣五德化倚德安 瑞昌 湖口 彭

澤續通典 州郡典

南康府元南康路屬江西行省明太祖辛丑年八月為西甯府壬寅年四月改曰南康府領縣四星

子倚都昌 建昌元建昌州明洪武初降為縣 安義正德十三年二月析建昌縣安義等五鄉置 續通典 州郡典

饒州府元饒州路屬江浙行省明太祖辛丑年八月為鄱陽府隸江南行省尋曰饒州府來隸領縣

七鄱陽倚餘干元餘干州明洪武初降為縣 樂平元樂平州明洪武初降為縣 浮梁元浮梁州明洪武初降為縣 德興 安仁 萬年正德七年

以餘干縣之萬春鄉置析鄱陽樂平及貴溪三縣地益之 續通典 州郡典

廣信府元信州路屬江浙行省明太祖庚子年五月為廣信府領縣七上饒倚玉山 弋陽 貴溪

鉛山元鉛山州直隸江浙行省明洪武初降為縣 永豐 興安嘉靖三十九年八月以弋陽縣之橫峯樂置析上饒貴溪二縣地益之 續通典 州郡典

建昌府建元昌路屬江西行省明太祖壬寅年正月為肇慶府尋曰建昌府領縣五南城倚南豐元

續通典 州郡典

豐州直隸江西行省 新城 廣昌 瀘溪本南城縣瀘溪巡檢司萬曆六年十二月改爲縣 續通典 州郡典

撫州府元撫州路屬江西行省明太祖壬寅年正月爲臨川府尋曰撫州府領縣六臨川 倚崇仁

金谿 宜黃 樂安 東鄉正德七年八月以臨川縣之孝岡置 續通典 州郡典

吉安府元吉安路屬江西行省明太祖壬寅年爲府領縣九廬陵 倚泰和元太和州明洪武二年正月改爲泰和縣 吉水

元吉水州明洪武二年正月降爲縣 永豐 安福元安福州明洪武二年正月降爲縣 龍泉 萬安 永新元永新州明洪武二年正月降爲縣 續通典

州郡典 臨江府元臨江路屬江西行省明太祖癸卯年爲府領縣四清江 倚新淦元新淦州明洪武初降爲縣 新喻 喻州

明洪武初 峽江本新淦縣之峽江巡檢司嘉靖五年四月改爲縣析新淦縣六鄉地益之 續通典 州郡典

袁州府元袁州路屬江西行省明太祖庚子年爲府領縣四宜春 倚分宜 萍鄉元萍鄉州明洪武初降爲縣 萬

載續通典 州郡典 贛州府元贛州路屬江西行省明太祖乙巳年爲府領縣十二贛 倚雩都 信豐 興國 會昌元

昌州明洪武 安遠元屬甯都州明甯都 元甯都州明洪武初降爲縣 瑞金元屬會昌州明洪武初改屬府 南元屬甯都州明洪武初改屬府 石

城元貞元年十一月屬甯都州明洪武初改屬府 定南隆慶三年三月以龍南縣之蓮莆鎮置析安遠信豐二縣地益之 長甯萬曆四年三月以安遠縣之馬蹄岡置析會昌縣地

益續通典 州郡典 南安府元南安路屬江西行省明太祖乙巳年爲府領縣四大庾 倚南康 上猶元永清縣明崇義洪武初更名 崇義

益續通典 州郡典 南安府元南安路屬江西行省明太祖乙巳年爲府領縣四大庾 倚南康 上猶元永清縣明崇義洪武初更名 崇義

益續通典 州郡典 南安府元南安路屬江西行省明太祖乙巳年爲府領縣四大庾 倚南康 上猶元永清縣明崇義洪武初更名 崇義

益續通典 州郡典 南安府元南安路屬江西行省明太祖乙巳年爲府領縣四大庾 倚南康 上猶元永清縣明崇義洪武初更名 崇義

益續通典 州郡典 南安府元南安路屬江西行省明太祖乙巳年爲府領縣四大庾 倚南康 上猶元永清縣明崇義洪武初更名 崇義

正德十四年三月以上
義甲置析大陝南康二縣地益之

續通典
州郡典

右州郡一